

পি-ডাব লিউ-ডি

শ্রীজলধর চট্টোপাধ্যায়

নাট্যভারতীতে অভিনীত
শুভ-উদ্বোধন—মহালয়া ১৩৪৭

শ্রীশঙ্কর লাইব্রেরী
২০৬ বর্ণওয়ালিস্‌ স্ট্রীট, কলিকাতা

প্রকাশক—

শ্রীকুবনমোহন মজুমদার, বি, এম্-সি

শ্রীগুরু লাইব্রেরী

২০৬, কর্ণওয়ালিস্ স্ট্রীট, কলিকাতা

পঞ্চম সংস্করণ

মাঘ—১৩৬০

মুদ্রাকর—

শ্রীসোমনাথ বন্দ্যোপাধ্যায়

প্রতিভা আর্ট প্রেস

১১৫এ, আমহার্ট স্ট্রীট, কলিকাতা

‘পি-ডাব্লিউ-ডি’ পরিচালনা করেছেন—জনপ্রিয়-নট দুর্গাদাস বন্দ্যোপাধ্যায়। তাঁহাকে সাহায্য করেছেন—রতীন বন্দ্যোপাধ্যায় ও সন্তোষ সিংহ। বিশেষভাবে রতীনবাবুর আন্তরিক চেষ্টা ও যত্ন অভিনয়-সাফল্যের দিকে অনেকখানি সাহায্য করেছে।

প্রথমে শুনেছিলাম—স্বাস্থ্যের কারণে নির্মলেন্দুবাবু আমার এ নাটকে রজাবতরণ করবেন না। তারপর তিনিও একটি ছোট ভূমিকায় অবতীর্ণ হ’য়ে নাটকখানির গৌরব-বৃদ্ধি করেছেন। কিন্তু জহরবাবু হঠাৎ নাট্যভারতী পরিত্যাগ করায় একজন শক্তিমান নটের অভাব বোধ করেছি আমি।

জনপ্রিয় নটী রাণীবালা ভগ্নস্বাস্থ্য পুনরুদ্ধার ক’রে নূতন চরিত্রাভিনয়ে অবতীর্ণ হলেন—এই নাটকে। আমি তাঁর স্বাস্থ্য-কামনা করি।

নাচুবাবু যে দৃশ্যপট কল্পনা করেছেন, তা’ অপূর্ব! তাঁর কৃতিত্বের পরিচয় আমার পূর্ববর্তী অনেক নাটকেই পেয়েছি। গানে সুরযোজনা করেছেন—তরুণ সুরশিল্পী শ্রীমান উমাপতি শীল—তাঁর উজ্জল ভবিষ্যের আভাষ দিয়েছেন। তন্ত্রধার কালিবাবুর শ্রম অমাহুষিক। তাঁর কাছে কৃতজ্ঞতা-স্বীকার করতে আমি বাধ্য।

নাট্যভারতীর নট-নটিগণ সকলেই আপ্রাণ চেষ্টা ও যত্ন করেছেন এই নাটকখানিকে নিখুঁতভাবে রূপদান করতে। ব্যক্তিগত ভাবে আমি তাঁদের সকলের কাছেই আন্তরিক কৃতজ্ঞতা জ্ঞাপন করছি।

জলধর চট্টোপাধ্যায়

সংগঠনকারীগণ

নাট্যকার	শ্রীজলধর চট্টোপাধ্যায়
পরিচালক	দুর্গাদাস বন্দ্যোপাধ্যায়
সুর-সংযোজক	শ্রীউমাপতি শীল
মঞ্চশিল্পী	শ্রীমণীন্দ্রনাথ দাস (নাছুবাবু)
বাঁশী	ধীরেন্দ্রনাথ বন্দ্যোপাধ্যায়
বেহালা	শ্রীকমল বন্দ্যোপাধ্যায়
ঢোলো	শ্রীবসন্তকুমার গুপ্ত
ট্রাম্পেট	শ্রীজীভেন্দ্র চক্রবর্তী
হারমোনিয়াম	শ্রীঘণ্টেশ্বর প্রামাণিক
পিয়ানো	শ্রীকালীপদ বন্দ্যোপাধ্যায় (২নং)
তবলা	শ্রীকুমারকৃষ্ণ মিত্র
স্মারক	শ্রীকালীপদ বন্দ্যোপাধ্যায় (১নং)
সহকারী	শ্রীশান্তি ভট্টাচার্য্য
আলোকসম্পাতকারী	শ্রীপ্রফুল্লচন্দ্র ঘোষ
	শ্রীশঙ্কর ভট্টাচার্য্য
	শ্রীহুলাল দাস
	শ্রীপাঁচকড়ি দত্ত
মঞ্চাধক্ষক	শ্রীপূর্ণ দে (এঃ)
সহকারী	শ্রীঅমূল্য নন্দী
	শ্রীনৃপেন রায়
বেশকারী	শ্রীগোবিন্দ দাস
	শ্রীরামকৃষ্ণ মহাপাত্র
ব্যাকগ্রাউণ্ড মিউজিক	নাট্যভারতী যন্ত্রীসম্ম
মেকআপ	সেখ বেচু
প্রচারক	শ্রীবিজয় মুখোপাধ্যায়

নট-নটী

শ্যামলী
অঞ্জলী
মালতী
মাধবী

খেম্দির মা
সৌমেন
সনৎ
রায়বাহাদুর
বিরূপাক্ষ
গজেন্দ্র
দ্বিজবর
গোবর্দ্ধন
সেন সাহেব
সুধাংশু
বিপিন
বিলাস
বিহারী
ভিখারী

সেবিকাগণ

চাকরাণী

বিলাতফেরত, সেবिकासভ্দের সেক্রেটারী

প্রফেসর পরে সদানন্দ স্বামী

সনতের পিতা, চা-বাগানের মালিক

রায়বাহাদুরের বিশ্বাসী কর্মচারী

শুনী ব্যবসায়ী

বৃদ্ধ ব্রাহ্মণ

সৌমেনের চাকর

পকেটমার ভবঘুরে

শ্যামলীর দাদা .

শ্যামলীর পাণিপ্রার্থী

গায়ক

প্রথম অধিনয় রজনীতে কে কোন্ অংশ গ্রহণ করেছেন

পুরুষ

রায়বাহাদুর	৩নির্মলেন্দু লাহিড়ী
সেন সাহেব	৩হুর্গাদাস বন্দ্যোপাধ্যায়
সৌমেন	৩রতীন বন্দ্যোপাধ্যায়
মন৭	শ্রীসন্তোষ সিংহ
গজেন্দ্র	শ্রীবিজয়কার্তিক
বিরূপাক	শ্রীতুলসী বক্রবর্তী
বিজবর	৩কুমারকৃষ্ণ মিত্র
সুধাংশু	শ্রীমিহির ভট্টাচার্য
ভিখারী	শ্রীতারাপদ ভট্টাচার্য
বিহারী	শ্রীশাস্তি ভট্টাচার্য
বিপিন	শ্রীউমাপদ দাস
বিলাস	শ্রীপ্রভাস বজ
পানওয়াল	শ্রীযতীন দাস
গোবর্দ্ধন	শ্রীগিরীশ দে
ভৃত্য	শ্রীবটকৃষ্ণ দে
পথিক	শ্রীঅনিল বিশ্বাস
লোকেশ্বর	শ্রীগণেশ মজুমদার, শ্রীঅনিল রাহ

স্ত্রী

আবহ-সঙ্গীত	শ্রীমতী রাজলক্ষ্মী (বড)
শ্যামলী	শ্রীমতী রাণীবাল
অঞ্জলি	শ্রীমতী সুহাসিনী
মালতী	শ্রীমতী নির্মলা (যুথিকা)
মাধবী	শ্রীমতী নন্দরানী
খেন্দির মা	শ্রীমতী রাজলক্ষ্মী (পচি)

সুহৃদ্বর—
দুর্গাদাস বন্দ্যোপাধ্যায়
আমার পি-ডাব্লিউ-ডি মহাশয়ের
কল্পকমলে—
গুণমুফ
জলধর চট্টোপাধ্যায়

আবহ-সঙ্গীত

(সুকবি—ধীরেন্দ্রনাথ মুখোপাধ্যায়)

অঙ্ককার—অঙ্ককার !

তোমার বুকেই আলোর অঙ্ককার !

বিপুল ব্যথার বেদীর পরে

সুখের নওলকিশোর পরে—

চোখের জলের স্ফটিক অলঙ্কার

মন-ভুলানো সোণার কমল

পাঁকের মাঝেই তার বাহার,

কান্নাহাসির কড়ি-কোমল

বাজায় মনের সুরবাহার !

মানবিরহের আঙিনাতে

ভালোবাসা বাসরপাতে

হুঃখে-সুখে জীবন চমৎকার !

পি-ডাব্লিউ-ডি

প্রথম অঙ্ক

প্রথম দৃশ্য

স্থান—দিতলের একটি কক্ষ

কাল—সন্ধ্যা

দৃশ্য—‘সেবিকাসভ্যের’র আপীস্। টেবিল চেয়ার প্রভৃতি সাজানো। টেবিলে ফোন ও কলিংবেল। দেওয়ালে ক্যালেন্ডার, Florence Nightingale-এর ছবি।

সেবিকাসভ্যের সেক্রেটারী সৌমেন চুরুট টানিতেছিলেন। একটি বালিকা পার্শ্বে দাঁড়াইয়াছিল। তাগর চোখ দিয়া জল গড়াইতেছিল।

সৌমেন। শোনো অঞ্জলি, বিবাহ একটা convention ছাড়া আর কিছুই নয়। ভালবাসা তো weakness! সত্যিই যদি এ জগতে কিছু করতে চাও—ওসব weakness'গুলো ত্যাগ করো।

অঞ্জলি। বারো বছর বয়সে বিধবা হয়েছিলাম—কে যে আমাকে বিয়ে করেছিল তা' ঠিক জানি না—তবু—আমি...

সৌমেন। আঃ ধামো, কাজ করতে দাও—

অঞ্জলি। কিন্তু সৌমেনদা আমার উপায় কি? আমার বুকের ভেতর জ্বলে যায়—যখনি ভাবি—আমি পতিতা!

সৌমেন। (বিস্মিত ভাবে) পতিতা? What do you mean?

অঞ্জলি। আমি শিবপূজা করতাম—দেবদেবীকে বিশ্বাস করতাম—

নিশ্চিত মনে মায়ের কোলে ঘুমিয়ে থাকতাম। কিন্তু আজ—
(কান্দিল) কেন তুমি আমাকে এখানে নিয়ে এলে ? এখন আমার
উপায় কি ?

সৌমেন। তোমাকে এখানে নিয়ে এসেছি, তোমার মার অসুস্থতায়।
বিধবা তুমি। এ-ছাড়া সম্ভাবে জীবনযাপন করার আর কি উপায়
আছে তোমার ? সেবাস্বার্থ কি ভাল লাগছে না অঞ্জলি ?

অঞ্জলি। না।

সৌমেন। তা' হলে তুমি কি করতে চাও ?

অঞ্জলি। শ্রামলীদি বলছিলেন...

সৌমেন। কি বলছিলেন, বলো ? বুঝেছি, বিয়ের কথা ?...Nonsense !
'বিয়ে, বিয়ে, বিয়ে। বিয়ে ছাড়া স্ত্রীপুরুষের জীবনে যেন আর
কোনো কাম্যই নেই ! শোনো অঞ্জলি, এখানে যদি থাকতে চাও—
বিয়ের কথা মুখে আনতে পারবে না। We are brothers and
sisters !

(ফোনে রিং করিল)

Hallo, yes, সেবিকাসজ্জ। কে আপনি ? Oh I see—হ্যাঁ, হ্যাঁ,
very well পাঠাচ্ছি—

(অঞ্জলির দিকে চাহিয়া)

একটা call আছে, এখনি যেতে হবে—যাবে ?

অঞ্জলি। না।

সৌমেন। টাইফয়েড্ কেস্। পেসেন্ট্—একটা পাঁচ বছরের ছোট্টো
ছেলে—যাওনা ?

অঞ্জলি। না, আমি যাবোনা।

সৌমেন। ছি, ছি, অঞ্জলি—তুমি বড় বাড়াবাড়ি করছ। তোমার শিব-

পূজোর চেয়ে এই আর্ন্তের সেবা অনেক বড় কাজ। ওই ছবিটা কার
জানো? ঠাঁর নাম Florence Nightingale—সেবাধর্মই ছিল ঠাঁর
জীবনের একমাত্র অবলম্বন। তাই উনি আজ চিরস্মরণীয়!।

অঞ্জলি। যে নিজেই আর্ন্ত, সে কি কখনো আর্ন্তের সেবা করতে পারে
সৌমেনদা (প্রস্থান)

সৌমেন। Idiot! (বিরক্তভাবে কলিং বেল টিপিলেন)

(গোবর্দ্ধনের প্রবেশ)

মালতীকে ডেকে আন।

(গোবর্দ্ধনের প্রস্থান)

(ফোনে রিং করিল)

Hallo—কে? বিরূপাক্ষ? রায় বাহাদুর কেমন আছেন? ভাল
নেই? আচ্ছা—তুমি নিজেই একবার এসো না—আচ্ছা, আচ্ছা...

(মালতীর প্রবেশ)

এই যে মালতী, যাও তৈরি হয়ে এসো। এখুনি তোমাকে
যেতে হবে...

মালতী। কোথায়?

সৌমেন। ৪নং সরকার বাই লেন।

মালতী। ভাড়া দিন্—

(সৌমেন মাণিধ্যাগ হইতে একটা দোয়ানী বাহির করিয়া

টেবিলে ফেলিয়া দিল)

মালতী। দোয়ানীটা ওভাবে টেবিলের ওপর ফেলে না-দিয়ে হাতে
হাতে দিলে আপনার জাত যেতো না সৌমেনবাবু!

সৌমেন। তার মানে?

মালতী। তার মানে—শ্রামলীকে দিতে হ'লে হাতে-হাতেই দিতেন...

(দোয়ানী লইয়া প্রস্থান)

সৌমেন। Nonsense !

(অঞ্জলির প্রবেশ)

অঞ্জলি। রাগ করো না, সৌমেনদা ! মালতীদি সত্যি কথাই বলেছে !

সৌমেন। সত্যি কথাই বলেছে ?

অঞ্জলি। হ্যাঁ, শ্যামলীকে তুমি ভালবাসো।

সৌমেন। বেরিয়ে যাও এখান থেকে...

(শ্যামলীর প্রবেশ)

এসো শ্যামলী ! বসো। বিরূপাক্ষ ফোন করেছিল।

শ্যামলী। করবেই জানি। কিন্তু অঞ্জলী কঁাদছে কেন সৌমেনবাবু ?

সৌমেন। শিবপূজা করতে পারছে না বলে। তাই নয় কি অঞ্জলি ?

শ্যামলী। বেচারী ! আপনি ওকে বিয়ে করুন সৌমেনবাবু। সত্যিই

ও আপনাকে ভালবাসে...(হাসিল) (অঞ্জলির প্রস্থান)

সৌমেন। হেসো না শ্যামলী ! She is an idiot ! আমি আজই

ওকে দেশে পাঠাবো। যাক সে কথা। বুড়ো রাঘবাহাহুর আর

ক'দিন বাঁচবে বলা তো ?

শ্যামলী। তা' কি করে বলবো ?

সৌমেন। Payment কিন্তু ভারি regular. বিলের আগেই চেক

পাঠায়।

শ্যামলী। তা' তো পাঠায়। কিন্তু আমি যে আর পেরে উঠছিনে।

শিওরে বসে সারাটি রাত জাগতে হবে—কাজ তো কেবল গীতাপাঠ

আর কেতনগান। চোখের সামনে থেকে উঠে এক মুহূর্তও এদিক-

ওদিক যাবার উপায় নেই—অমনি 'মা-শ্যামলী', 'মা-শ্যামলী'—আমি

যেন তার সাতজন্মের মা। এমন হাসি পায়...

সৌমেন। তাই নাকি ?

শ্রামলী । হ্যাঁ । অঞ্জলিকে পাঠিয়ে দিন্ না ?

সৌমেন । সে যাবে না ।

শ্রামলী । তা'হলে আমিও যাব না ।

সৌমেন । ছেলেমানুষী করো না । শোন । ওই রায়বাহাদুরের ছেলেব
সঙ্গেই তোমার বিয়ের কথা হয়েছিল...

শ্রামলী । তাই নাকি ? উনিই কি সেই...

সৌমেন । হ্যাঁ, উনিই সেই রায়বাহাদুর—চা-বাগানের মালিক । ঔর
অধীনেই তোমার বাবা চাকরী করতেন—জলপাই গুড়িতে ।

শ্রামলী । ঔর ছেলেই কি—

সৌমেন । হ্যাঁ সন্ন্যাসী হয়ে গেছে...

(বিরূপাক্ষের প্রবেশ)

বিরূপাক্ষ । এই যে শ্রামলীদিদি ! বুড়োকত্তা যে তোমার জন্মে
কাদছেন ! শীগ্গীর চলো...

সৌমেন । শোন বিরূপাক্ষ । শ্রামলী আজ দু' মাস ধ'রে রাত জাগছে ।
ওর শরীরটা বড্ড খারাপ হ'য়ে পড়েছে—তুমি আর কাউকে
নিয়ে যাও ।

বিরূপাক্ষ । না, না, তা হবে না দিদিমনি. তোমাকেই যেতে হবে ।
এই নিন্—সৌমেনবাবু, আড়াইশো টাকার চেক—আর-এক-মাসের
advance !

সৌমেন । (হাসিয়া) বুঝেছ শ্রামলী ?

বিরূপাক্ষ । কিছু বোঝানি তোমরা ।

শ্রামলী । একটু বুঝিয়ে দাও তো বিরূপাক্ষনা, ব্যাপারটা কি ?
আমাকেই কেন চান তিনি ?

বিরূপাক্ষ । বুড়া স্বপ্ন দেখেছে তুমিই নাকি ছিলে তার পূর্বজন্মের মা ।

সৌমেন । তাই নাকি—হা হা হা...

বিরূপাক্ষ । হেসো না সৌমেনবাবু ! তোমরা তো সব নাস্তিক, জন্মান্তর
মানো না । কিন্তু বুড়ো মানে ।

সৌমেন । তা'হলে যাও শ্রামলী ! ছেলে যখন কাঁদছে, তখন তো
মাকে যেতেই হবে—উপায় কি ?

শ্রামলী । আচ্ছা বিরূপাক্ষদা ! বুড়োর একমাত্র ছেলে নাকি সন্ন্যাসী
হয়ে গেছে ?

বিরূপাক্ষ । হ্যাঁ । তিনি ছিলেন এই সৌমেনবাবুরই পরম বন্ধু...

শ্রামলী । তাই নাকি ? কই, সৌমেনবাবু তো সে কথা আমাকে
বলেন নি কখনো ?

সৌমেন । প্রয়োজন হয় নি...

বিরূপাক্ষ । শোনো দিদিমণি, এম-এ পাশ করে দুই বন্ধুতে গেলেন
মার্কিন মুলুকে । একজন ফিরে এলেন—গেরুয়া পরে সাধু সেজে—
আর একজন নেকটাই এঁটে সাহেব নেজে । একজন এপারে
'রাসলীলা' করে দিন কাটাচ্ছেন—আর...

সৌমেন । (বিরক্ত হইল) রাসলীলা ?

বিরূপাক্ষ ! (হাসিয়া) এ সেবিকাসজ্জের নাম 'রাসলীলা' ছাড়া আর
কি বলবো সৌমেনবাবু ?

সৌমেন । বুঝতে পেরেছি বিরূপাক্ষ ! রায়বাহাদুরের মনে আমার
সম্বন্ধে একটা খারাপ ধারণার সৃষ্টি করেছ তুমি ? তুমি কি মনে
করো—আমি একটা বদমাইস্ ?

বিরূপাক্ষ । হয়তো, তা' নাও হ'তে পারেন । কিন্তু সৌমেনবাবু,
আমাদের পাপ-মন । এতগুলো মেয়েমানুষ নিয়ে যিনি কারবার
করেন, তিনি যে ঋষ্যশৃঙ্গ-মুনি তা'তো মনে হয় না—

সৌমেন । Nonsense !

শ্যামলী । বিরূপাক্ষদা, তুমি এখন যাও—আমি খুব শীগ্গীরই আসছি ।
(বিরূপাক্ষ প্রস্থানোত্ত)

সৌমেন । শোনো বিরূপাক্ষ ! তোমাকে একটা কথা বলে দি । তুমি
যা ভেবেছ—আমি ঠিক তা' নই । তোমাদের ঋণশৃঙ্খলের মনে নারী-
সম্বন্ধে কোনো চেতনাই ছিল না । আমি সে-বিষয়ে সচেতন, কিন্তু
সংযমী । আমার কৃতিত্ব তাঁর চেয়েও বেশী ।

বিরূপাক্ষ । তা' হবে...

সৌমেন । বিশ্বাস করতে পার না । না ?

বিরূপাক্ষ । আমার বিশ্বাস বা অবিশ্বাসে তোমার কি আসে যায় ?
আমি একে মুখ্য—তা'তে আবার পাপ-মন । আমার কথায় রাগ
ক'রোনা সৌমেনবাবু ! আমি এখন আসি দিদিমণি—তুমি আর
দেরি করোনা কিন্তু... (প্রস্থান)

শ্যামলী । (হাসিয়া) বিরূপাক্ষদা ভারি সরল মানুষ !

সৌমেন । হ্যাঁ, সরল মানুষ ! শয়তান্—

শ্যামলী । কেন মিছেমিছি চটছেন ঠাঁর উপর ? আপনার সম্বন্ধে তো
সবারই ধারণা ওইরূপ—

সৌমেন । 'সবারই' মানে ?

শ্যামলী । বাম্বী থেকে আমার দাদা কি লিখেছে জানেন ?

সৌমেন । কি ?

শ্যামলী । আপনার বাইরের সাইনবোর্ডটা 'সেবাধর্মের' হলেও—
'ল্যাম্পট্য'ই আপনার ব্যবসা !

সৌমেন । তোমার দাদা সুখাংগু—একথা লিখতে পারে । কারণ, তুমি
এই সেবিকাসভ্যে যোগদান করেছ—তার অনভিমতে । সে আমার

উপর অত্যন্ত বিরক্ত হয়ে উঠেছে !

শ্যামলী । আচ্ছা, আপনি অঞ্জলিকে বিয়ে করুননা...

সৌমেন । কেন বলো তো ?

শ্যামলী । সে মনে করে সে পতিতা !

সৌমেন । যেহেতু সে কুসংস্কারাচ্ছন্ন !

শ্যামলী । উপায় কি ?

সৌমেন । আমি তাকে এখান থেকে দূর ক'রে তাড়িয়ে দেব । ওরূপ

কুৎসিত মনোভাব নিয়ে কোনো মেয়েই এ সেবिकासঙ্ঘে থাকতে পারবে না । We are brothers and sisters!

শ্যামলী । (হাসিয়া) তা'হলে এ সেবिकासঙ্ঘ কি চলবে শুধু আপনাকে আর আমাকে নিয়ে ?

সৌমেন । না, না, শ্যামলী, আমরা তৈরি করবো, শত শত মেয়ে তৈরি করবো । প্রত্যেক মেয়েকে বুঝিয়ে দেব—তার মূল্য কি ! পুরুষের অধীনতা স্বীকার করার মানেই হচ্ছে নারীর মূল্যহীন হ'য়ে পড়া ।

শ্যামলী । আপনার উদ্দেশ্য যতই বড় হোক—আদর্শটা খুব ছোট বলে মনে হয় ।

সৌমেন । কুসংস্কারের অষ্টোপাশ বন্ধন থেকে ছাড়িয়ে নিয়ে—একটা জাতির এই মুক্তির আদর্শটা যদি খুব ছোট বলেই মনে হয়—তা'হলে বুঝ'বো—ছোট-বড় সম্বন্ধে তোমাদের কোনো ধারণা নেই ।

শ্যামলী । পুরুষের অধীনতা অস্বীকার করার সঙ্গে সঙ্গে মেয়েরা কি একটা উচ্চ-আদর্শকে হারিয়ে ফেলবেনা ? সতীত্ব ও পাত্তিব্রতের আদর্শ যে খুব বড়ো—তা'কি আপনি অস্বীকার করেন ?

সৌমেন । যে আদর্শের স্বেযোগ নিয়ে সুবিধাবাদী পুরুষরা মেয়েদের মনুষ্যত্বের দাবীকেও অস্বীকার করতে পেরেছে—তাকে আমি

কখনো বড় বলতে পারবো না। অমামুষ মেয়েদের সম্বন্ধে কি কখনো মামুষ নামের যোগ্য হ'তে পারে? তাই তো আজ আমরা এত অকস্মিক—এত অপদার্থ—এই বইখানা পড়ো...

শ্যামলী। কি বই?

সৌমেন। "Women in Soviet Russia."

শ্যামলী। পড়েছি—তবু আমার অমুরোধ—অঞ্জলিকে আপনি বিয়ে করুন। সে আপনাকে অত্যন্ত ভালবাসে—বেচারা দিন দিন শুকিয়ে যাচ্ছে—কেন্দে কেন্দে বুক ভাসাচ্ছে...

সৌমেন। Nonsense!

(সেন সাহেবের প্রবেশ)

তুমি এখন এসো শ্যামলী। বুড়ো রায়বাহাদুরের সেবা-শুশ্রূষার যেন কোন ক্রটি না হয়। ব্যাঙ্কে তার বহু টাকা আছে। সেই টাকা লক্ষ্য করেই—আমি কাজ শুরু করেছি। তার ছেলে সন্তের সঙ্গেও correspondence করছি—সারা বাংলাদেশে আমি এই সেবিকা-সঙ্ঘের শাখা-প্রশাখা খুলবো—A net-work of Female Emancipation—throughout Bengal!

শ্যামলী। তাঁর ছেলে তো সন্ন্যাসী!

সৌমেন। হ্যাঁ, সন্ন্যাসী হলেও সে তার পৈত্রিক টাকাপয়সার উত্তরাধিকারী। তুমি এখন এসো—অন্য সময়ে বুঝিয়ে দেব, আমার উদ্দেশ্য কি... (চিত্তিতভাবে শ্যামলীর প্রশ্ন)

সেনসাহেব। দশটা টাকা দিন্...

সৌমেন। চিঠিখানা দিয়ে এসেছ?

সেন সাহেব। হ্যাঁ।

সৌমেন। কোন উত্তর দিয়েছে সে?

সেন সাহেব। না।

(বাঁশী বাজাইতে লাগিলেন)

সৌমেন। আঃ, থামো। যা জিজ্ঞেস করছি, তার উত্তর দাও—

সেন সাহেব। কি বলুন ?

সৌমেন। চিঠিখানা পড়ে সে কি কোনো কথাই বললে না ?

সেন সাহেব। আজে না। সন্ন্যাসীরা তো আপনাদের মত বেশী কথা কয়না।

সৌমেন। তা'হলে কি, তার বাবার সঙ্গে একবার দেখা করবেনা সে ?

সেন সাহেব। তা' আমি কি করে বলবো ? মাইরি—এখন আর কিছু ভালো লাগছেনা। সারাদিন একটুও মদ খাইনি—দশটা টাকা দিন—চলে যাই...

(সৌমেন টাকা দিল)

(লইয়া) Good night...

(প্রস্থান)

সৌমেন। অঞ্জলি !

(অঞ্জলির প্রবেশ)

আজই তুমি দেশে যাও...

অঞ্জলি। না, যাবোনা।

সৌমেন। কেন যাবোনা ?

অঞ্জলি। কেন যাবো ?

সৌমেন। শিবপূজা করতে...

অঞ্জলি। আমার এই ছেঁড়া-বেলপাতায় তো আর শিবপূজা হবেনা, সৌমেনদা !

সৌমেন। শোনো অঞ্জলি, তুমি অত্যন্ত অশিক্ষিতা। আমার উদ্দেশ্য ও কায্য বুঝবার মত বুদ্ধি তোমার মগজে নেই—এ সেবাধর্মের মর্যাদাও তুমি বুঝবেনা। এখানে থেকে কি করবে ?

অঞ্জলি। তোমার পদসেবা করবো ?

সৌমেন। Nonsense ! আজ ছ'মাস এখানে আছ—কখনো কি দেখেছ কোনো মেয়ে আমাকে স্পর্শ করেছে ? ইস্পাতের মতই কঠিন মানুষ আমি—তা' বোধ হয় জানানো ?

অঞ্জলি। জানি। আমার কাছে। শ্যামলীর কাছে নয়। কিন্তু আমি তোমাকে শ্যামলীর চেয়েও বেশী ভালবাসি—

সৌমেন। Shut up ! দেশে তুমি ফিরে যাবে কিনা বলো...

অঞ্জলি। না।

সৌমেন। যাবেনা ?

অঞ্জলি। না সৌমেনদা, আমি যেতে পারবোনা— (কাঁদিল)
(ফোনে রিং করিল)

সৌমেন। Hallo ! কে ? সনৎ ? আমার চিঠির জবাব দিলিনা কেন ? যাচ্ছি...বেশ, বুড়ো বোধ হয় আর বাঁচবেনা। হ্যাঁ, হ্যাঁ, দুটো-একটা নয়—দশ লক্ষ টাকা ! হা হা হা—তা হবে বৈকি—
কিন্তু ভাই ! Don't be so cocksure, good night !
(ফোন রাখিল)

সৌমেন। শোনো অঞ্জলি ! এ সেবিকাসঙ্ঘ একটা বিয়ের বাসর নয়। It is a mission—এর একটা উদ্দেশ্য আছে—লক্ষ্য আছে। এখানে থাকতে হলে বিয়ে কথাটি মুখে আনতে পারবেনা। We are brothers and sisters !

অঞ্জলি। কিন্তু আমার মনে আজ সে আকাজকা কে জাগিয়ে দিচ্ছে জানো ?

সৌমেন। কে ?

অঞ্জলি। তুমি ! কেন তুমি আমার চেয়েও শ্যামলীকে বেশী ভালোবাসো ?

প্রথম অঙ্ক

পি-ডাব্লিউ-ডি

প্রথম দৃশ্য

সৌমেন । Nonsense ! Get out—I am tired—horribly
tired of you. Rubbish ! (প্রস্থান)

দ্বিতীয় দৃশ্য

স্থান—রায়বাহাদুরের বাড়ী

কাল—রাত্রি

দৃশ্য—একটি সুসজ্জিত কক্ষের এক পাশ্বে একটি শয্যা, অপর পাশ্বে
টেবিল চেয়ার প্রভৃতি সাজানো—এক কোণে একটি টেবিল হারমনিয়ম
—ঘরের আলোটা একটু ডিম্। হারমনিয়ম বাজাইয়া শ্যামলী
গাহিতেছিল—

গান

ওগো আনন্দ-রসঘন-শ্যাম !

দেখি চরণে চরণ তব বন্ধিম-ঠাম ।

ঝিনি, ঝিনি, ঝিনি ঝিনি—নূপুরের নিকণি

মোহন মুরলী করে অতি সুমধুর ধ্বনি—

কটিতটে পীতবাসে, শ্যামসুখ অভিলাষে

মূরছিত চিত কোটি-কাম ।

তনু-মন-বিমোহন—হে শ্যাম-নিরঞ্জন !

জ্ঞানাজ্ঞান গুণধাম ।

এ-হৃদি যমুনাকূলে, এসো শ্যাম হলে, হলে,

কঁাদিছে মানসী-রাধা বিরহ-বিটপীমূলে

এসো সুন্দর নটবর—রূপমনোহর—

এসো চির নয়নাভিরাম ।

(শয্যায় শায়িত রায়বাহাদুর গান শুনিতেছিলেন। গানান্তে উঠিয়া বসিলেন রায়বাহাদুর। থাক্ আর গান গাইতে হবেনা মা, তুমি এদিকে এসো—

(শ্যামলী কাছে আসিয়া শয্যাপার্শ্বে বসিল)

(বিরূপাক্ষের প্রবেশ)

বিরূপাক্ষ ! আমার সামনের ওই জান্নাটা খুলে দাও তো—বাইরে লোকের উপর জোছনার আলো—কী সুন্দর দেখাচ্ছে ! এদিকে এসো বিরূপাক্ষ—দেখতো এই ফটোখানা কার ?

(বালিশের নীচু হইতে একটা ফটো দিলেন)

বিরূপাক্ষ ! এ'তো এই দিদিমণির ফটো !

শ্যামলী । আমার ?

বিরূপাক্ষ । হ্যাঁ তোমার...(শ্যামলী লইয়া দেখিল)

রায়বাহাদুর । তোমার নয়—আমার মার । পঁচিশ বছর আগে—আমার যে মায়ের মৃত্যু হয়েছে—ওই ফটোখানা তাঁর ছোটবেলাকার । ঠিক তোমার মত—না ?

বিরূপাক্ষ । হ্যাঁ বাবু, ঠিক যেন দিদিমণির মুখখানি...

রায়বাহাদুর । আমার মার মৃত্যুর তিন চার বছর পরে—হঠাৎ একদিন তোমাকে আমি দেখেছিলাম শ্যামলী ! তোমার বাবার কোলে । তোমাকে দেখেই আমার মার মুখখানা মনে পড়েছিল । তারপর আজ এই ষোল বছর পরে—তোমাকে এখানে চিনে নিতে একটুও কষ্ট হয়নি আমার ।

শ্যামলী । আমি আজ দু'মাসের উপর আপনার এখানে আসছি—কিন্তু, একথা এতদিন আমাকে—বলেননি কেন ? (বিরূপাক্ষের প্রশ্ন)

রায়বাহাদুর । তোমার উপর বড় ঘৃণা হয়েছিল মা ! কেন তুমি ওই

সেবিকাসজ্জ্ব থাকো ? সৌমেন যে একটা লম্পট তা' কি তুমি
জানো না ?

শ্যামলী । না, না, সৌমেনবাবু খুব ভালো লোক—আমাদের সবাইকে
ছোট বোনের মত স্নেহ করেন ।

রায়বাহাদুর । শোনো মা ! তোমার বাবাকে আমি প্রতিশ্রুতি দিয়ে
ছিলাম—আমার সনতের সঙ্গেই তোমাকে বিয়ে দেব—মা সাজিয়ে
ঘরে আনবো । কিন্তু অদৃষ্টের কি পরিহাস—সনৎ আজ সন্ন্যাসী—
তুমি সেবিকাসজ্জ্ব !

শ্যামলী । রাত অনেক হয়ে গেছে—আপনি একটু ঘুমোতে চেষ্টা করুন ।

রায়বাহাদুর । না, আজ আর ঘুমবো না । শোনো মা ! মাগুষ যা
কামনা করে, তা' সবই আমি পেয়েছিলাম । কিন্তু সুখী হ'তে
পারিনি । সারা জীবন যমের সঙ্গে যুদ্ধ করেছি—ছেলে-মেয়ে, বৌ
কাউকে বাঁচিয়ে রাখতে পাবিনি । একটি মাল ছেলে ছিল—
সেও সন্ন্যাসী হ'য়ে গেছে । আজ আর আমার কেউ নেই...

শ্যামলী । সনৎবাবু এখন কোথায় ?

রায়বাহাদুর । সে তো আর সনৎবাবু নয় মা ! সদানন্দ স্বামী । যাক্
সে কথা—তোমার এক দাদা ছিল, না ?

শ্যামলী । আজ্ঞে হ্যাঁ ।

রায়বাহাদুর । কি নামটা ছিল তার ?

শ্যামলী । সুধাংশু—

রায়বাহাদুর । হ্যাঁ, হ্যাঁ, সুধাংশু—সে এখন কোথায় ?

শ্যামলী । বন্দায় ।

রায়বাহাদুর । মা বাপ, কেউ তো আর বেঁচে নেই ?

শ্যামলী । আজ্ঞে না ।

রায়বাহাদুর। হঁ। তাই, ওই লম্পট সোমেনের সঙ্গে এত মেলামেশার
সুযোগ পেয়েছ ?

শ্রামলী। কেন আপনি বার বার সোমেনবাবুকে লম্পট বলছেন ? আমি
জানি—তিনি খুব চরিত্রবান লোক।

রায়বাহাদুর। দেখো মা, আমি তোমার ছেলে হলেও—‘বুড়ো ছেলে’।

এই সংসাবটা তুমি কেবল দেখতে শুরু করেছ—আমার দেখাশোনা
শেষ হ’য়ে গেছে। সোমেন যতই চরিত্রবান হোক—তুমি আর সেই
সেবিকাসভ্যে ফিবে যেতে পারবে না, এখানেই থাকবে।

শ্রামলী। কেন বলুন তো ?

রায়বাহাদুর। তুমি যে আমার মা। আমি রায়বাহাদুর। ব্যাঙ্কে
আছে প্রায় দশ লক্ষ টাকা। আমার মা কেন থাকবে
সেই সেবিকাসভ্যে ? দিন আমার ফুরিয়ে এসেছে মা—তাই
আমার যা-কিছু সবই...তোমার নামে ট্রান্সফার করেছি। এই
নাও দলিল !

শ্রামলী। (দলিল দেখিয়া) এ কি করেছেন আপনি ? আপনার ছেলে—
রায়বাহাদুর। হ্যাঁ, আমার ছেলে একদিন নিশ্চয়ই ফিরে আসবে—তা
আমি জানি। কিন্তু তার এই ‘গায্য পাওনা’ আমি কার কাছে
রেখে যাবো মা ? হয়তো, তার সঙ্গে আমার আর দেখাই হবে না—
(কাঁদিলেন)

শ্রামলী। না, না, আপনি কাঁদবেন না। আপনার ছেলে যতদিন ফিরে
না আসেন, ততদিন আমি এখানেই থাকবো—কিন্তু এ দলিলটা তো
তার নামেই করা উচিত ছিল।

রায়বাহাদুর। তুমি কি বুঝতে পারছ না, সে আজ সদানন্দ স্বামী !
তার জীবনের লক্ষ্য আর আমার জীবনের লক্ষ্য তো এক নয় !

পঞ্চাশ বছর ধরে শরীরের রক্ত জল ক'রে যে নয় লক্ষ পঁচাত্তর হাজার টাকা, আমি ব্যাঙ্কে জমিয়েছি—তা' সে এক দিনেই উড়িয়ে দিতে পারে—ঘাকে-তাকে দান করে। টাকা-পয়সা উড়িয়ে দিতে একটা মন্দের মাতালের যত সময় লাগে একটা দানের মাতালের তো তাও লাগে না মা ?

শ্রামলী। তিনি খুব দাতা ?

রায়বাহাদুর। হ্যাঁ মা, দাতাফর্ণ। পথের ভিখারীকে বাড়ীতে ডেকে এনে—খাওয়াতো, জামা-কাপড় আর টাকা-পয়সা দিত, আমি কোনো আপত্তি করতাম না। হঠাৎ একদিন 'সেন-সাহেব' নাম ক'বে একটা মাতালকে দিয়েছিল—দশটা টাকা। তা' দেখে আমি খুব বকেছিলাম—সেই দিনই অভিমান করে বাড়ী থেকে চলে গেল, আর ফিরে এলো না।

শ্রামলী। চুপ করুন, আপনার চোখ দিয়ে জল পড়ছে...

রায়বাহাদুর। আব কতই বা পড়বে মা ? অনেক পড়েছে। আমার যদি আর একটা ছেলে বা মেয়ে থাকতো—তাহলে—হয়তো আমি সহ করতে পারতাম। কিন্তু সনৎ আমার সে দুঃখ বুকলো না।

শ্রামলী। আমি একবার তাঁর সঙ্গে দেখা করবো...

রায়বাহাদুর। না, না, এখন নয়—আমার মৃত্যুর পরে। এখন সে জীবাত্মার কথা বলে, পরমাত্মার কথা বলে—এ রক্তমাংসের মানুষের কথা একেবারেই ভুলে গেছে।

শ্রামলী। তবু আমি একবার যাবো তাঁর কাছে। কেন আপনি এ-সব আমার নামে ট্রান্সফার করবেন ?

রায়বাহাদুর। তুমি যে আমার মা...

শ্রামলী। না, না, আপনি আমাকে এতখানি বিশ্বাস করবেন না।

রায়বাহাদুর। কেন করবো না মা ? পাঁচশো টাকা ব্যয় ক'রে—আজ
ছ'মাস আমি তোমাকে আমার কাছে রেখেছি—তোমাকে চিন্তে
কি আমার আর কিছু বাকি আছে ? তুমিই সেই মেয়ে—যে আমার
সনৎকে ফিরিয়ে আনতে পারবে।

শ্রামলী। কিন্তু আমি যদি—

রায়বাহাদুর। বলো—বলো—তুমি যদি না পার ? নাইবা পারবে ?
তাতে আর আমার ক্ষতিবৃদ্ধি কি ? তুমিই যে আমার এ বাড়ীতে
আলো জ্বলবে—এ ধারণা নিয়ে তো আমি যাচ্ছি ?

(ব্যস্তভাবে বিক্রপাক্ষের প্রবেশ)

বিক্রপাক্ষ। বাবু বাবু, সনৎ এসেছে।

রায়বাহাদুর। সনৎ ? এসেছে ? কই ? সনৎ ! সনৎ !

(সনতের প্রবেশ)

সনৎ। বাবা ! (রায়বাহাদুর) সনৎকে বক্ষে জড়াইয়া ধরিলেন—
সনতের বাহু পাশেই তাহার হাটফেল করিল)।

সনৎ। একি, বাবা ! বাবা ! (শ্রামলী পাল্‌স দেখিল সনৎ বিস্মিতভাবে
শ্রামলীর মুখের দিকে চাহিয়া রহিল)।

শ্রামলী। শুইয়ে দিন, heart fail করেছে...

বিক্রপাক্ষ। বাবু ! বাবু ! (পদতলে পড়িয়া কাঁদিতে লাগিল)।

সনৎ। আমি এসেই বাবাকে মেরে ফেললাম ?

শ্রামলী। এসে মারেননি—না এসেই মেরেছেন। গুঁর মৃত্যু হয়েছে
তিলে তিলে—বহুদিন ধরে।

সনৎ। আপনি কে ?

শ্রামলী। একটা সামান্য নাস', কিন্তু উপস্থিত এই বাড়ীর মালিক—
এই দেখুন...(দলিলটা হাতে দিল)

(সনৎ উহা দেখিতে দেখিতে তীক্ষ্ণদৃষ্টিতে ছ'একবার শ্যামলীর দিকে চাহিলেন)

শ্যামলী । (বিরূপাক্ষের হাত ধরিয়া) বিরূপাক্ষদা ওঠো, কেঁদে আর লাভ কি ? এখন আমাদের অনেক কর্তব্য আছে ।

(দলিলখানা শ্যামলীর হাতে দিয়া সনৎ চলিয়া যাইতেছিল)

আপনি—কোথায় যাচ্ছেন স্বামীজী ?

সনৎ । আশ্রমে ।

শ্যামলী । সে কি ? আপনার বাবার মুখাঙ্গি করবে কে ?

সনৎ । আমি সন্ন্যাসী ! ওসব সামাজিক সংস্কারের বাধ্য আমি নই ।

শ্যামলী । তা'হলে এখানে কেন এসেছিলেন—বলুন তো ? এই নয় লক্ষ পঁচাত্তর হাজারের লোভে বুঝি ? বাঃ চমৎকাব সন্ন্যাসী তো !

সনৎ । হ্যাঁ, এই মৃত্যুকালে এসে—সত্যিই আমি একটা বিজ্রপের পাত্র হয়ে পড়েছি । আপনার কথার কোনো প্রতিবাদ খুঁজে পাচ্ছি নে । কিন্তু একথাটা নিশ্চয় জানবেন—আমি নির্লোভ ! হঠাৎ এসেছিলাম আমার এক বন্ধুর অমুরোধে । টাকাটার কি ব্যবস্থা হচ্ছে—শুধু সেই খবরটুকু জানতে...

শ্যামলী । কে আপনার বন্ধু ? সোমেনবাবু ?

সনৎ । আজ্ঞে হ্যাঁ । আপনি তাকে চেনেন ?

শ্যামলী । (হাসিয়া) খুব চিনি ।

বিরূপাক্ষ । (হঠাৎ উত্তেজিতভাবে) তুই বেরিয়ে যা' এখন থেকে—
বেরিয়ে যা ! তুইই তো আমার বাবুকে মেরে ফেলেছিস—
আমি তোকে—(আক্রমণ করিতে উদ্যত হইল)

শ্যামলী । আঃ ছেলেমানুষী করো না—বিরূপাক্ষদা ! দশটা টাকা নিয়ে এখনি বাজারে যাও—ফুল নিয়ে এসো—ছোটো কেতনের দল

বায়না ক'রে এসো। দাঁড়িয়ে রইলে কেন? যাও—

(বিরূপাক্ষের প্রস্থান)

আচ্ছা স্বামীজী! সন্ন্যাসীরা কি এতই নির্গম যে বাপের মৃত্যুতে তাঁদের চোখে একফোঁটা জল গড়ায় না?

সনৎ। জাতশ্চ হি ধ্রুবো মৃত্যু—ধ্রুবং জন্ম মৃতশ্চ চ।

তস্মাৎ অপরিহার্যার্থে—ধীরস্তত্র ন মুহুতি!

শ্যামলী। তবু আপনাকে ও গেরুয়া বসন এখন ছাড়তে হবে...এই নিন্—তারপর—যথারীতি শ্রাদ্ধাদি সেরে, আবার আশ্রমে ফিরে যাবেন—কেউ বাধা দেবে না।

(সৌমেনের প্রবেশ)

সৌমেন। এই যে সনৎ! রায়বাহাদুর নাকি মারা গেছেন?

সনৎ। হ্যাঁ—

সৌমেন। মৃত্যুর আগে তুমি এসেছিলে?...কি হে, কথা বলছনা যে?

শ্যামলী। (হাসিনা) হ্যাঁ এসেছিলেন। কিন্তু তাতে কোনো সুবিধে হয়নি সৌমেনবাবু! ওদিকে ব্যাক্ ফেল!

সৌমেন। ব্যাক্ ফেল মানে?

শ্যামলী। উনি কিছুই পান্নি—সবই transferred to Miss Shyamali—এই দেখুন...(দলিলটা হাতে দিল)

(সৌমেন বিস্মিতভাবে দলিলখানা পড়িতে লাগিল, শ্যামলী মৃদু মৃদু হাসিতেছিল।)

তৃতীয় দৃশ্য

স্থান—সেবিকাসভেয়র আপীস্

কাল—পূর্বাঙ্ক

দৃশ্য—একটি স্থলকার ভদ্রলোক চেয়ারে বসিয়াছিলেন। তাহার নাম—গজেন্দ্র ঘোষ—গোবর্দ্ধন তাহার সম্মুখে ভীতভাবে দণ্ডায়মান।

গজেন্দ্র। আঃ বলো না, তোমাদের বাবু কোথায় ?

গোবর্দ্ধন। আজ্ঞে, বাইরে গেছেন একটু। চা দেব ?

গজেন্দ্র। না।

গোবর্দ্ধন। বিড়ি-সিগারেট ?

গজেন্দ্র। না। (সৌমেনের প্রবেশ)

সৌমেন। কে আপনি ? কাকে চান ?

গজেন্দ্র। আমার নাম শ্রীগজেন্দ্র ঘোষ।

সৌমেন। ও, আপনি বুঝি আমাদের মালতী দেবীর স্বামী ?

গজেন্দ্র। আজ্ঞে হ্যাঁ।

সৌমেন। (গোবর্দ্ধনের প্রতি) যা মালতীকে ডেকে আন।

(গোবর্দ্ধনের প্রস্থান)

আচ্ছা, যোন মশাই ! কতদিন আগে মালতী দেবীর সঙ্গে বিয়ে হয়েছিল আপনার ?

গজেন্দ্র। তা' প্রায় বারো বছর হবে।

সৌমেন। হুঁ। কিন্তু আপনার স্ত্রী এত দিন ছিলেন কোথায় ?

গজেন্দ্র। বাপের বাড়ীতে।

সৌমেন। কেন ?

গজেন্দ্র। সে অনেক কথা।

সৌমেন । কথাগুলো বলুন না শুনি ।

গজেন্দ্র । আমার ছিল দুই সংসার—প্রথম মালতী, দ্বিতীয় মনোরমা ।

দুই সতীনে বনিবনাও হতো না । মনোরমা ছোট কিনা, তাই তাকে নিয়েই এতদিন সংসারধর্ম করেছি—ছেলেমেয়েও হয়েছে সাতটি !

হঠাৎ সেদিন তাঁর সাজানো সংসার ফেলে রেখে, মনোরমা স্বর্গে গেলেন—এখন আমার উপায় কি বলুন ?

সৌমেন । আবার একটা বিয়ে করুন না ?

গজেন্দ্র । তা' কি আর হয় সেক্রেটারীবাবু ! বয়স আমার এখন পঞ্চাশ । বিশেষ কথা হচ্ছে—মালতী তো জীবিত আছেন ? কেনই বা আমি আর একটা বিয়ে করবো ?

সৌমেন । তা তো বটেই । আচ্ছা গজেন্দ্রবাবু আপনি যেমন খোস-খেয়ালে দ্বিতীয় পক্ষ গ্রহণ করেছিলেন—মালতীও যদি তাই করে থাকেন ? বারো বছর তো তার কোনো খোঁজখবর রাখেন না ।

গজেন্দ্র । ছিছিছি—আপনি কি বলছেন সেক্রেটারীবাবু, হিন্দুর মেয়ে তিনি, পাতিব্রতাই যে তাঁর ধর্ম !

সৌমেন । আচ্ছা হ্যাঁ, তা তো বটেই—আর আপনার ধর্ম পৌনঃ পুনিক বিবাহ !

(মালতীর প্রবেশ)

ওকি. মুখ ফিরিয়ে দাঁড়িয়ে রইলে কেন ? পদতলে উপুড় হয়ে পড়া—পতি-পরমগুরু যে ! স্বামী-স্ত্রী সম্বন্ধটা তো এক জন্মের নয়—
জন্ম-জন্মান্তরের ।

গজেন্দ্র । নিশ্চয়ই ।

মালতী । তুমি বেরিয়ে যাও এখান থেকে । এখানে এসে মুখ দেখাতে লজ্জা করছে না তোমার ?

গজেন্দ্র । রাগ কোরো না মালতী ! ভেবে দেখো, আজ আমি
কী বিপন্ন ! সাতটা ছেলে-মেয়ে দিনরাত ‘মা’ ‘মা’ বলে কাঁদছে ।
তোমার কি প্রাণ নেই ? আমার সংসারে তো খাওয়া-পরার কোনো
অভাব নেই—কেন তুমি এখানে পড়ে থাকবে ?

মালতী । একমুঠো ভাতের জন্মে যখন পথে দাঁড়িয়ে ভিক্ষে করেছি, তখন
তো একবারও এসে বলো নি একথা ? আজ তোমার ছেলে
মেয়ে কাঁদছে ? তোমার মুখ-দেখলেও পাপ হয়... (প্রস্থান)

গজেন্দ্র । দেখুন সেক্রেটারীবাবু ! আপনি একটু বলে-কয়ে যদি...
সৌমেন । রাজী করাবো ? কেন, কি দরকার ? তার চেয়ে, আপনি
একটা কাজ করুন...

গজেন্দ্র । কি ?

সৌমেন । অঞ্জলি ! অঞ্জলি !

(অঞ্জলির প্রবেশ)

দেখুন তো ঘোষমশাই ! এই মেরেটিকে আপনার পছন্দ হয় কি না ?
ইনি বাল-বিধবা...

গজেন্দ্র । আপনি কি বলছেন সেক্রেটারীবাবু, পরস্পরকে আমি মাতৃসমা
মনে করি— (প্রণাম করিল—সজ্জিতভাবে অঞ্জলির প্রস্থান)

সৌমেন । তা’হলে আর—আমি কি করবো—ঘোষমশাই ? আপনি
এখন আনুন—নমস্কার...

গজেন্দ্র । দেখুন একটু বলে-কয়ে ওই মালতীকেই যদি...

সৌমেন । (হঠাৎ রাগিয়া) Nonsense ! get out. আমি বহুক্ষণ
তোমাকে সহ্য করেছি কিন্তু আর পারছি নে । গোবর্দ্ধন ! একটা
গলাধাক্কা দিয়ে বের ক’রে দেতো এই লোকটাকে...

গজেন্দ্র । কি বলছেন আপনি ? আমার ধর্মপত্নীকে এখানে আটকে রেখে—আমাকে দেবেন—গলাধাক্কা ?

সৌমেন । (ভেঙ্কাইয়া) ধর্মপত্নী ! What a brute you are ! বারো বছর 'যে ভদ্রমহিলার খোঁজ রাখ না, আমি এই সেবিকাসভেব আশ্রয় না দিলে, 'সে কোথায় গিয়ে দাঁড়াতো ? ধর্মপত্নী ! Veritable Rogue ! তুমি বেরিয়ে যাও বলছি—নইলে আমি তোমাকে নিশ্চয়ই অপমান করবো...

গজেন্দ্র । আচ্ছা, যাচ্ছি—আমার নাম গজেন ঘোষ ! আজই আমি তোমার নামে কেস্ করবো । আমার ধর্মমতে বিবাহিত স্ত্রীকে এখানে এনে আটকে রেখেছ—ব্যবসা চালাচ্ছ—দেখে নেবো—তুমি কতবড় বিলেত-ফেরৎ !

সৌমেন । আচ্ছা, দেখে নিও । ধর্ম, ধর্ম, ধর্ম ! ধর্ম কি তোমার দেশে আছে ঘোন মশাই ?

গজেন্দ্র । আছে কি না আছে, তা দেখিয়ে দেবো—আমার নাম বাগবাজারের গজেন ঘোষ !

প্রস্থান

(অঞ্জলির প্রবেশ)

অঞ্জলি । সত্যি সৌমেন না, এদেশে ধর্ম নেই, তা যদি থাকতো—তা'হলে তুমি আমাকে এভাবে পরিহাস করতে পারতে না ।

সৌমেন । পরিহাস করেছি ?

অঞ্জলি । নিশ্চয়ই । তুমি কি মনে করে', আমি বিয়ের জন্তে পাগল হ'য়ে উঠেছি—কেন তুমি একটা অপরিচিত ভদ্রলোকের স্মৃখে ডেকে এনে—লজ্জা দিলে আমাকে ? (কাঁদিল)

সৌমেন । লজ্জা কি তোমার আছে ?

অঞ্জলি । তোমার কাছে নেই—কারণ, তুমিই আমার স্বামী—তোমাকেই

ভালবেসেছি ! (কাঁদিল)

সৌমেন । Nonsense—শোন অঞ্জলি ! আমাকে এভাবে আর বিরক্ত না করে—তুমি আজই দেশে যাও ।

অঞ্জলি । বলেছি তো যাবো না । মৃত্যুর পূর্বক্ষণ পর্যন্ত, আমি তোমার জন্তেই অপেক্ষা করবো...

সৌমেন । বেশ, করো । (ফোন ধরিল) South 19264. Hallo কে ? সনৎ ?...কেমন আছিস ভাই ? শ্যামলী বোধ হয় খুব সেবা-যত্ন করছে ? শেষে কি সত্যিই একটা সংসার পাতিয়ে বসলি ? কিন্তু ভাই—একটা কথা বলে রাখছি—Beware of that girl—She is a very dangerous type !...তাই নাকি ? হা হা হা হা—শ্যামলীকে একটু ডেকে দেনা, কথা বলবো... আচ্ছা...

(ফোন ধরিয়া রাখিল)

শোন অঞ্জলি ! বিয়েব প্রয়োজনটা তোমার, আমার নয় । তোমার প্রয়োজনে কেন তুমি আমাকে বিপন্ন করবে ?

অঞ্জলি । বোধ হয়—শ্যামলীকে বিয়ে করতে পারলে, তুমি বিপন্ন হ'তে না । কি বলো ?

সৌমেন । আমি যে কি চাই—তা' তুমি জানোনা অঞ্জলি ! সে চেতনা তোমার ভেতর নেই । আমি চাই—এই ভারতে নারীজাগরণ—নারীপ্রগতি ! আমি চাই—উপেক্ষিতা নারীজাতির মূল্য-নির্ধারণ করতে । তাকে তার স্বাধিকারে প্রতিষ্ঠিত করতে । শ্যামলী বা তুমি কেউ আমার অধীনতা স্বীকার করো—তা, আমি চাই না । আমি বলি, ভালবাসা একটা দুর্বলতা ছাড়া আর কিছুই নয় । (ফোনে) হ্যালো, কে ? শ্যামলী ! ভাল আছ ?...একবার এসো

না এদিকে ? ও সময় নেই ? তা'তো বটেই—ন'লক্ষ পঁচাত্তর
হাজারের মালিক তুমি ! কিন্তু তোমাকে একটা কথা বলে রাখছি—
Beware of that Swamiji—he his a very dangerous
type ?...কেন ? বলবো ? দয়া করে একবার—এসো না এদিকে ?
আস্হ ? Very well good-bye...

(ফোন রাখিল)

হাস্হ কেন অঞ্জলি ?

অঞ্জলি । ভালবাসার দুর্বলতা বোধ হয় তোমার নেই—কি বলো
সৌমেনদা ?

সৌমেন । নিশ্চয়ই নেই...

অঞ্জলি । শ্যামলীর কাছে তো দূরের কথা, ওই ফোনটার কাছেও
সে দুর্বলতাটুকু লুকোতে পারলে না !

সৌমেন । শোনো অঞ্জলি ! শ্যামলী আজ নয় লক্ষ পঁচাত্তর হাজারের
মালিক ! শুধু সেই কারণেই তাকে আমার প্রয়োজন আছে ।
নইলে, আমার কাছে তুমিও যা, শ্যামলীও তাই ।

অঞ্জলি । কি আশ্চর্য্য মানুষ তুমি সৌমেনদা ! তোমাকে যতই দেখছি
ততই মুগ্ধ হচ্ছি । কত চেষ্টা করছি, তবুও তো পারছিনে—তোমাকে
ভুলতে ! তোমার স্মৃণ থেকে সরে যেতে ! কেন আমার এ
অবস্থা হ'লো বলতে পার ?

সৌমেন । Nonsense—

(একটি রুগ্ন বৃদ্ধের প্রবেশ)

(অঞ্জলির প্রশ্নান)

কে আপনি ? কাকে চান ?

দ্বিজবর । আজ্ঞে আমার নাম শ্রীদ্বিজবর ভট্টাচার্য্য—নিবাস পূর্ব্ববঙ্গে—
শ্রীপাট মল্লিকপুর—

সৌমেন । এখানে আপনার কি প্রয়োজন ?

দ্বিজবর । গত চুড়ামণি-যোগে—আমার পরিবারটি যুৎস্রষ্টা হয়েছিলেন
তদবধি আর তাঁর কোন সন্ধান পাই না । উপস্থিত লোকপল্লম্পরায়
শ্রুত হলাম...

সৌমেন । তিনি এইখানেই অবস্থান করেছেন । নামটা কি বলুন তো ?

দ্বিজবর । আজ্ঞে, শ্রীমতী মাধবীলতা দেবী ।

সৌমেন । বলেন কি—সেই একরত্তি মেয়ে মাধবী আপনার পরিবার ?

দ্বিজবর । আজ্ঞে—চতুর্থ পক্ষ !

সৌমেন । (গোবর্দ্ধনের প্রতি) মাধবীকে ডেকে দে...

দ্বিজবর । এখানে তাম্রকুট সেবনের কোন ব্যবস্থা আছে ?

সৌমেন । আজ্ঞে না । এই নিন্...(একটি সিগারেট দিল)

দ্বিজবর । (হাতে লইয়া) আপনারা একরূপ বিসৃষ্ট দ্রব্য সেবন করেন
কেন ? এতে যে স্বাস্থ্যের অত্যন্ত অপহব ঘটে !

সৌমেন । ধাম্বুন্ মশাই—স্বাস্থ্যসম্বন্ধীয় উপদেশগুলি—গোলদিঘিতে
গিয়ে দেবেন । (সিগারেটটা—ফিরাইয়া লইয়া নিজেই ধরাইল)

এই যে মাধবী এসেছ...(মাধবী আসিয়া দ্বিজবরকে প্রণাম করিল)

দ্বিজবর । থাক্ থাক্ আমাকে আর স্পর্শ করো না । তুমি পতিতা ।

কি আর করবো—পূর্বজন্মের কর্মফল ! শ্রীভগবানের কাছে প্রার্থনা

করো—পরজন্মে যেন আবার আমার সহধর্মিণীত্ব লাভে সমর্থ হও ।

সৌমেন । ও, এ জন্মে আর মাধবীকে ঘরে নেবেন না তা' হলে—

দ্বিজবর । আজ্ঞে, তা কি করে সম্ভব হ'তে পারে ? উনি যে আজ
সমাজের বিচারে পরিত্যক্তা ।

(মাধবী তাহার হাণ্ডব্যাগ হইতে একখানা পাঁচ টাকার নোট
বাহির করিয়া টেবিলের উপর রাখিল ।)

মাধবী । এই পাঁচটা টাকা নিয়ে যান—আপনার ছেলেমেয়েদের জন্ম

পাঁচ টাকা !

মাধবী । আজ্ঞে হ্যাঁ, মাসে এখন আমি প্রায় ত্রিশ টাকা পাই...

দ্বিজবর । তাই নাকি ? বেশ, বেশ,—তাহলে আমি মাঝে মাঝে

আসুবো, তোমার সঙ্গে দেখা-সাক্ষাৎ করবো...

সৌমেন । (বিস্মিত ভাবে) বটে ! মাধবীকে ঘরে নিতে পারবেন না—

অথচ তার টাকা ঘরে নেবেন ? বাঃ বেশ মজার কথা তো ?

দ্বিজবর । (টাকা ট্যাঁকে গুঁজিয়া) আজ্ঞে, অর্ধেক সর্ব্ব বশাঃ !

পক্ষান্তরে—অর্থস্তু লালটিকঃ ।

সৌমেন । থাক্, থাক্ আর সংকুত বলবেন না—এখন আপনি আসুন

—নমস্কার...

দ্বিজবর । নারায়ণ, মধুসূদন, তুমিই ভরসা... (প্রশ্নান)

সৌমেন । শোনো মাধবী, আমার ইচ্ছে হচ্ছিল—হাত মুচ্ড়ে নোটখানা

কেড়ে নি । যাক্গে—ও বে-আক্কেলে বুড়োটাকে তুমি আর একটি

পয়সাও দিতে পারবেনা কিন্তু ! কেন ? সে তোমার কে ?

মাধবী । আমার স্বামী...(কাঁদিল)

সৌমেন । (বিস্মিত ভাবে) স্বামী !

(অঞ্জলির প্রবেশ)

অঞ্জলি । হ্যাঁ স্বামী ! হিঁহুর মেয়ে মাধবী তার স্বামীকে চেনে—

আমিই বা কেন চিন্‌বো না সৌমেনদা ? স্বামীর পদাঘাত মাথা পেতে

নেব, এই তো আমাদের শিক্ষা ? কি বলিস্—মাধবী ? হা হা হা—

সৌমেন । তোমার কি মাথা-খারাপ হলো অঞ্জলি ?

অঞ্জলি । মাথা খারাপ ? হা হা হা হা—

সৌমেন । (ধমক দিয়া) অঞ্জলি !

অঞ্জলি । আমার এই প্রাণ যাকে চায়—এই চোখদুটো যাকে দেখলে
আনন্দ পায়—যাঁর পা' দুখানা স্পর্শ করলে আমার সর্বাত্ম
পুলকিত হয়ে ওঠে, তিনি যদি আমার স্বামী না হন—তবে আর কে
আমার স্বামী ? (প্রণাম করিল)

সৌমেন । ওই মাধবীর মত তোমারও একটা স্বামী ছিল—সে কথাটা
ভুলে যেয়ো না ।

অঞ্জলি । নিশ্চয়ই ভুলবো না । বারো বৎসর বয়সে আমার বিয়ে হয়েছিল
—বিয়ের রাত্রেই বিধবা হয়েছিলাম । মুখের উপর ছিল একটা ঘোমটা
স্বামীর মুখখানাও একবার দেখিনি । আমার সে ঘোমটা আন্ত
সরিয়ে দিয়েছে শ্যামলী । আর স্বামীকে চিনিয়ে দিয়েছ তুমি !
কী সুন্দর ! কী কঠিন ! কী মধুর ! কী নিশ্চয় !

সৌমেন । (ধমক দিয়া) অঞ্জলি !

অঞ্জলি । (চমকিয়া) ও ভাবে ধমক দিও না—ও ভাবে চোখ রাঙিও
না । আমার বড্ড ভয় করে । মনে হয়—আমি যেন তোমার কাছে
কত অপরাধী ! আমাকে একটু বিষ এনে দাও না—আমি খাই...
(কাঁদিল)

সৌমেন । Nonsense !

(শ্যামলীর প্রবেশ)

শ্যামলী । (অঞ্জলির চোখ মুছাইয়া) কেন তুমি বিষ খাবে অঞ্জলি ? না
না, কেঁদ না । কি হয়েছে সৌমেনবাবু ? বকেছেন বুঝি ?

সৌমেন । হ্যাঁ । বসো—

শ্যামলী । আচ্ছা সৌমেনবাবু ? আপনার কথা ও বুঝতে পারে না, এই
তো ওর অপরাধ ? কিন্তু আপনি যে ওর মনটাকে বুঝতে পারেন

না, আপনার সে অপরাধটাও তো খুব কম নয় ? (অঞ্জলির প্রশ্ন)

বেচারা ! এখন একটা শুভদিন দেখে বিষে করুন ওকে...

সৌমেন । শোনো শ্যামলী ! তিন মাসের বাড়ি-ভাড়া বাকি—Notice
দিয়াছে ।

শ্যামলী । কত টাকা চাই, বলুন না...

সৌমেন । তুমি দেবে ?

শ্যামলী । কেন দেব না ? নিশ্চয়ই দেব । স্বামীজীকে সুখী করবার
জন্তে আমাকে তো বহু সং কাজে দান করতে হবে ? আপনার
এটাও যে অসং কাজ নয়, তা আমি জানি । শুধু আপনি
যদি একটু...

সৌমেন । ‘সং হতেন’ । এই তো বলতে চাও ? আমি ঠিক
বুঝতে পারি না শ্যামলী । কেন আমাকে লোকে অসং ভাবে ?
‘Nothing is good or bad, only thinking makes
it so !’

শ্যামলী । ষাক্ সে কথা । এখন আপনার কত টাকা চাই বলুন তো ?

সৌমেন । পাঁচ শো...

(ছাণ্ডব্যাগ হইতে চেক বই বাহির করিয়া)

(চেক লিখিতে লিখিতে) স্বামীজীর বিরুদ্ধে আপনার কি বলবার
আছে বলুন । আমি শীগ্গিরই ফিরবো...

সৌমেন । কেন ?

শ্যামলী । (লিখিতে লিখিতে) কাল শ্রদ্ধ, চারিদিকে বিশৃঙ্খলা । সবই
তো আমাকে দেখতে হবে ?

সৌমেন । কেন স্বামীজী ?

শ্যামলী । (চেক দিয়া) আশ্চর্য-মানুষ ! নিজের বিষয়ে কোনো হুঁস্

নেই। কেবল কারো কোন কষ্ট না হয়, শুধু সেই দিকেই নজর !
সৌমেন। তা'হলে তোমার দুঃখ বুঝবার মতো একজন সঙ্গী তুমি
পেয়েছ ?

শ্যামলী। তার মানে ?

সৌমেন। তার মানে—Love at first sight and Cupid's activity

শ্যামলী। কি বলছেন আপনি ?

সৌমেন। সনৎকে তুমি ভালবাসতে শুরু করেছ। যে ভালবাসাকে
আমি বলি—Weakness—that makes one surrender to
other's will !

শ্যামলী। স্বামীজীর বিরুদ্ধে আপনার কি বলবার আছে তাই বলুন—
আমি আর দেরি করতে পারবো না।

সৌমেন। সে বিবাহিত।

শ্যামলী। মিথ্যাকথা !

সৌমেন। আমেরিকায় থাকবার সময় একটা Swceper girlকে বিয়ে
করে এসেছে...

শ্যামলী। আপনার কথা বিশ্বাস করি না।

সৌমেন। প্রমাণ চাও ?

শ্যামলী। না, কোন প্রমাণ চাই না সৌমেনবাবু ! আমি জানি—
এ জগতে এমন কিছু নেই যা আপনি প্রমাণ করিতে না পারেন !
উঠি তা'হলে...

সৌমেন। (হাত চাপিয়া ধরিয়া) শ্যামলী !

শ্যামলী। আঃ ! হাত ছাড়ুন ..

সৌমেন। শ্যামলী। এই সেবিকাসঙ্ঘ-প্রতিষ্ঠার দিনে আমাদের সংকল্প
ছিল কি ? 'ভালবাসার দুর্বলতাকে কখনো আমরা প্রশ্রয় দেব

না বা বিবাহিত হবো না !' এ সঙ্কল্প তুমিও গ্রহণ করেছিলে
কিনা বলা—

শ্যামলী । হ্যাঁ, করেছিলাম ।

সৌমেন । তবে ?

শ্যামলী । তখন আপনি যা' বুঝিয়েছিলেন তাই বুঝেছিলাম । কিন্তু
এখন বুঝতে পারছি সে সবলতার অভিনয়ে পুরুষের জয়পতাকা
উড়তে পারবে, কিন্তু নারীর লাঞ্ছনার সীমা থাকবে না ।

সৌমেন । তার মানে ?

শ্যামলী । তার মানে হচ্ছে—অঞ্জলিকে আপনি অবিলম্বে বিয়ে করুন ।

সৌমেন । বিয়ে যদি কাউকে করতেই হয় শ্যামলী ! তাহলে
তোমাকেই করবো—আমার উপযুক্ত জীবনসঙ্গিনী হ'তে পার তুমি !

অঞ্জলি নয় ।

শ্যামলী । দেরি হ'য়ে যাচ্ছে সৌমেনবাবু, আমি এখন আসি...

সৌমেন । বলা শ্যামলী ! তুমি আমার হবে ? আমি তোমাকেই চাই...

শ্যামলী । শুচুন সৌমেনবাবু ! উপস্থিত আমি রানবাহাদুরের ট্রাষ্টী !

তাঁর সন্ন্যাসী-ছেলেকে সংসারী করবার ভারটা তিনি আমার উপরেই
দিয়ে গেছেন । মৃত আত্মার সে আকাঙ্ক্ষাটা পূর্ণ হলেই, আমি
আবার ফিরে আসবো—সেবিকাসভ্যের কাজে ষোগদান করবো—
সঙ্কল্পও ঠিক রাখবো । অঞ্জলির মত—আমার প্রজাপতি এখনো
শুঁয়োপোকাকার খোলস ছেড়ে বেরিয়ে আসেন নি—ক্ষমা করবেন ।

(হাসিতে হাসিতে অঞ্জলি এককাপ চা লইয়া আসিল)

(শ্যামলীর প্রস্থান)

সৌমেন । হাসুছ কেন ?

অঞ্জলি । তোমার অবস্থা দেখে...

(চায়ের কাপ ফেলিয়া দিয়া সৌমেন চীৎকার করিয়া উঠিল)

সৌমেন । Get out ! বেরিয়ে যাও—বেরিয়ে যাও—

অঞ্জলি । না—আমি যাবো না...

সৌমেন । কচু পোড়া খাও—

(প্রস্থান)

চতুর্থ দৃশ্য

স্থান—রায়বাহাছরের বাড়ী

কাল—অপরাহ্ন

দৃশ্য—শ্যামলীর কক্ষ । পরিশ্রান্ত শ্যামলী একটা সোফার উপর এলাইয়া পড়িয়াছিল । একজন দাসী তাহার পদসেবা করিতেছিল । মাথার কাছে একটা টোবিল-ফ্যান ঘুরিতেছিল ।

বিরূপাক্ষের প্রবেশ

বিরূপাক্ষ । দিদিমণি, কাঙালীদের খাওয়া-দাওয়া তো হয়ে গেছে...

শ্যামলী । সেই প্যাণ্ডালের ভেতরেই তারা এখনো আছে তো ?

বিরূপাক্ষ । হ্যাঁ ।

শ্যামলী । তাহ'লে প্রত্যেক কাঙালীকে এখন একটা টাকা আর একখানা কাপড় দিয়ে বিদায় করো ।

বিরূপাক্ষ । আচ্ছা । কিন্তু দিদিমণি, তুমি এখন মুখে একটু জল দাও—

চোখ-মুখ যে একেবারেই শুকিয়ে গেছে ! সারাটা দিন উপবাসী

রয়েছ, আর কেন ?

শ্যামলী । আমি এখন স্নান করবো—তার পর...

(সনতের প্রবেশ)

সনৎ । এই সন্ধ্যাবেলায় তুমি স্নান করবে ? কী আশ্চর্য্য !
নিউমোনিয়া হবে যে...

শ্যামলী । খেঁদির মা, আমার মাথাটা একটু টিপে দেতো ।

সনৎ । মাথা ধরেছে ? তার উপর আবার স্নান ? তুমি একটা বিপদ
না ঘটিয়েই ছাড়বে না শ্যামলী ! যাই আমি—ডাক্তারকে খবর দি' ।

শ্যামলী । না, আপনি বসুন এখানে ।

সনৎ । শুন্লাম তুমি নাকি এখনো জলস্পর্শ করনি ?

শ্যামলী । (হাসিয়া) আজ্ঞে হ্যাঁ ।

সনৎ । কেন ?

শ্যামলী । এই তো সব কাঙালীদের খাওয়া হ'লো ।

সনৎ । তাদের খাওয়ার সঙ্গে তোমার সম্বন্ধ কি ?

শ্যামলী । কি যে বলেন আপনি ! তাদের খাওয়া না-হলে কি আমি
খেতে পারি ? আমি যে তাদের চেয়েও বেশী কাঙালী ।

সনৎ । ছি ছি ছি, এভাবে জীবাত্মাকে কষ্ট দিলে কোন ধর্ম হয় না—

শ্যামলী ! তুমি এখন যাও—আর দেরি কর না ।

শ্যামলী । একগ্লাস জল নি' আয় তো খেঁদির মা ! বড্ড তেষ্ঠা
পেয়েছে... (খেঁদির মার প্রশ্নান)

স্বামীজী কি আজই আশ্রমে ফিরে যাবেন ?

সনৎ । হ্যাঁ, তাইতো ভাবছি...

শ্যামলী । কিন্তু একটা কাজ বড্ড অন্তায় হয়ে গেছে...

সনৎ । কি ?

শ্যামলী । আপনার সেই গেরুয়া জামা-কাপড়গুলো সব ডাইং-ক্রিনিংএ
কাচতে দিয়েছিলাম ।

সনৎ । তারপর ?

শ্যামলী । তারা সেগুলোকে একেবারে ধব্ধবে সাদা করে দিয়েছে ।
অবিশ্যি, দোমটা তাদের নয় । আপনার গেরুয়া-রংটাই ছিল
অত্যন্ত কাঁচা !

সনৎ । তা হতে পারে । তাতে আর দোষ কি হয়েছে । আবার
ছুপিয়ে নিলেই তো চলবে । (খেঁদির মা একগ্লাস জল আনিল)

শ্যামলী । দয়া করে এদিকে একবার আসুন না স্বামীজী...

সনৎ । কেন ?

শ্যামলী । (জলগ্লাস হাতে লইয়া) এই গ্লাসের ভেতর আপনার পায়ের
বুড়ো আঙুলটা একবার ছোঁয়াবেন ।

সনৎ । (বিস্মিতভাবে) সে কি ! কি বলছ তুমি ? আজ সারাদিন
আমি খালি পায়ে ঘুরছি, হাঁটু অবধি ধুলো-বালি—তুমি কি পাগল ?

শ্যামলী । দেরি করবেন না, আমার বড্ড তেষ্ঠা পেয়েছে ।

সনৎ । কি ভয়ানক কথা ! খালি পায়ে কাঙালীদের ভেতর ছুটোছুটি
করেছি—কত লেপার, আর টিউবারকুলার লোকের সংস্পর্শে এসেছি
—আমার এই পায়ের ধুলোতে আছে—কত যে ব্যাসিলি, তার ঠিক
নেই । তুমি কি বলছ শ্যামলী ! না, না, তা' হতে পারে না ।

শ্যামলী । বেশ, তা'হলে এ জল রেখে আয় খেঁদির মা ।

সনৎ । তাই তো, তুমি যে আমাকে ভয়ানক বিপন্ন করলে ! তেষ্ঠা
পেয়েছে । লক্ষ্মীটি আমার, ছেলেমানুষী ক'রো না—জল খাও...

শ্যামলী । না, আমার তেষ্ঠা পারনি ।

সনৎ । নিশ্চয়ই পেয়েছে । আর কেনই বা পাবে না ? সারাদিন
উপবাসী থেকে ছুটোছুটি করেছ, একবার ওপর একবার নীচে—
না, না, অবাধ্যপণা কর না । জল খেয়ে নাও । ওকি হাসছ কেন ?

শ্যামলী । সত্যিই আমার তেষ্ঠা পায়নি—আমি মিছে কথা বলেছিলাম ।

সনৎ । হতেই পারে না । ওরে কে আছিস্ ?

(জনৈক চাকরের প্রবেশ)

চাকর । হজুর !

সনৎ । শীগগীর বাথরুমে একখানা সাবান আর আমার খড়ম জোড়া

নিয়ে আনতো... (ব্যস্তভাবে প্রশ্নান, পিছনে চাকর)

(শ্যামলী খুব হাসিতেছিল)

খেঁদির মা । ওকি—অতো হাসছ কেন দিদিমণি ?

শ্যামলী । এই মানুষ নাকি সন্ন্যাসী থাকবে—সংসার ধর্ম করবে না ।

তোর কি মনে হয় খেঁদির মা ?

খেঁদির মা । তোমার এই চল্চলে দুখখানি দেখলে—মুণ্ডু ঘুরে যাবে না,

এমন সন্ন্যাসী কোথায় আছে, দিদিমণি !

শ্যামলী । কী চমৎকার মানুষ ! আচ্ছা বলতো—ওকে আমি ভালনাসবো

না ভক্তি করবো ? ওর হাত ধরে হাওয়া খেয়ে বেড়াবো, না ফুলভল

দিয়ে ওর পা দুখানা পূজো করবো ? কি করলে আমি সুখী হতে

পারবো ?—বলতে পারিস্ ।

খেঁদির মা । হঁ ! তুমি...মরেছ ?

শ্যামলী । সত্যি খেঁদির মা, আমি মরেছি । একদণ্ডও ওকে চোখের

আড়াল করতে ইচ্ছে হচ্ছে না । আসুন সৌমেনবাবু ! একি,

সেন-সাহেবও হঠাৎ কি মনে করে ?

(সৌমেনবাবু ও সেন সাহেবের প্রবেশ)

সেন সাহেব । তোমার এই শিবহীন যজ্ঞ দেখতে এলাম শ্যামলী !

দেশের যত ভূত-প্রেতকে নেমস্তন্ন করে খাওয়ালে—অথচ এই

ভূতনাথকে স্মরণ করলে না ?

শ্যামলী। ভূতের রাজাকে তো নেমস্তন্ন করতে হয় না—তঁার অনুচরদের ডাকলেই তিনি আসেন।

সেন সাহেব। তাই নাকি—হা হা হা হা—তাহলে দাও দশটা টাকা। আজ সারাদিন গলাটা শুকিয়ে আছে। আমি চাই—শুধু Eat, drink and be merry—কি বলেন সৌমেনবাবু, হা হা হা...

সৌমেন। এক কাপ চা খাওয়াতে পার শ্যামলী? বড্ড পরিশ্রান্ত হয়ে এসেছি।

শ্যামলী। বসুন আপনারা—আমি আসছি...

(হাঁকতে খেঁদির মাকে সঙ্গে লইয়া প্রস্থান)

সৌমেন। বুঝেছ সেন সাহেব! Now, she is completely lost...

সেন সাহেব। To lose or to gain—is a question of business!

Dont get nervons! I say—cheer up! cheer up!

my boss! এই যে স্বামীজী! আসুন—আসুন...

(সনতের প্রবেশ)

সনৎ। তুমি এখানে কেন—সেন সাহেব!

সেন সাহেব। এসে অন্ডায় করেছি?

সনৎ। নিশ্চয়ই। তোমার জন্তেই তো একদিন আমি বাবার সঙ্গে ঝগড়া করেছিলাম। বাড়ী ছেড়ে চলে গিয়েছিলাম—আমার কাছ থেকে টাকা নিয়ে—তুমি যে মদ খেতে, তা'তো জানতাম না!

সেন সাহেব। কিন্তু স্বামীজী! মেয়ে মানুষ আর মদ—Choose either—and don't be trembling on the balance. কি বলেন

সৌমেনবাবু! To choose both, is a crime—is it not?

ছোটোর ভিতর একটা ধরুন—ছদিকেই ফুলবেন না। মনের ভার-বেজ্ঞটাকে বুঝতে চেষ্টা করুন। তার পর 'হুর্গা' বলে ঝুলে

পড়ুন একদিকে। দুটোকেই পছন্দ করা মানে হচ্ছে—কোন-টাতেই সিদ্ধিলাভ না-করা। হা হা হা হা—

(শ্যামলীর প্রবেশ)

শ্যামলী। এই নিন্ সেন সাহেব! (দশ টাকা দিল)

সনৎ। ওই মাতালটাকে টাকা দিলে ?

শ্যামলী। আজ এই শ্রাদ্ধের দিনে আমি কি কোনো প্রার্থীকে বিমুখ করতে পারি স্বামীজী ?

সেন সাহেব। স্বামীজীর প্রার্থনাটাও অপূর্ণ রেখনা! শ্যামলী—His demand is greater than that of mine! Good night ladies and gentlemen, good night... (প্রস্থান)

(বিরূপাক্ষের প্রবেশ)

বিরূপাক্ষ। দিদিমণি! তুমি এখনো এখানে বসে আছ ? কী আশ্চর্য্য।

সনৎ। হ্যাঁ, আর দেরি করো না—শ্যামলী, তুমি এখন যাও...

শ্যামলী। এক কাপ্ চা খেয়েই যাচ্ছি...

(বেয়ারা চা দিয়া গেল, তিনজন তিনকাপ্ গ্রহণ করিলেন। বিরূপাক্ষের প্রস্থান)

সৌমেন। স্বামীজী তো চা ছাড়নি দেখছি—

সনৎ। না ভাই, এটা আরো বেশী করেই ধরেছি। দিনে রাতে প্রায় পঁচিশ কাপ্...

সৌমেন। গেরুয়া যখন ছেড়েছ—তখন আর নাইবা ধরলে।

সনৎ। তা' কি হয় সৌমেন! আশ্রমে তো ফিরতেই হবে। বাবার

চোখের জল আমাকে বেঁধে রাখতে পারেনি—

সৌমেন। শ্যামলীর চোখের জল বোধহয় পারবে।

সনৎ । তার মানে ? শ্যামলীও বুঝি কাঁদবে আমার জন্তে ? হা হা হা
কি যে বলিস্ তুই ।

সৌমেন । ওই দেখো না, এখনি কাঁদতে শুরু করেছে...

শ্যামলী । আপনারা বসুন, আমি আসছি ।

(চোখ মুছিতে মুছিতে প্রস্থান)

সনৎ । সত্যিই তো শ্যামলী কাঁদছিল ! এর মানে সৌমেন ? Is
it love ?

সৌমেন । Yes, it is.

সনৎ । না, না, না—তা'হলে আমাকে আজই যেতে হবে । কী
অগ্র্য কথার কথা—বলো তো ? আমি একজন সন্ন্যাসী, আমার
'পাদোদক' খাওয়ার অর্থ যে কি, তা' এখন বুঝতে
পারছি ।

সৌমেন । পাদোদক খেয়েছে নাকি ?

সনৎ । হ্যাঁ...

সৌমেন । তাহলে মানুষকে ভেড়া বানিয়ে নেবার সেকলে গদ্ধতি
গুলোও জানা আছে দেখছি...

সনৎ । হ্যাঁ, তাইতো মনে হচ্ছে—আর আমার মনটাও যেন কেমন
একটু দুর্বল হ'য়ে পড়েছে—সৌমেন !

সৌমেন । শোনো সনৎ । She is a moral wreck—
completly rotten stuff.

(ক্রুদ্ধভাবে শ্যামলীর প্রবেশ)

শ্যামলী । আমি ওই দরজার পাশেই দাঁড়িয়েছিলাম সৌমেনবাবু
আপনি বেরিয়ে যান এখন থেকে...

সৌমেন । যা' সত্যি—তা' তোমার মুখের উপর বর্ষার সাহসও আমার

আছে। Are you not—what I said Shyamali?

শ্যামলী। (চীৎকার করিয়া কাঁদিয়া উঠিল) আমি আপনাকে চিন্তে
পেরেছি সৌমেনবাবু! আপনি একটা শয়তান—বেড়িয়ে যান,
বেড়িয়ে যান।

সনৎ। দেখো শ্যামলী সৌমেন আমার বন্ধু।

শ্যামলী। হোক আপনার বন্ধু। তবু—তবু—এ বাড়ীর মালিক এখন
আমি সৌমেনবাবু!

(রাগে থর থর করিয়া কাঁপিতেছিল)

সৌমেন। ধন্বাদ বাড়ীওয়ালী! আমি এখন আসি। তবে, যাবার
আগে তোমার মুখের উপর আবার বলে যাই—You are a rotten
stuff—a completely rotten stuff. [প্রস্থান

সনৎ। আমার জামা-কাপড় দাও...

শ্যামলী। দেবনা।

সনৎ। বেশ, না-দাও না-দেবে। আমিও আসি তা'হলে—

শ্যামলী। (হাত চাপিয়া ধরিয়া) না। আজ আপনি কিছুতেই
যেতে পারবেন না স্বামীজী। কালই আমি, আপনার এই পৈত্রিক
বাড়ী আর ব্যাঙ্কের টাকা—আপনার নামে ট্রান্সফার করবো।
তারপর যাবেন।

সনৎ। আমি সন্ন্যাসী। আমার তো এ সবের কোনো প্রয়োজন নেই

শ্যামলী। আপনার না-থাকতে পারে—আপনার ওই শয়তান বন্ধুটি
আছে। তাঁকেই দিবে যাবেন।

(বিক্রপাক্ষের প্রবেশ)

বিক্রপাক্ষ। একি, তুমি এখনো যাওনি? ছি ছি ছি, সনৎ, তোমার
কি আমার এই লক্ষী দিদিমণিকে মেরে ফেলবে? সারাটা দি

কঠোর পরিশ্রম ! মুখে এক গণ্ডুস জল পড়লো না—কী আশ্চর্য !
 সনৎ । যাও শ্রামলী, আর দেরি করো না...
 শ্রামলী । আপনি যাবেন না বলুন—নইলে আমি স্নানাহার কিছুই
 করবো না ।

বিরূপাক্ষ । কে যাবে ? সনৎ ? কোথায় যাবে ?

শ্রামলী । আশ্রমে ।

বিরূপাক্ষ । ইস্ ! সদর দরজায় আমি আছি—তোমার কোনো ভয়
 নেই... (প্রস্থান)

শ্রামলী । স্বামীজী ! (কাঁদিল) সোমেনবাবু মিছে কথা বলেছে ।
 বিশ্বাস করুন—আমি নিষ্পাপ, নিষ্কলঙ্ক ! নতুবা, আপনার ওই
 পবিত্র পা' দুখানা স্পর্শ করবার দুঃসাহস আমার হতো না ।

(পায়ে পড়িয়া কাঁদিতে লাগিল)

পঞ্চম দৃশ্য

স্থান—সেবিকাসভের নিকটবর্তী পার্ক

কাল—সন্ধ্যা

দৃশ্য—পার্কের একটা বেঞ্চে—গজেন্দ্র ঘোষ ও মালতী বসিয়াছিল ।
 অদূরে একটা ভিখারী গাহিতেছিল—

গান

নয়ন-জলে পথ দেখি না—দীন-ভিখারী অনাহারী !
 মরণ হলে যাই বেঁচে যাই, সহিতে তো আর নাহি পারি ।
 হায় বিধাতা ! দেখি না আর তোমার মত অবিচারী—
 কেউ বা হাঁটে খোঁড়া পায়ে—কেউ বা চড়ে জুড়িগাড়ী ।

আমরা শেয়াল-কুকুর যেন—

পথে পথে কাঁদছি কেন ?

আস্তাকুঁড়ের একমুঠো ভাত নিয়ে করি কাড়াকাড়ি ।

(সেন-সাহেব তাহার নিকটে আসিয়া গানের শেষাংশ শুনিলেন—তারপর

হঠাৎ একটা চড় মারিয়া ভিখারীটাকে মাটিতে ফেলিয়া দিলেন)

ভিখারী । (উঠিয়া) আমাকে মারলে কেন বাবা ?

সেন সাহেব । মারুবো না ? ওসব কাঁছনে গান গেয়ে মানুষের মন-

ভেজাবার চেষ্টা করিস্ কেন ?

ভিখারী । কি করবো বাবা ?

সেন সাহেব । পকেট মারবি—রাস্তায় বেসামাল মানুষ দেখলেই তার

পকেট মারবি ।

ভিখারী । তাতে পাপ হবে না ?

সেন সাহেব । পাপ ? ওই যে লোকটা আসছে—দেখ্ছিস্ ? ও কি

করছে বলতো ?

ভিখারী । কি ?

সেন সাহেব । ওই—সেবিকাসভ্যের জান্নায় একটি মেয়ে বসে আছে,

বদমাইসটা তাকেই নজর দিচ্ছে ! এখন আমি যদি ওর পকেট

থেকে ফাউন্টেনপেন্টা তুলে নি’—ও কি টের পাবে ? কখনো

না—এই দেখ্...

(একটি পথিক—সেবিকাসভ্যের মাধবীর দিকে নজর রাখিয়া অন্তমনস্ক-

ভাবে পথ চলিতেছিল—সেন তাহার নিকট গেলেন—বুকপকেট

হইতে ফাউন্টেনপেন্টা তুলিয়া লইলেন)

দেখ্লি ?—এই ফাউন্টেন-পেনের দাম—অস্তুত দশটি টাকা ।

সারাদিন ভিক্ষে করেও তো তুই দশটা পয়সা জোগাড় করতে পারবিনে ?

ভিখারী। কিন্তু বাবা ! চুরি করা যে পাপ...

সেন সাহেব। আবার পাপ ? ও লোকটা কি করছিলরে ? চুরি করে পরের মেয়ের দিকে কুনজর দেওয়া যত পাপ—একটা ফাউন্টেন পেন চুরি করা কি তত পাপ ? নিয়ে যা...

ভিখারী। এ কলম নিয়ে আমি কি করব ? আমি তো লেখাপড়া জানিনে...

সেন সাহেব। লেখাপড়া যারা জানে, তারাও—আমাদের চেয়ে কম চোর নয়, বুঝলি ? দশটাকার জিনিস পাঁচটাকায় পেলে এখুনি কিনে নেবে—এই দেখ...

(গল্প করিতে করিতে দুটি ভদ্রলোক যাইতেছিলেন—সেন সাহেব তাহাদের নিকটে গিয়া)

মশাই ! চোরাই মাল—দশটাকা দাম—সাতটা টাকা যদি দেন... ভদ্রলোক। (কলমটা হাতে লইয়া পরীক্ষা করিয়া) পাঁচ টাকায় দিবি ? সেন সাহেব। দিন্—কি আর করবে!—হঠাৎ অভাবে পড়েছি—বিদেশী লোক। এই মাত্র একটা পকেটমার আমার সর্বনাশ করে গেছে।

(ভদ্রলোকদ্বয় চলিয়া গেল—সেন টাকা লইয়া আবার ভিখারীর কাছে আসিল)

এই নে পাঁচ টাকা ! দেখলি ? কেমন সুবিধার ব্যবসা। পুঁজি লাগলো না—শুধু একটু হাতছাপাই ! কেন মিছিমিছি ভিক্ষে করছিস ?

ভিখারী। কিন্তু, চুরি-করা যে পাপ !

সেন সাহেব। ও, বুঝি—তোমার কপালে অনেক দুঃখ আছে...

(একটি ভদ্রবেশী পানওয়ালা তাহাদের কাছে আসিল)

পানওয়ালা। Help me sir, very poor sir...সপরিবারে না-খেয়ে
মরছি sir...

সেন সাহেব। কতদিন ?

পানওয়ালা। কি ?

সেন সাহেব। ডান হাতে মুখের উপর পান ছুটো ধরে—বাঁহাতটা
পকেটের ভেতর চালিয়ে দেওয়া—ব্যবসা ?

পানওয়ালা। কি বলছেন Sir।

সেন সাহেব। চুপ্—আমি সেন সাহেব !

পানওয়ালা। ওঃ—মাপ করবেন Sir—আমি আপনাকে চিন্তে পারিনি...
(পদধূলি লইয়া প্রশ্নান)

(ভিখারীর প্রতি) দেখলি ? কেমন ছ' হাতের ব্যবসা কেঁদে
নিয়েছে—ডান হাতে পান-বিক্রি। বাঁ হাতে পকেট-মারা !

ভিখারী। কিন্তু চুরি করা যে পাপ !

(সেন সাহেব পকেট হইতে একটা বোতল বাহির
কয়িয়া মস্তপান করিলেন)

সেন সাহেব। পাপ-পুণ্য—সবই আমার, এই বোতলের ভেতর !
একটু খাবি ?

ভিখারী। দাওনা বাবা ! বহুদিন খাইনি—ওই মদ খেয়েই তো
পৈতৃক যা-কিছু সব উড়িয়ে দিইছি—এখন ভিক্ষে ছাড়া আর
উপায় নেই...

সেন সাহেব। হা হা হা হা—তাই বল্—আয় ছ'জনে বসি এখানে—
(মস্তপান করিতে লাগিল)

মালতী। চলো, আমরা এখন বাড়ী যাই, সেন সাহেব এসেছেন,
সৌমেনবাবুও আসতে পারেন...

গজেন্দ্র। আশুক না। ভয় কি? আমরা তো চোর নই, স্বামীশ্রী!
শালা বলে কিনা গলা-ধাক্কা দেবে। এমন শিক্ষা ওকে দেব যে,
এই গজেন ঘোষ লোকটাকে জীবনে ভুলবে না।

মালতী। সত্যিই কি এর জেল হবে?

গজেন্দ্র। নিশ্চয়ই। তুমি যদি সাক্ষীর কাট গড়ায় দাঁড়িয়ে কেঁদে কেঁদে
বলতে পার, তোমার ইচ্ছার বিরুদ্ধে...

সেন সাহেব। (নিকটে আসিয়া) কিন্তু এই দরখাস্তখানা?

(ভিখারীর প্রস্থান)

গজেন্দ্র। কি দরখাস্ত?

সেন সাহেব। মালতী দেবী লিখছেন—To the Secretary
সেবিকাসভ্য! “অভাব অভিযোগের তাড়না সহ করতে না-
পেরে—স্বেচ্ছায় ও স্বচ্ছন্দ-গনে যোগদান করিলাম।” ইতি—
মালতী দেবী।

গজেন্দ্র। তাই নাকি? ওখানা দিন না আমাকে? আমার বড়
উপকার হবে।

সেন সাহেব। দশটা টাকা দিন্—

(গজেন্দ্র দশ টাকা দিয়া কাগজখানা লইল)

মালতী। আপনি ওটা কোথায় পেলেন সেন সাহেব?

সেন সাহেব। তোমরা মামলা করছ—তোমাদের প্রয়োজন হতে পারে
মনে করেই আপীস থেকে নিয়ে এসেছি...

গজেন্দ্র। আপনাকে ধন্যবাদ...

সেন সাহেব। ধন্যবাদটা আমার পাওনা নয় ঘোষমশাই! আমার
পাওনা দশ টাকা, আমি পেয়েছি—Good night! (প্রস্থান)

গজেন্দ্র। আশ্চর্য্য লোক!

(সনৎ ও সৌমেনের প্রবেশ)

সৌমেন। এই যে মালতী! আজ দুদিন তোমার খোঁজই নেই? বা:

—সে সেবিকাসভ্যে আর যাবে না বুঝি?

গজেন্দ্র। আজ্ঞে না।

সৌমেন। ও—তাহলে এই ঘোষমশায়ের সঙ্গে তোমার সদ্ভাব হ'য়ে
গেছে? তাই বলো...

গজেন্দ্র। কেন হবে না সেক্রেটারী বাবু? ধর্ম্মমতে বিবাহিতা পত্নী তো?

এখন—কে কাকে গলা-ধাক্কা দেয়—তা' আদালতেই দেখা যাবে।

সৌমেন। সত্যিই আপনি 'কেস্' করবেন নাকি?

গজেন্দ্র। 'করবেন' নয় 'করেছেন'। কালই আপনাকে আদালতে
গিয়ে জামীন দিতে হবে।

সৌমেন। মালতী?

মালতী। কি আর করবো বলুন—স্বামীর অসুযোগটা তো উপেক্ষা
করতে পারছিনে!

গজেন্দ্র। চলো মালতী—ছ'টা পনেরো...

সৌমেন। সপরিবারে সিনেমায় যাবেন বুঝি?

গজেন্দ্র। আজ্ঞে হ্যাঁ! আপনাদের মত পরের পরিবার নিয়ে কোথায়
যাওয়া তো অভ্যাস নেই...

সৌমেন। শুধুন গজেনবাবু! আদালতে গিয়ে মিছিমিছি কতগুলো
অর্থ-ব্যয় করবেন না। আমার কাছে—সাবালিকা মালতী দেবীর
স্বাক্ষরিত দরখাস্ত আছে।

গজেন্দ্র । বেশ তো, সে দরখাস্তখানা দাখিল করবেন আপনি—

আপত্তি কি ?

(উত্তরের প্রশ্নান)

সৌমেন । হা হা হা হা—

সনৎ । উনিই বুঝি সেই মালতী দেবী ?

সৌমেন । হ্যাঁ । কী অপদার্থ এই মেয়েগুলো—আত্মসম্মান-বোধ যাদের

নেই—তারা কি মানুষ ?

সনৎ । দেখো সৌমেন্ ! একটা বিষয়ে তোমার সঙ্গে আমার মতের

কোনো মিল নেই । তুমি বলো—End যদি সৎ হয়—Means

অসৎ হলেও দোষ নেই । তা কি সত্যি ?

সৌমেন । ওসব গবেষণা এখন থাক । তুমি কি করছ, তাই বলো ।

সনৎ । শ্যামলীকে আরো কিছুদিন study করবো । তাকে আমার

এত ভাল লাগছে যে, তোমার ওসব কথা বিশ্বাস করতেই হচ্ছে
হচ্ছে না ।

সৌমেন । তাই নাকি ? (হাসিল)

সনৎ । কিন্তু—বাবা মেয়েটিকে কেন এত বিশ্বাস করেছিলেন ? তাঁর

বৈষয়িক বুদ্ধি তো তোমার-আমার চেয়ে কম ছিল না ?

সৌমেন । সে অনেক কথা । এখন তুমি একটা কাজ করো না ?

সনৎ ! কি ?

সৌমেন । শ্যামলীকে বলো—ব্যাঙ্কের টাকাগুলি সব তোমার নামেই

ট্রান্সফার করে দিতে...

সনৎ । সে তো প্রস্তুত ।

সৌমেন । তুমিই বা অপ্রস্তুত কেন ?

সনৎ । টাকা আমার বাবা যাকে দিয়ে গেছেন—সেই ভোগ করবে

—আমি কে ? আমার কি প্রয়োজন ?

সৌমেন । What a fool you are ! অতগুলো টাকা হাতে পড়লে
—যে কোনো মানুষের মাথা-খারাপ হ'য়ে যায় । আর শ্যামলীর
মত একটা most ordinary flirt girl—সে কি ক'রে
ঠিক থাকবে ?

সনৎ । আচ্ছা সৌমেন ! শ্যামলীর বিরুদ্ধে তুমি যা-কিছু বলো, তা'
প্রমাণ করতে পার ?

সৌমেন । নিশ্চয়ই পারি । চাও ? প্রমাণ চাও ? Very well, কাল
বিকেল পাঁচটার আমার ওখানে নেমস্তন্ন রইলো তোমাদের,
চা-খাবার । শ্যামলীকে সঙ্গে নিয়ে যেও...

সনৎ । আচ্ছা...

সৌমেন । শ্যামলী কি আসবে ?

সনৎ । কেন আসবে না ? আমি বললেই আসবে ।

সৌমেন । হ্যাঁ, তা' আসতে পারে । আমার কাছে তোমাকে একলা
ছেড়ে দিতে—তার সাহস হবে না...

(পিছনে মোটরের হর্ন)

ওই যে শ্যামলী এসেছে ।

(শ্যামলীর প্রবেশ)

শ্যামলী । এত রাত্তির পর্য্যন্ত—এখানে এসে ঠাণ্ডা লাগাচ্ছেন কেন
স্বামীজী ? চলুন—গাড়ী নিয়ে এসেছি...

সনৎ । হ্যাঁ চলো । আমার শরীরটা তত ভাল নেই, সৌমেন, আজ
তা'হলে আসি...

উভয়ে চলিয়া গেল—সৌমেন একদৃষ্টে চাহিয়া রহিল—

দীর্ঘশ্বাস ফেলিয়া বলিল—

“আচ্ছা !” (অঞ্জলি একটু দূরে দাঁড়াইয়া ছিল—কাছে আসিল)

সৌমেন। এসো অঞ্জলি, তোমার কথাই ভাবছিলাম।

অঞ্জলি। (হাসিয়া) তাই নাকি ? কি সৌভাগ্য আমার...

সৌমেন। হ্যাঁ, সৌভাগ্যই বটে। শোনো ! তোমাকেই আমি বিয়ে

করবো, তবে তুমি তো জানো শ্যামলীকে আমি অত্যন্ত ভালবাসি ?

অঞ্জলি। হ্যাঁ জানি।

সৌমেন। শ্যামলী যতদিন বেঁচে থাকবে, ততদিন তোমাকে ভালবাসতে

পারা আমার পক্ষে সম্ভব নয়।

অঞ্জলি। তাও জানি।

সৌমেন। শ্যামলী আর সন্ধ্যা কাল আমার এখানে চা খেতে আসবে।

তুমি তাদের চা-পরিবেশন করবে। একটা কাপে একটা ওয়ুধ

মিশিয়ে এনে দেবে আমার হাতে—আমি দেব শ্যামলীকে। সে

থাবে। আমাদের মিলনের পথ পরিষ্কার হ'য়ে যাবে।

অঞ্জলি। আমার মাথা ঘুরছে।

সৌমেন। বসো এখানে। আমার কোলের উপর মাথাটা রাখো।

ভাবো—নিজের সুখের পথ নিজেই তৈরী করে না-নিলে, কেউ

কখনো সুখী হতে পারে না। শ্যামলীকে সরিয়ে দিতেই হবে—

পারবে না ? বলো, পারবে না ? অঞ্জলি ! একি—ঘুমিয়ে পড়েছ ?

অঞ্জলি। (চমকিয়া) হ্যাঁ বড্ড ঘুম পেয়েছিল। তোমার কোলে মাথা

রেখেছি—এ যে আমার কি শাস্তি—তা' তুমি বুঝবে না। ওগো !

তুমি আমাকে পাগল করেছে—পাগল করেছে...(কাঁদিল)

সৌমেন। Nonsense ! যা' জিজ্ঞেস করছি, তার উত্তর দাও...

অঞ্জলি। চোখ রাঙাও না। আমার বড্ড ভয় করে। তেমনি মিষ্টি

করে কথা বলো। তুমি যা' বলবে—আমি তাই করবো। আমি কি

পারি তোমার অবাধ্য হতে ?

সৌমেন । হ্যাঁ, ঠিক থাকে যেন...

অঞ্জলি । বড় মাথা ঘুরছে—তোমার যদি কষ্ট না হয়—আবার আমাকে একটু...

সৌমেন । কিসের কষ্ট ? তোমাকে আজ আমার খুব ভালো লাগছে—
যুমোও । আমি তোমার কপালে হাত বুলিয়ে দিচ্ছি...

(কপালে হাত বুলাইল, কিন্তু মুখে অত্যন্ত বিরক্তির ভাব ।)

ষষ্ঠ দৃশ্য

স্থান—সেবিকাসভের আপীস্

কাল—অপরাহ্ন

দৃশ্য—মাধবী একাকী গান গাহিতেছিল

গান

কেন হৃদয় দ্বারে বারে বারে

আঘাত দিয়ে যাও ?

ঘুমিয়ে যে জন আছে, তারে—

কেন গো জাগাও

চাই যা-কিছু স্বপন মাঝে—

রয়েছে মোর বুকের কাছে !

জাগরণে আর কি আছে—

আমায় দিতে চাও ?

স্বপন কেন জুথের এতো—

বুঝি না তো তাও ।

নয়ন বারি জাগরণে
 ঝরবে আমার হৃ'নয়নে—
 কাঁদিয়ে মোরে অকারণে
 বলো, কি সুখ পাও ?

(দ্বিজবরের প্রবেশ)

দ্বিজবর । সঙ্গীতলাপ করছ ? বেশ, বেশ...

মাধবী । আপনি আবার এসেছেন এখানে ? শীগ্গীর চলে যান্...

দ্বিজবর । হেতু ?

মাধবী । সেক্রেটারী বাবুর সঙ্গে দেখা হ'লে তিনি আপনাকে নিশ্চয়ই
 অপমান করবেন ।

দ্বিজবর । কে বললে ? অসম্ভব ।

মাধবী । আপনি আমাকে নিতে পারবেন না, অথচ আমার টাকা নিতে
 পারবেন—এটা তিনি পছন্দ করেন না ।

দ্বিজবর । তা'হলে তান নিতাস্তই বালক ?

মাধবী । না, না, আপনি যান্— তাঁর আসবার সময় হয়েছে ।

দ্বিজবর । আমি যে অণু রজনী এখানেই অবস্থান করবো মনে করেছি—

মাধবী । কী সর্কনাশ, আপনি কি বলছেন ?

দ্বিজবর । বিশ্বয়ের বিষয়টা কি হলো ? তুমি যখন আমার শাস্ত্রমতে
 বিবাহিতা ধর্মপত্নী তখন সে-বিষয়ে কোনো আপত্তি উত্থাপন করা তো
 বিজ্ঞানোচিত কার্য বলে—মনে হচ্ছে না !

(ব্যস্তভাবে গোবর্দ্ধনের প্রবেশ)

গোবর্দ্ধন । শীগ্গীর বেরিয়ে যান ঠাকুরমশাই । সাহেব আসছেন...

দ্বিজবর । কেন হে ? আমি কি ত্বর ।

(সৌমেন ও সেন সাহেবের প্রবেশ)

সৌমেন । এই যে ঠাকুরমশাই, প্রণাম ।

দ্বিজবর । কল্যাণমস্ত ।

সৌমেন । আবার এখানে কি মনে করে ?

দ্বিজবর । আগামী কল্যই আমি দেশে প্রত্যাবর্তন করছি । তাই মনস্থ করেছি অণু রজনী এখানেই অবস্থান করবো । আমার সহধর্মিণী যখন...

সৌমেন । এখানে অবস্থান করছেন । তাহলে মাধবী ! তোমার পরম গুরুকে ঘরে নিয়ে যাও—পরকালের কাজটা করো...

দ্বিজবর । নিশ্চয়ই । 'পতিরেকো গুরুস্ত্রীগাম্' । বুদ্ধিহীনা মাধবী বলছিল—আপনি নাকি আমাকে অপমান করবেন । হা হা হা হা—আপনি একজন উচ্চশিক্ষিত ভদ্রসন্তান—ইতিকর্তব্য সম্বন্ধে আপনার কি কোন ত্রুটি হওয়া সম্ভব ?

সৌমেন । আজ্ঞে, নিশ্চয়ই নয় ! একটা ত্রুটির জন্ত, পরম শ্রদ্ধাস্পদ গজেন্দ্র ঘোষ মহাশয় নাম্বা রুজু করেছেন—আবার ।

সেন সাহেব । আপনাকে যেন কোথায় দেখেছি ।

(সেন সাহেব তাঁহার মুখের কাছে মুখ লইয়া গিয়াছিল—দ্বিজবর নাকে কাপড় দিয়া সরিয়া দাঁড়াইলেন)

দ্বিজবর । লোকটিকে যেন মগুপ বলে মনে হচ্ছে ?

সেন সাহেব । আজ্ঞে হ্যাঁ আমি একটু মগুপান করি—কিন্তু আপনি । দেখি হাতখানা (দেখিয়া) ও তাই বলুন—আম্বুন তা'হলে—উপস্থিত সঙ্গে নেই—কি আর করি বলুন—! ভদ্রতা রক্ষা হ'লো না—
(মাধবীর সঙ্গে দ্বিজবরের প্রস্থান)

দেখুন সৌমেনবাবু ! আপনার এই 'সেবিকাসভ্যের নামটা পাল্টে দিন । লিখে রাখুন—“Universal Father-in-law's House.”

সৌমেন । (হাসিয়া) ব্যাপারটা সেই রকমই দাঁড়িয়েছে...

সেন সাহেব । গলা ধাক্কা দিয়া তাড়িয়ে দিলেন না কেন ?

সৌমেন । মাধবী তা'হলে কেঁদে ভাসাতো । তুমি কি মনে করো
সেন সাহেব ! এদেশের মেয়েগুলো রক্তমাংসের মানুষ ! এই
মাধবীর মনে কি এমন কোন চেতনা আছে, যাতে সে তার মনুষ্যত্বের
দাবী বুঝতে পারে ? পরকালের কথা ভাবতে ভাবতে মাধবী
আজ ওর পদসেবা করবে ! এমন একটা মেয়ে আজ পর্যন্ত আমার
চোখে পড়লো না—যে তার স্বাধিকার বা স্বাতন্ত্র্যরক্ষার প্রবৃত্তি নিয়ে
বেঁচে থাকতে চায় ।

(অঞ্জলির প্রবেশ)

অঞ্জলি । সত্যি সৌমেনদা ! এদেশের মেয়েরা তা' চায় না । নারীর
মূল্য স্বামীর সাহচর্যে—স্বাতন্ত্র্যে নয় । তাই তারা সতীত্ব ও
পাতিব্রতের আদর্শকে অনেক বড় ব'লে জানে ।

সেন সাহেব । তাই নাকি ? হা হা হা হা—

অঞ্জলি । হাসছেন কেন সেন সাহেব ?

সেন সাহেব । মাতালের হাসি কিনা, তাই একটু বে-ঘাটে পড়ে গেছে—
ক্ষমা করবেন সাবিত্রী-ঠাকরুণ ।

অঞ্জলি । আমি বিধবা ব'লে—আমাকে পরিহাস করেছেন ।

সেন সাহেব । শোনো অঞ্জলি । অনধিকারচর্চা আমি কখনো
করি না । নারীত্ব সঙ্ঘর্ষে আমার কোন ব্যক্তিগত অভিজ্ঞতা
নেই—I am a poor vagabond, who lives upon the
dregs of wine and browns of bread । এক কথায়
যাকে বলে—A gingermerchant অর্থাৎ আদার-ব্যাপারী—

তবে, তোমার মুখে ও সতীত্ব ও পাতিব্রতের অঙ্কারটা ভাল
লাগলো না...

অঞ্জলি। কেন বলুন তো ?

সেন সাহেব। তর্ক করবো না। Excuse me, ততক্ষণ এক গ্লাস
মদ্যপান করলে, পরকালের কাজ হবে—Bloody swine tastes
wine !

(মদ্যপান)

সৌমেন। তুমি এখন, এখান থেকে যাও অঞ্জলি—আমাদের কাজ
আছে। (বিষণ্ণভাবে অঞ্জলির প্রশ্নান)

(সৌমেন দরজাটা বন্ধ করিয়া আসিল)

তারপর তোমাকে যে কথা বল্ছিলাম সেন সাহেব ?

সেন সাহেব। হ্যাঁ বলুন—Now I am perfectly in mood—
সত্যিই কি শ্যামলী শেষে একটা সন্ন্যাসীর 'লাভে' পড়লো ?

সৌমেন। Yes, she is over head and ears। এতগুলো টাকা
হাতে পেয়েও—সে আজ নিজেকে নৈবেদ্যের মতই সাজিয়ে দিতে
চায় সেই সন্ন্যাসীর পায়ে। স্বাধিকারের ধারণা বা স্বাভাব্য রক্ষার
প্রবৃত্তি আজ আর তার ভেতর একটুও নেই। যেটুকু গড়ে
তুলেছিলাম—তাও শেষ হয়ে গেছে।

সেন সাহেব। তা'হলে এসব ব্যাপারে আর প্রয়োজন কি ? তুলে দিন
এ সেবিকাসভ্য—কাল থেকে খুলে দিন এখানে একটা 'বিষভারতী
প্রজাপতি-আপীস'। পল্লী অঞ্চল থেকে কুড়িয়ে আনুন হাজার
হাজার রং-বেরংয়ের 'প্রজাপতি'—তার পর তাদের উড়িয়ে দিন এই
সহরের আকাশে, বাতাসে, অলিতে, গলিতে, আর সঙ্গে সঙ্গে ট্রামে-
বাসে চলিতে চলিতে 'লাভে' পড়ক—যত অকালপক্ক বালক-

বালিকারা ! Ambulanceএর activity বেড়ে যাক—দেশের প্রকৃত কল্যাণ হোক...

সৌমেন । বকামো ক'রো না, শোনো । একটা clear conviction নিয়ে যে কাজ শুরু করেছি, তার হাল ছেড়ে সরে দাঁড়াবার মত কাপুরুষতা আ মার নেই । হয় ভাস্বো, আর না হয় ডুব্বো—তার বেশী আর কি হবে ?

সেন সাহেব । কিন্তু আপনার এ Establishment চলবে কি করে ?

সৌমেন । শুধু কি এই একটা ? বাংলার প্রতি জেলায় গড়ে তুলবো আমার এই সেবিকাসঙ্ঘ ! যেখানে দাঁড়িয়ে বাংলার প্রত্যেক নির্যাতিতা মেয়ে বলতে শিখবে—I must have my economic salvation !

সেন সাহেব । মদ খান্ না বটে—কিন্তু মাতলামিতে আপনি আমার গুরুদেব !

সৌমেন । শোনো সেন সাহেব—আজই একটু Potasium Cyanide এনে দিতে হবে আমাকে...

সেন সাহেব । কী সর্বনাশ ! কেন বলুন তো ?

সৌমেন । আমি সনৎকে remove করবো, তা'হলেই পাবো শ্যামলীকে আর তার সঙ্গে—ন'লক্ষ পঁচাত্তর হাজার টাকা !

সেন সাহেব । কিন্তু পুলিশ-হাঙ্গামায় পড়বেন যে—সামলাবেন কি করে ?

সৌমেন । খুব চমৎকার একটা মতলব বাতলেছি...

সেন সাহেব । কি ?

সৌমেন । তুমি জানো অঞ্জলি is very jealous of Shyamali ! অঞ্জলি রাজী হয়েছে—শ্যামলীকে বিষ দিতে । আমি সেটা কৌশলে দেব সনৎকে । সনতের মৃত্যু আর অঞ্জলির ফাঁসি ! এক চিলেই

হুই পাখী মরবে। I am really very tied of that unreasonable bitch.

সেন সাহেব। Bat innocent Swamiji !

সৌমেন। বলতে পার মিঃ সেন—সনতের বেঁচে থাকার প্রয়োজন কি ? সন্ন্যাসের কি কোন মানে হয় ? রক্তমাংসের উত্তেজনা যার নেই শুধু নিরুত্তি ছাড়া, প্রবৃত্তির প্রেরণাকে যে অস্বীকার করে—সে তো dead ! তাকে remove করলে যদি কোনো পাপ হয়, তাহলে dead body গুলো পুড়িয়ে ফেলাও পাপ !

সেন সাহেব। হাহাহাহা—very nice argument !

সৌমেন। Certainly, Is he not a dog in the manger ?

এই পৃথিবীর সুখভোগ যে চায় না, সে কেন ন' লাখ পঁচাত্তর হাজার টাকা অধিকার ক'রে ব'সে থাকে ? আমার উদ্দেশ্য যখন সং তখন আমি কেন ভয় করবো ? No risk, no gain !

সেন সাহেব। তা'তো বটেই—আচ্ছা—Potasiumটা কখন চাই বলুন তো ?

সৌমেন। এখনি। (ঘড়ি দেখিয়া) এখন সাড়ে চার—পাঁচটার ভেতর তারা আসবে।

সেন সাহেব। দিন্ দশ টাকা...

সৌমেন। সকালে তো দশ টাকা দিয়েছিলাম ?

সেন সাহেব। দেখুন ঝাড়া একটু মস্তপান করেন, তাঁদের টাকা-পয়সার হিসেব থাকে, কোম্পানীর ঘরে।

সৌমেন। এত বেশী মদ খেয়ো না, মিঃ সেন।

সেন সাহেব। আচ্ছা, আমাকে কখনো মাত্লামো করতে দেখেছেন ? বোতলের পর বোতল চালিয়ে দেখছি—আমার পা টলে না, বা

মুখে কোম বেফাঁস কথা বেরায় না। যত টানবো ততই *Sobre and sound—gentle and judicious!*

সৌমেন। এই নাও—শীগ্গীর এসো কিন্তু... (টাকা দিল)

সেন সাহেব। *Yes, ten-minutes my boss...* (প্রস্থান)

(সৌমেন কলিংবেল টিপিল—গোবর্দ্ধনের প্রবেশ)

সৌমেন। অঞ্জলিকে ডেকে দে— (গোবর্দ্ধনের প্রস্থান)

(ফোন ধরিল) *South 19264, Hallo, কে, শ্যামলী? তুমি কি আমার সঙ্গে কথা বলবে? আমি সৌমেন—না, না, কেটে দিও না, সনৎকে একবার ডেকে দাও...দেবে না!...কেন? সে তোমার কে?...Nonsense! দেখো শ্যামলী, you are going too far—just beware of the fall!...ঝগড়া করতে চাই না। সনৎকে নিয়ে আসছ কিনা বলো?...হ্যাঁ, হ্যাঁ, নিশ্চয়ই প্রমাণ করবো!...সত্যি বলো তো শ্যামলী! তুমি একদিন আমাকে ভাল বাসতে কি না?...Are you not faithless to me?...বেশ, এসো—Good bye—* (ফোন রাখিল)

এসো অঞ্জলি! আজ তোমাকে আমার বড় ভাল লাগছে—*you are an angel, beautiful and devine!*

অঞ্জলি। অতো বেশী বলো না—আমার বুকের ভেতর কেঁপে ওঠে! হাতখানা ধরে কোথায় নিয়ে যাচ্ছ—জানি না, স্বর্গে কি নরকে বুঝতে পারছি না! তবু যাচ্ছি। তোমার সঙ্গে যাওয়ার আনন্দই আজ আমার কাছে বড় হ'য়ে উঠছে। পা চলছে না, তবু আমি চলছি—

সৌমেন। *Don't be nervous my darling! No risk—no*

gain ! শ্রামলীকে সরিয়ে দেওয়ার পরেই হবে—তোমার আর আমার পূর্ণ-মিলন !

অঞ্জলি । শ্রামলীই আমার পথের কাঁটা তা' জানি—কিন্তু—

সৌমেন । কিন্তু কি ?

অঞ্জলি । না না, পারবো, নিশ্চয়ই পারবো । তোমার আদেশ—তোমার পায়ের ধূলো .. (প্রণাম করিল)

(সেন সাহেবের প্রবেশ)

সেন সাহেব । এই নিন ! kindly আর দশটা টাকা !

সৌমেন । আবার ?

সেন সাহেব । পথে যাচ্ছিলাম—দেখি একটা লোক দু'দিন অনাহারে পড়ে আছে—হঠাৎ বুকের ভেতর টিপ্ টিপ্ করতে লাগলো, জীবাত্মা চঞ্চল হ'য়ে উঠলো—টাকা-দশটা তাকেই দিয়ে দিলাম ।

সৌমেন । Nonsense !

সেন সাহেব । শুনুন সৌমেনবাবু ? আমার বাবা জীবন ভরে ডাক্তার টিকিট কিনেছেন—কোনদিন কোন প্রাইজ পাননি । শুধু টিকিটের মূল্যটা ব্যাঙ্কে রাখলে—একটা প্রাইজের চেয়ে ঢের বেশী হতো ! কিন্তু আপনার ন' লক্ষ পাঁচাত্তর হাজার is as sure as this empty bottle !

সৌমেন । তুমি বড় বাড়াবাড়ী করছ মিঃ সেন !

সেন সাহেব । দেখুন—An empty bottle sounds much !

ছটাকীরাই বেশী বক্বক্ব করে—পূর্ণ করুন—শব্দ হবে না ।

সৌমেন । আচ্ছা সেন সাহেব ! আমার ফাইল থেকে...মালতীর agreementখানা কে নিয়েছে বলতে পার ?

সেন সাহেব। হ্যাঁ, আপনার অঞ্জলি নিয়েছেন এবং মালতীকে দিয়েছেন

—তা' আমি জানি...

(ক্রুদ্ধভাবে অঞ্জলির প্রবেশ)

অঞ্জলি। আমি নিয়েছি ?

সেন সাহেব। তা'ছাড়া আর কে নেবে ? “অঞ্জলি”—মালতী—খেস্তি—

মাধবী-শ্যামলীসুখা ! পঞ্চকণ্ঠা স্বরেন্দ্রিত্যং সেবিকাসম্ভব বাসিন্ধ্যঃ !”

এখানে আর কে আছে ? আর কে নিতে পারে ?

সৌমেন। আচ্ছা, এই নাও টাকা—এসো এখন...(টাকা দিল)

সেন সাহেব। I wish you success my most revered boss !

Good night !

(প্রস্থান)

সৌমেন। শোনো অঞ্জলি ! একটা খেত পাথরের কাপ এনে রেখেছি—

দেখেছ ?

অঞ্জলি। হ্যাঁ।

সৌমেন। তার ভেতর এই গুঁড়োটা মিশিয়ে এনে, আমার হাতে

দেবে। অণ্ড কোনো কাপে দিও না কিন্তু...

অঞ্জলি। আচ্ছা— (বিস লইল)

সৌমেন। যাও এখন সব ready করে রাখো—এখুনি এসে পৌঁছবে

তারা।

(অঞ্জলির প্রস্থান)

(মাধবীর প্রবেশ)

মাধবী। দয়া ক'রে আমাকে পাঁচটা টাকা দিন...

সৌমেন। কেন ?

মাধবী। আমার স্বামীকে দেবো...

সৌমেন। এই যে পরন্তু পাঁচ টাকা দিলে ?

মাধবী। তা' নাকি গুণ্ডারা কেড়ে নিয়ে গেছে।

সৌমেন। মিছে কথা, তোমার স্বামী একটা জোচ্চোর!...বাঃ
কেঁদে ফেললে ?

মাধবী। পূর্বজন্মের কোন্ কর্মফলে—এ শাস্তি হয়েছে জানি না।
আবার এ জন্মে যদি...

সৌমেন। Nonsense! Hang your পূর্বজন্ম আর পরজন্ম। নিজের
দুঃখের বোঝাটা নিজেই তৈরি করে নিচ্ছ, আবার নিজেই তার তলে
মাথাটা রেখে হাপুস নয়নে কাঁদছ? আশ্চর্য্য! কিন্তু মাধবী!
কোনো সভ্য-দেশের মেয়েরা এ ভাবে কাঁদে না। *

(সনৎ ও শ্যামলীর প্রবেশ)

এই যে সনৎ! এসো, এসো—আচ্ছা এ সম্বন্ধে তোমার মত কি ?

সনৎ। কোন সম্বন্ধে ?

সৌমেন। বসো বলছি। অঞ্জলি! এঁরা এসেছেন, চা তৈরি কর...
শোন সনৎ, এই মাধবী মেয়েটি একটি বাহাত্মুরে বুড়োর বো! এ
জন্মে ইনি সেই বুড়োর পদসেবা ক'রে ধন্য হ'তে চান—কারণ
পরজন্মে আবার তাঁরই দাসী হবার সৌভাগ্য লাভ করবেন।
সতীধর্ম্মের জয়ধ্বজা উড়বে! (মাধবীর প্রস্থান)

সনৎ। কারো ধর্ম্মবিশ্বাসকে ওভাবে পরিহাস ক'রো না সৌমেন!
জগতে এখন বহু রকম ismsএর লড়াই চলছে—সত্যি যে কি তা
ঠিক সাব্যস্ত হয়নি।

সৌমেন। তোমাদের জন্মান্তরবাদ যে একটা Colossal hoax সে বিষয়ে
কোনো সন্দেহ নেই।

সনৎ। তোমার কাছে। কারণ, তোমরা জড়বাদী—Marxist.

সৌমেন। তোমাকে একটা সোজা কথা জিজ্ঞাসা করতে চাই সনৎ—
মেয়েরা কি মানুষ নয় ?

সনৎ । (হাসিয়া) কে অস্বীকার করছে ?

সৌমেন । এই জন্মান্তরবাদের ধাপ্পা দিয়ে, মাধবীর মনুষ্যত্বকেই অস্বীকার করছে—তোমার সমাজ ! কী নীচ স্বার্থবুদ্ধি !

সনৎ । মাধবীর জন্তে তোমার এত দরদ কেন সৌমেন ?

সৌমেন । মানুষের অধিকার মানুষকে দিতেই হবে ।

সনৎ । তা'হলে তোমার ওই মানবপ্রীতির মধ্যেও রয়েছে স্বার্থবুদ্ধি ! তুমি একটা পিঁজুরেপোলের সেক্রেটারী না হ'য়ে, হয়েছ এই সেবিকাসভ্যের ! কেন ? এও কি তোমার স্বার্থবুদ্ধি নয় ?

(শ্যামলী ভিতরে যাইতেছিল)

সৌমেন । কোথায় যাচ্ছ শ্যামলী ?

শ্যামলী । অঞ্জলিকে একটা কথা বলে আসি...

সৌমেন । (একটু চিন্তা করিয়া) আচ্ছা, যাও । শোনো সনৎ ! সে স্বার্থবুদ্ধি আমার আছে । আমি চাই—এই ভারতে এমন একটা জাতীয়তার উদ্বোধন—যার ফলে, ভারতবাসীদেরও আসন নির্দিষ্ট হবে বিশ্বের দরবারে । আমাদের লজ্জা, আমাদের সঙ্কোচ, আমাদের ভয়—পদে পদে আমাদের বিধি ও নিষেধের নিগড় ! কেন ? কেন আজ আমরা অপাংক্তেয় হয়ে রয়েছি, মানুষ নামেরও অযোগ্য হয়ে পড়েছি ? জাতীয়-শক্তির উৎস-মুখ নারীকে রেখেছি—অবরুদ্ধ করে ! পুরুষের ভোগবিলাসের উপকরণ করে ! নারী যেখানে পুরুষের দাসী—দাসত্বের শৃঙ্খল সেখানে স্থায়ী বন্ধনের কারণ হয়ে থাকে ।

সনৎ । সত্যি সৌমেন, তোর এই দেশ-প্রেমকে আমি চিরদিনই শ্রদ্ধা করি । তাই তোর সব কাজেই আমার সহানুভূতি আছে । কিন্তু ভাই আমার একটা অনুরোধ রাখিস্—ভগবানকে কখনো অস্বীকার

করিস্ না। তাঁর অশুগ্রহ ছাড়া কোনো সাধনাতেই সিদ্ধি হ'তে পারে না।

সৌমেন। Hang your ভগবান্! ভগবান এলেই, তার সঙ্গে আসে—
ধর্মের ভণ্ডামি আর সংস্কারের হীনতা। মার্কস বা লেলিন্ তোমাদের
মত গেরুয়া পরুতেন না।

(শ্যামলীর প্রবেশ)

শ্যামলী। বাইরের পোষাক দিয়ে মানুষকে বিচার করা যায় না
সৌমেনবাবু! সে কথাটা খুব সত্যি...

সৌমেন। নিশ্চয়ই। বিচারকের একটু বুদ্ধি থাকা চাই বৈকি!

সনৎ। থাক, থাক, তোমাদের তকটা বড় ব্যক্তিগত হয়ে উঠছে। ঐ
যে—চা এসছে...

(অঞ্জলি তিন কাপ চা লইয়া আসিল)

আমি তো তোমাদের ও চিনেমাটির কাপে চা খাব না সৌমেন!

ও বিষয়ে আমার একটু গৌড়ামি আছে।

সৌমেন। তা' আমি জানি। তাইতো তোমার জগ্রে এনেছি এই
শ্বেতপাথরের...

(শ্বেতপাথরের কাপটা তাহার হাতে দিতে গেল—

অঞ্জলি হাত চাপিয়া ধরিল)

আঃ! হাত ছেড়ে দাও অঞ্জলি...

অঞ্জলি। না, না, ও কাপটা স্বামীজীর নয়, শ্যামলীর।

সনৎ। না, ওটা আগাকেই দিন্—শ্যামলী তো সৌমেনের মতই সংস্কার-
মুক্ত! যে-কোনো কাপেই চনুবে ওর—কি বলো শ্যামলী?

(অঞ্জলি অস্থির হইল। তাহা দেখিয়া শ্যামলী সনতের নিকট

হইতে কাপটা আনিয়া নিজের কাছে রাখিল)

সনৎ । ওকি শ্যামলী ?

শ্যামলী । এ কাপের চা আপনি খেতে পাবেন না স্বামীজি !

সনৎ । কেন ?

সৌমেন । তুমি কি কিছু সন্দেহ করছ ? না, না, কিছু নেই ও কাপে—
সনৎকে দাও...

শ্যামলী । তাহ'লে আপনিই খেয়ে প্রমাণ করুন যে, কিছু নেই।
করবেন ?

সৌমেন । হা হা হা হা ! সত্যি সনৎ—শ্যামলী তোকে অত্যন্ত ভালো
বেসে ফেলেছে দেখছি—তোমাদের এ ভালবাসা অক্ষয় হোক—দাও
শ্যামলী, কাপটা আমাকেই দাও ।

সনৎ । ও কাপে কি আছে শ্যামলী ?

শ্যামলী । বিষ আছে...

সনৎ ও সৌমেন । বিষ !

শ্যামলী । হ্যাঁ বিব, নতুন! অঞ্জলির চোখে-মুখে এত যত্নগার রেখা
ফুটে উঠতো না...

সৌমেন । সত্যিই যদি এ কাপে বিষ থাকে তাহলে তা' তুমিই দিয়েছ
শ্যামলী, আমাকে খুন করতে । এই বিষ দেবার জন্তেই বুঝি
ভিতরে গিয়েছিলে ?

অঞ্জলি । এ চা আমি ফেলে দিয়ে আসি...

(অঞ্জলি চা লইয়া চলিয়া গেল ।)

সৌমেন । না, তার আগে আমি জানতে চাই—কে দিয়েছে ওই বিষ ?
আমি ত ভিতরে যাইনি ? শ্যামলী গিয়েছিল । বলো অঞ্জলি—কে
দিয়েছে ?—শ্যামলী ? বলো বলো...

অঞ্জলি । হ্যাঁ—আমি এ চা ফেলে দিয়ে আসি—

সনৎ । ছি ছি শ্যামলী, সৌমেনকে তুমি বিষ খাইয়ে মারতে চাও ?

শ্যামলী । না, না, আমি কিছুই জানি না ।

সৌমেন । নিশ্চয়ই জানো—আমি যে তোমার স্মৃথের পথের কণ্টক !

তুমি যে কে—তা তো আমি ছাড়া আর কেউ জানে না ! তাই

আমাকে সরিয়ে দিয়ে সনৎকে নিয়ে স্মৃথের বাসর সাজাতে চাও ?

শ্যামলী । সৌনেবাবু ! অঞ্জলিকে ডাকুন আমি তার কাছেই শুনবো
ও বিষ কে দিচ্ছে...

গোবর্দ্ধন—(অশ্রুরালে) বাবু, বাবু, শীগ্গীর আসুন !

(সৌমেন ভিতরে গেল)

সনৎ । শ্যামলী তুমি এত নীচ ?

শ্যামলী । না না স্বামীজী ! আপনি বিশ্বাস করুন আমি বিষ দিইনি...

(সৌমেনের প্রবেশ)

সৌমেন । Anjali is no more...

শ্যামলী । অঁ্যা, মরে গেছে ?

সৌমেন । It is a deadly poison !

সনৎ । এ বীভৎস হত্যাকাণ্ডের মধ্যে আমি আর থাকবো না সৌমেন !

শ্যামলী যে এত হীন, এত নীচ, তা' আমি এতদিন বুঝতে পারি নি—

সৌমেন । আজ বুঝেছ ?

সনৎ । হঁ্যা বুঝেছি—আমি এখন আসি...

(প্রস্থান)

শ্যামলী । স্বামীজী ! স্বামীজী !

সৌমেন । (হাত টানিয়া ধরিল) কোথা যাও ?

শ্যামলী । স্বামীজী যে চলে গেলেন...

সৌমেন । যাবেই তো—

শ্যামলী । অঞ্জলি কি সত্যিই আর বাঁচবে না ?

সৌমেন । বলছি দাঁড়াও— (দরজাটা বন্ধ করিয়া আসিল)

শ্যামলী । বলুন সৌমেনবাবু ! অঞ্জলি কি সত্যিই মরে গেছে ?

সৌমেন । Yes my darling । It is Potasium Cyanide.

শ্যামলী । তা'হলে এ কাজ আপনার ?

সৌমেন । Certainly.

শ্যামলী । কী ভয়ানক লোক আপনি ?

সৌমেন । তা কি আজ বুঝলে ? দেখো আমার Calculation কতো ঠিক । আমি ঠিকই বুঝেছিলাম—সনৎ বা অঞ্জলি একজন আজ মরবে, আর একজন পালাবে । অঞ্জলি মরেছে—সনৎ পালিয়েছে । তোমার আর আমার মাঝখানে আজ আর কেউ নেই—...

শ্যামলী । সামান্য ন'লাখ টাকার জন্তে...

সৌমেন । ন'লাখ টাকা সামান্য ? হা হা হা ন'লাখ টাকা হাতে পেলে এই বাংলা দেশে নারীজাগরণের ব্যবস্থা সম্পূর্ণ করবো আমি, মাত্র ন'মাসে ।

শ্যামলী । এই পৈশাচিক নারীহত্যার নাম নারী-জাগরণ !

সৌমেন । ধর্মের নামে, নীতি ও শৃঙ্খলার নামে—নারীসমাজের উপর যে নির্ঘাতন চলছে—তার প্রতীকারের জন্তে—যদি প্রয়োজন হয়—আরো দু'একটা হত্যা করবো—

শ্যামলী । এখুনি আমি পুলিশে খবর দেব...

সৌমেন । Here it is—“আমি স্বেচ্ছায় আত্মহত্যা করিয়াছি । আমার মৃত্যুর জন্তে কেহই দায়ী নহেন ।” অঞ্জলি লিখেছে । আর সত্যিই যদি কাউকে দায়ী হতে হয়—তাহলে তো তুমিই হবে শ্যামলী ? অঞ্জলি dying declaration দিয়ে গেছে—সাক্ষী গোবর্দ্ধন ।

শ্যামলী । অঞ্জলিকে হত্যা ক'রে—আমাকে বিপন্ন ক'রে আপনি বুঝি মনে ভেবেছেন—টাকাগুলো হবে আপনার ?

(সৌমেন কলিং বেল টিপিল—দরজা খুলিল—গোবর্দ্ধনের প্রবেশ)

সাইন বোর্ডটা নি' আয় ।

শ্যামলী । কি সাইন-বোর্ড ?

সৌমেন । কাল থেকে যা টাঙান হবে—সদর দরজায় ।

(গোবর্দ্ধন একটা সাইনবোর্ড লইয়া আসিল—তাহাতে লেখা ছিল)

“শ্যামলী সেবিকাসঙ্ঘ”

শ্যামলী । এর অর্থ কি ?

সৌমেন । শোন শ্যামলী । আমি তোমাকে ভালবাসি । অত্যন্ত—
ভালবাসি । তোমার শিক্ষা, তোমার বুদ্ধি, তোমার সাহস আমাকে মুগ্ধ করেছে । এ কথা আজ আর আমি অস্বীকার করবো না—
You are a type—a very rare type of modern Bengal । কিন্তু—আমি বিশ্বিত হ'য়ে যাই—যখনি ভাবি, সনত্তের মত একটা অপদার্থকে তুমি ভালবাসো । সে কি তোমার মূল্য বোঝে ?

শ্যামলী । সৌমেনবাবু । আমি—আমি—

সৌমেন (বাধা দিয়া) শোন—শ্যামলী । সত্যি আমি তোমাকে ভালবাসি । তুমি যেদিন তোমার দাদার সহস্র বাধা অগ্রাহ্য ক'রে—আমার সঙ্গে চলে এসেছিলে, সেদিন তোমার Courage of Conviction and firmness of resolution দেখে আমি বিশ্বিত হয়েছিলাম । সত্যিই তুমি অত্যন্ত uncommon ! তোমাকে partner of life করতে পারলে—আমি সুখী হবো—সনৎ হবে না ।

শ্যামলী। কিন্তু আপনার প্রতি আমার শেষ শ্রদ্ধাটুকু যা'ছিল—তাও আপনি আজ মিঃশেষে নিঙ্ড়ে ফেলেছেন—সৌমেনবাবু। শুধু ঘৃণা ছাড়া আর কিছুই নেই আপনার জন্তে।

সৌমেন। শ্যামলী!

(হাত ধরিল—শ্যামলী হাতছাড়াইয়া সরিয়া দাঁড়াইল)

মনে পড়ে শ্যামলী! এই সেবিকাসজ্জের আপীসে বসে—একদিন দুইজনেই প্রতিজ্ঞা করেছিলাম—“জীবনে কখনো বিবাহ করবো না, বা ভালবাসার দুর্বলতাকে স্বীকার করবো না।’ আজ যদি তুমি সে প্রতিজ্ঞা ভঙ্গ করো—তাহ'লে—আমিই তোমাকে চাই—

শ্যামলী! (শ্যামলী পিছাইয়া দাঁড়াইল)

শ্যামলী। Dont be unreasonable সৌমেনবাবু। ওই স্বামীজীই আমার স্বামী। আমি তাঁর সন্তানের মা।

সৌমেন। সন্তানের মা!

শ্যামলী। আজ্ঞে হ'্যা। আপনি আমাকে ক্ষমা করুন।

সৌমেন। হা হা হা হা—স্বামীজী—সাধু, সন্ন্যাসী, মহাপুরুষ। আর আমি একটা murderer—তুমি তাকে ভালোবাসো, আর আমাকে করো ঘৃণা? হা হা হা হা—

(সেন সাহেবের প্রবেশ)

শুনেছ মিঃ সেন! এই শ্যামলী নাকি সন্তানের মা! সনৎ চরিত্রবান—আর আমি লম্পট! হা হা হা হা—

সেন সাহেব। Kindly আর দণটা টাকা!

সৌমেন। Nonsense! get out...

সেন সাহেব। Get...out—হা হা হা—Kindly take a glass of wine! and get me in!

দ্বিতীয় অঙ্ক

প্রথম দৃশ্য

গান—শ্যামলীর কক্ষ

বাল—সন্ধ্যা

দৃশ্য—শ্যামলী একাকী বসিয়া গাহিতেছিল।

গান

এ পথে গেছ তুমি, রাখি যে পদধূলি—
যতনে চুমি তারে, এ শিরে লব তুলি।
সরমে যে কথাটি কহিতে গেছে বেধে—
আজি এ নিরঞ্জে গাহিব কেঁদে কেঁদে !
আঁধারে জাগি রাত্তি, নিবায়ে রাখি বাতি
তোমারে ভাবি মনে, আনারে যাব ছুলি।
শারদে ছায়াপথে, চলিব মনোরথে—
হাসিবে দেখি মোরে নীরবে তারাগুলি।
তবুও তব তরে আমার এ দুটি আঁখি
ঝরিবে ঝর ঝর ডাকিবে বন পাখী !
বিরহ ব্যথা মন—বাজিবে শেল সম—
চাঁদনী মেঘসনে করিবে কোলাকুলি।

(শ্যামলীর দাদা সুধাংশুর প্রবেশ)

শ্যামলী। এসো দাদা, চাকরী-বাকরীর কোনো সন্ধান পেলে ?

সুধাংশু । নাঃ ।

শ্যামলী । তা'হলে কি করবে ?

সুধাংশু । তুই যদি খেতে না দিস্ উপবাস করবো...

শ্যামলী । না, না, তা' বলছি না !

সুধাংশু । তবে আর কি বলছিস্ ? যার বোনের ব্যাঙ্কে রয়েছে ন'লাখ
টাকা—সে কেন পড়ে থাকবে সেই বান্ধা-মলুকে ?

শ্যামলী । আমার কথাটা তুমি ঠিক বুঝতে পারছ না !

সুধাংশু । খুব বুঝতে পারছি ? কিন্তু শ্যামলী ! আমি তো এখনো
বে'থা করিনি ? একা আমাকে ছুটো খেতে-পরতে দিলে কি তোর
টাকাগুলো সব ফুরিয়ে যাবে ?

শ্যামলী । সে টাকা তো আমার নয় দাদা ?

(বিরূপাক্ষের প্রবেশ)

সুধাংশু । তবে কার ?

শ্যামলী । স্বামীজির ।

সুধাংশু । দলিলটা আমি দেখেছি—It is an unconditional gift.

শ্যামলী । রায়বাহাদুরকে আমি কথা দিয়েছিলাম, সবই তার ছেলেকে
ফিরিয়ে দেব ।

বিরূপাক্ষ । তুমি ভুল করছ দিদিমণি, সনৎ আর আসবে না এখানে ।

শ্যামলী । তা' কি করে জানলে ? তুমি কি একবার দেখা করেছ
তার সঙ্গে ?

বিরূপাক্ষ । একবার নয়—পাঁচবার । হাতে ধরেছি, পায়ে ধরেছি,
কিছুতেই সে আর আসবে না । কাল তোমার দাদাকেও সঙ্গে নিয়ে
গিয়েছিলাম একবার ।

শ্যামলী । তাই নাকি ? কি বললেন তিনি ?

বিরূপাক্ষ। শোনো তোমার দাদার কাছে...

(শ্যামলী সুধাংশুর দিকে চ'ছিল)

সুধাংশু। বললেন—তুমি অতি হীন, অতি নীচ, একটা ধুনে মেয়ে।
তোমার ছায়া মাড়ালেও পাপ হয়। তবে হ্যাঁ, তিনি আর একটা
কথাও বলেছেন।

শ্যামলী। কি ?

সুধাংশু। দাবীদাওয়া সব ত্যাগ করে, তুমি যদি এ বাড়ী ছেড়ে
চলে যাও—তাহলে বোধ হয় আসতেও পারেন এখানে। হয়তো
একটা বিয়ে করে—সংসারী হতেও আপত্তি নেই তাঁর।

শ্যামলী। তাই নাকি ? তাহলে তুমি যাও বিরূপাক্ষদা, আজই তাকে
এখানে নিয়ে এসো-।

সুধাংশু। তুই কোথায় যাবি ?

শ্যামলী। তোমার সঙ্গে আবার সেই বাস্মায় ফিরে যাবো।

সুধাংশু। তা'তো বটেই। তা'হলে কেন সেই সোমেনের সঙ্গে চলে
এসেছিলি—তোমার জন্মে আমি, আমার বন্ধুবান্ধবদের কাছে মুখ
দেখাতে পারি না !

শ্যামলী। কেন ? আমি কি করেছি ? নিজের পায়ে দাঁড়িয়ে, নিজের
আত্মসম্মানের দাবী নিয়ে—যতদিন পারি বেঁচে থাকবো ! তারপর
মৃত্যু দিয়েও কি সে কলঙ্কের কালি মুছতে পারবো না ? (কাঁদিল)

সুধাংশু। কাঁদিস্নে। আমার একটা অনুরোধ রাখ্। এই বাড়ী
আর—ন'লক্ষ টাকার দাবীটা আজ আর তুই ত্যাগ করিস্ন না !
পথে গিয়ে বসিস্ন না। কুটপাতে যারা দাঁড়িয়ে থাকে—তারাই
তো সহ্য করে মানুষের নির্দয় সমালোচনা আর বিক্রপের হাসি।
মোটর হাঁকিয়ে চলাফেরা করতে পারলে আর কেউ কিছু বলবে না।

শ্যামলী। চূপ করো দাদা, প্রয়োজন হ'লে ফুটপাথে দাঁড়িয়েই আমি সব সহ্য করবো—তবু পরের মোটরে চড়বো না। তুমি যাও বিরূপাক্ষদা! স্বামীজীকে নিয়ে এসো। আজই আমি তাঁর যথাসর্বস্ব তাঁকে ফিরিয়ে দেব।

বিরূপাক্ষ। তুমি কি বনুছ দিদিমণি? সে এসেই তো তার টাকা-পয়সা সব পাঁচজনকে বিলিয়ে দেবে—আর এই বাড়ীটা লিখে দেবে সৌমেনকে।

শ্যামলী। তাঁর জিনিস তিনি যাকে ইচ্ছে—দিতে পারেন। আমি কেন বাধা দেব—কি প্রয়োজন আমার?

বিরূপাক্ষ। কিন্তু আমার বাবুর উদ্দেশ্য তো তা' ছিল না দিদিমণি, দানপত্র তিনি সনতের নামে করেননি। আমাকে খুব স্পষ্টভাবেই বলে গেছেন—সনৎ যদি বিয়ে না করে না ক'রবে—তবু তুমিই থাকবে এ বাড়ীতে। তাইতো আজ কদিন ধরে আমি পাত্র দেখছি।

শ্যামলী। (হাসিয়া) তাই নাকি—পাত্র দেখছ?

বিরূপাক্ষ। দেখবো না? বাঃ ওই—সনতের চেয়েও ভাল পাত্র দেখবো। আমার বাবু কি বলে গেছেন জান?

শ্যামলী। কি?

বিরূপাক্ষ। তোমার কোলেই আবার ফিরে আসবেন তিনি—তোমাকেই মা বলে ডাকবেন। তুমিই যে ছিলে তার জন্ম-জন্মাস্তরের মা?

(শ্যামলী অস্থিরতা প্রকাশ করিল)

ওকি তুমি অমন করছ কেন?

শ্যামলী। না, না, কিছু-না বিরূপাক্ষদা—তাঁর সে আকাজকা যদি পূর্ণ

করতে হয়—তাহ'লে যে ভাবে হোক স্বামীজীকে ফিরিয়ে আনো—
নইলে মৃত্যু ছাড়া আমার আর কোনো উপায় নেই... (প্রস্থান)

বিক্রপাক্ষ । শুন্লেন সুধাংশু বাবু—আপনার বোনের কথা ? এই অবস্থা
বুঝে আমি আপনাকে 'তার' করেছিলাম, এখন আপনি যা হয়
ব্যবস্থা করুন । যত শীগ'গীর পারেন, বিয়ে দিয়ে ফেলুন...

সুধাংশু । ছোটবেলা থেকেই ও ভায়ানক একরোকা—যা বলবে তা
করবেই । চোখ বুজে কারো গলায় মালা পরিয়ে দেবার মত মেয়ে
তো ও নয় !

বিক্রপাক্ষ । আমার মতলব শুনুন—ওকে নিয়ে রোজ লেকে বেড়াতে
যান্—থিয়েটার বায়স্কোপ্ দেখান্—যাক্ মাঝে টি-পাটি ক'রে
আপনার বন্ধু-বান্ধবদের ডেকে আনুন—বয়সের মেয়ে তো ? ক'দিন
সাম্লে চলবে ?

সুধাংশু । আজই তো আমার কয়েকজন বন্ধুবান্ধব আসবে—এখানে
আমার সঙ্গে দেখাসাক্ষাৎ করতে...

বিক্রপাক্ষ । বেশ তো আশুক্ না । আমি চকিণ ঘণ্টাই চা-সিগারেটের
ব্যবস্থা রাখবো । আমার ভয় হয় সুধাংশু বাবু ! সেই পাজি
সোমেনের সঙ্গেই হয় তো কবে ওর বিয়ে হয়ে যাবে...

সুধাংশু । না তা' হবে না ।

বিক্রপাক্ষ । বলা যায় না । আমি শুনিছি—সে নাকি 'বন্দীকরণ মন্ত্র'
জানে—মার্কিন মুলুক থেকে শিখে এসছে ।

সুধাংশু । শ্যামলী সনৎকেই ভালবাসে ।

বিক্রপাক্ষ । রেখে দিন আপনাদের ওসব ভালবাসা, মন্দবাসার কথা ।
আপনার মত বয়স যখন আমার ছিল—তখন আমি মেয়েমানুষ

দেখলেই ভালবেসে ফেলতাম—বিয়ে করবার জন্তে পাগল হয়ে
উঠতাম। সেই পেন্নায়, জীবনে আর বিয়ে করলাম না।

(সৌমেনের প্রবেশ)

তুমি আবার এখানে কেন এসেছ সৌমেনবাবু ?

সৌমেন। দরকার আছে। তোমার দিদিমণি কোথায় ?

বিরূপাক্ষ। না, না, আমার দিদিমণির কাছে তোমার কোন দরকার
নেই—তুমি—তুমি এখন যাও এখান থেকে।

সুধাংশু। সৌমেন !

সৌমেন। কে ? সুধাংশু ? বাস্মা থেকে কবে এলি ? ভাল
আছি ?

সুধাংশু। Scoundrel ! আমাকে মুখ দেখাতে লজ্জা করে না তোর ?

সৌমেন। কেন মিছেমিছি আমার উপর চট্‌ছিস্‌ ভাই ? তোর সঙ্গে
ঝগড়া হয়েছিল—তোর বোনের। তাই সে চলে এসেছিল আমার
সঙ্গে। আমার অপরাধ কি ?

সুধাংশু। Rascal—বেরিয়ে যা এখান থেকে...

সৌমেন। মাথা গরম করিসনে সুধাংশু, ভেবে দেখ—শ্যামলীর তো
কোনো ক্ষতি করিনি আমি ? আমার সঙ্গে এসেছিল বলেই—আজ
সে ন'লাখ টাকার মালিক ! বাঙালী ছেলে-মেয়েদের জীবনে
কোনো adventure নেই—romance নেই ! আছে শুধু একটা
বিয়ে হওয়া আর একপাল ছেলেপিলের মা-বাপ হওয়া। তারপর
অনাহার ও মৃত্যু ! বাস্‌ finish ! কেউ যদি সেই—গতানুগতিকের
বাইরে এসে দাঁড়ায়—নিজের জীবনটাকে বৈচিত্র্যময় করে তোলে—
ক্ষতি কি ?

বিরূপাক্ষ। দোহাই সৌমেনবাবু তোমার ও সাহেবী চং নিয়ে এ

বাড়ীতে আর—এসো না। আমাদের দিদিমণির কপালে আর
আশ্বন জ্বল না...

সৌমেন। তা'তো বটেই। কিন্তু—বিরূপাক্ষ ? তোমার ও দিদি-
মণিটিকে কোথায় পেয়েছ ? কে এনে দিয়েছে—এখানে ?

সুধাংশু। সৌমেন ! তুমি এখনি বেরিয়ে যাও বলছি।

সৌমেন। শ্যামলীর কাছে আমার দরকার আছে।

সুধাংশু। Brute ! আমি তোকে গলাধাক্কা দিয়ে বের করবো—

(আক্রমণ করিতে উদ্যত হইল)

সৌমেন। (পকেট হইতে একটা রিভলভার বাহির করিয়া) সাবধান
সুধাংশু—Don't proceed further...

(শ্যামলীর প্রবেশ)

এই যে শ্যামলী ! শীগ্গীর দু'হাজার টাকা দাও তো ?

(শ্যামলী নির্ঝকভাবে একখানা চেক লিখিয়া সৌমেনের হাতে দিল)

Good night—সুধাংশু... (প্রস্থান)

সুধাংশু। কি আশ্চর্য্য ! এই ভাবে রিভলভারের ভয় দেখিয়ে টাকা
নিরে গেল ?

শ্যামলী। আমি তো ভয় পেয়ে—টাকা দিই নি ? ওটা যে Toy-
revolver তা' আমি জানি।

সুধাংশু। Toy-revolver ?

শ্যামলী। হ্যাঁ। সত্যি রিভলভার—একটা আমার কাছেই আছে—
এই দেখো...(দেখাইল)

সুধাংশু। তবে তুই কেন টাকা দিলি ?

শ্যামলী। স্বামীজির বন্ধু যে...

বিক্রপাক। না, না দিদিমণি! তুমি ওই বদমায়েসটাকে আর প্রশ্রয় দিও না।

শ্যামলী। তাহলে সেই সাধুপুরুষের আশ্রয়টুকু যাতে পাই—তার ব্যবস্থা করো... (প্রস্থান)

বিক্রপাক। তুলেন? দেখুন যে কি ভয়ানক বিপদ! দোহাই সুধাংশুবাবু! যে উপায় হোক, আপনার বোনকে একটা বিষে দিন্—নইলে আমার বাবু স্বর্গে বসে কাঁদবেন। আপনার বোনই যে তাঁর জন্ম-জন্মান্তরের মা!

(সুধাংশুর তিন বন্ধু বিহারী, বিপিন ও বিলাসের প্রবেশ)

বিহারী। Hallo সুধাংশু! তুই তো বাম্বা থেকে বেশ bloody হয়ে এসেছিস্?

সুধাংশু। ব'স্—ব'স্...

বিক্রপাক। হ্যাঁ, হ্যাঁ, বন্ধুন আপনারা। আমি চায়েব ব্যবস্থা করছি— সিগারেট আনছি— (প্রস্থান)

বিপিন। সত্যি বিহারী, এই শ্যামলী দেবী যে আমাদের সুধাংশুর বোন—তা' আমি জানতাম না।

বিলাস। What a magnetic personality! রায়বাহাদুর তাকে যথাসম্ভব দান করেছেন। Really she reserves the gift.

বিহারী। শ্যামলীকে তুই চিনিস্ নাকি?

বিলাস। Certainly. She is most upto-date and cultured!

রোজ বিকেলে রায়বাহাদুরের সঙ্গে—হাওরা খেতে বেরুতেন—আর আমরা দূরে দাঁড়িয়ে অপলক দৃষ্টিতে চেয়ে...

(শ্যামলীর প্রবেশ)

শ্যামলী। দাদা, তুমি তোমার বন্ধুদের নিয়ে পাশের ঘরে যাও। সেখানে

চা দেওয়া হয়েছে—এখানে আমার একটু কাজ আছে।

সুখান্ত। ওরা যে এসেছে, তোর সঙ্গেই আলাপ পরিচয় করতে—

শ্যামলী। আমাকে ওঁরা সবাই—চেনেন।

বিহারী। হ্যাঁ, হ্যাঁ, তা' চিনি বৈকি—

শ্যামলী। উপস্থিত আমার জরুরী কাজটা মেরে নিই—তারপর আসবেন।

বিলাস। ধন্যবাদ। চল্ সুখান্ত আমরা পাশের ঘরে যাই—চায়ের তেষ্ঠায় আমার গলাটা শুকিয়ে উঠেছে! (সকলের প্রস্থান)

শ্যামলী। (ফোন ধরিল) P. K. 23690 yes, Hallo! কে? সেন সাহেব? কই—আপনি তো আর এলেন না? আসছেন? কখন? এখনি?—all right, thank you very much...

(ফোন রাখিল)

(বিরূপাক্ষের প্রবেশ)

বিরূপাক্ষ। দিদিমণি, ও ঘরে একবারটি যাও—ওঁরা রয়েছেন...

(মাথা চুলকাইল)

শ্যামলী। (বিরক্তভাবে) দেখো—বিরূপাক্ষদা। আমি তো ওদের তিন জনকেই একসঙ্গে বিয়ে করবো না! interviewএর নিয়ম হচ্ছে—one at a time—এক-এক-জন করে।

বিরূপাক্ষ। (লজ্জিতভাবে) না, না, আমি ঠিক তা বলছি না...

শ্যামলী। হ্যাঁ, হ্যাঁ, তুমি ঠিক তাই বলছো। যাও এখন—বাকি হয়, একজনকে পাঠিয়ে দাও। দেরি করো না, আমার অল্প কাজ আছে।

(কম্বালে মুখ মুছিতে মুছিতে বিহারীর প্রবেশ ও তৎপূর্বে—

বিরূপাক্ষের প্রস্থান)

আম্বন বিহারীবাবু বস্বন—দেখুন আপনার সঙ্গে আমার বিয়েটা হতে পারে, বাধা নেই—তবে একটা কথা আছে।

বিহারী। (বিস্মিতভাবে) তুমি কি বলছ শ্যামলী?

শ্যামলী। আপনি যে জগ্রে এসেছেন সোজাশুজি তাই বলছি। হঠাৎ কতকগুলো টাকার মালিক হ'য়ে পড়েছি বলেই, আপনারা আমার প্রতি অত্যন্ত কৃপাবিষ্ট হয়ে উঠেছেন। তাই নয় কি বিহারীবাবু?

বিহারী। না, না, তা ঠিক নয়—তা' ঠিক নয়...

শ্যামলী। কেন মিছে কথা বলেছেন? আমি যতদিন সেবিকাসভেয় ছিলাম কই আপনারা কেউ তো জান্নি—সেখানে—আমার সঙ্গে একটু আলাপ-পরিচয় করতে? পথে ঘাটে দেখে একটু হাসি-ঠাট্টা করেছেন মাস্তুর। তাই নয় কি?

বিহারী। না, না, না, আমাকে তুমি সেরূপ লোক মনে ক'রো না।

শ্যামলী। যাক সে কথা, উপস্থিত—আমার বিয়েটা যে খুব শীগগীর হওয়া দরকার তা' আমি বেশ বুঝতে পারছি—নতুবা আমার চা-সিগারেটের খরচ অত্যন্ত বেড়ে যাবে।

বিহারী। সত্যি শ্যামলী, ছোটবেলা থেকেই আমি তোমাকে অত্যন্ত ভালবাসি।

শ্যামলী। মাপ করবেন বিহারীবাবু! I am awfully tired of that sacred instinct—colled love. কাজের কথা বলি শুনুন—

I am a beggar girl! এই বাড়ী বা টাকা—কিছুই আমার নয়।

বিহারী। কিন্তু রায়বাহাদুরের giftটা তো শুনেছি—unconditional.

শ্যামলী। হ্যাঁ, কিন্তু মৃত্যুকালে আমি প্রতিশ্রুতি দিয়েছিলাম—সবই তাঁর ছেলেকে ফিরিয়ে দেব।

বিহারী। That is verbal—কোনো document নেই তো তার।

শ্যামলী। (হাসিয়া) আচ্ছা বিহারীবাবু! আপনি তো এই মাস্তুর বুললেন—“ছোটবেলা থেকেই আমাকে অত্যন্ত ভালবাসেন!” কি document আছে তার?

বিহারী। Love জিনিষটা ঠিক—money-transaction নয় শ্যামলী!

শ্যামলী। Yes, something more than that। Life-transaction. আপনাকে ধন্যবাদ। আসুন আপনি...

বিহারী। শ্যামলী!

শ্যামলী। Don't be un-reasonable বিহারীবাবু। এখনো আমার ছোটো—interview বাকি—আসুন—নমস্কার! (বিহারীর প্রস্থান)

(সেন সাহেবের প্রবেশ)

আসুন মিঃ সেন, চা খাবেন?

সেন সাহেব। না আমি চা পাই না। যা খাই তা আমার সঙ্গেই আছে। bloody swine, takes wine!

(অন্যদিক হইতে বিলাসের প্রবেশ)

শ্যামলী। Sorry বিলাসবাবু! I am already engaged—come to-morrow—নমস্কার! (বিলাসের প্রস্থান)

তারপর সেন সাহেব! আপনার কত টাকা চাই বলুন তো?

সেন সাহেব। দশ টাকা! (মদ দিল)

শ্যামলী। মাস্তুর দশ টাকা? আমি আপনাকে হাজার টাকা দেব।

সেন সাহেব। তুমি লাখটাকাও দিতে পার, তা' আমি জানি। কিন্তু আমি তো অতো টাকা একসঙ্গে manage করতে পারি না! আমার সাধারণ খরচ—ten rupees a day. তবে যদি বিশেষ কোনো প্রয়োজন হয়, পৃথক কথা...

(সুধাংশুর প্রবেশ)

শ্যামলী । কি চাও দাদা ?

সুধাংশু । কিছু না ।

শ্যামলী । তাহলে এখানে দাঁড়িয়ে থেক না, পাশের ঘরে যাও...

সুধাংশু । উনি কে ?

শ্যামলী । সৌমেনবাবুর বন্ধু—মিঃ সেন ।

সুধাংশু । উনি মদ খাচ্ছেন ?

শ্যামলী । হ্যাঁ, উনি মদ খেয়ে থাকেন...

সুধাংশু । তাতো বুঝলাম, কিন্তু ..

শ্যামলী । কিন্তু আবার কি ? তোমার বন্ধুরা চাও খান মদও খান ।

উনি শুধু মদ ছাড়া আর কিছুই খান না । এখন, যাও এখান

থেকে ।

(সুধাংশুর প্রস্থান)

সেন সাহেব । তোমার দাদা বুঝি ?

শ্যামলী । হ্যাঁ ।

সেন সাহেব । তারপর, হঠাৎ এ ভূতনাথকে স্মরণ করেছ কেন ।

শ্যামলী । Potasium cyanideএর প্রমাণটা আপনাকে দিতেই হবে ।

সেন সাহেব । কোথায় ? আদালতে ?

শ্যামলী । না, স্বামীজীর কাছে ।

সেন সাহেব । সে পরম সাধু কি আমার কথা বিশ্বাস করবেন ? তা'

করবেন না । তার চেয়ে আমার পরামর্শ শোনো...

শ্যামলী । কি—বলুন ?

সেন সাহেব । রাখো, আর একটু খেয়িনি, (মস্তপান) হ্যাঁ স্বামীজীর

সঙ্গে most privately—এমন একটা arrangement করো, যাতে

তিনি আড়ালে লুকিয়ে থেকে আমাদের discussion শুনতে পান ।

শ্যামলী। আমাদের মানে ?

সেন সাহেব। এই ধরো—এখানে বসেই যদি—আমি, তুমি আর সৌমেন-বাবু অঞ্জলির মৃত্যু সম্বন্ধে আলোচনা শুরু করি—স্বামীজীর উপস্থিতির কথা যদি সৌমেনবাবু বিন্দুমাত্রও জানতে না পারেন—তাহলেই তো বিষয়টা—পরিষ্কার হয়ে যাবে? আমাদের আলোচনার ভেতর থেকেই তিনি জানতে পারেন—Potasiumটাকে দিয়েছিল বা কে নিয়েছিল।

শ্যামলী। বেশ, বেশ, তা'হলে আপনি একবার যান স্বামীজীর কাছে।

সেন সাহেব। আমি যাবো? পাগল! তা'হলে তো এ প্লান একেবারেই মাটি হয়ে যাবে।

শ্যামলী। তবে কে যাবে ?

সেন সাহেব। তুমি নিজেই যাবে—তোমার innocence prove করবার আগ্রহ নিয়ে। তুমি যদি তার কাছে আত্মসমর্পণ করো, তা'হলে সে নিশ্চয়ই আসবে। সেও কি আজ তোমার চেয়ে কম বিপন্ন ?

শ্যামলী। কেন, তাঁর আবার বিপদ কি ?

সেন সাহেব। বটে! বিপদ কি? তুমি যদি তার ছেলেটিকে কোলে নিয়ে আদালতে গিয়ে দাঁড়াও—তখন ?

(শ্যামলী লজ্জিত হইল)

সেন সাহেব। লজ্জার কথা নয় শ্যামলী! এই ভণ্ডসাধুগুলোকে ধরে এনে, চাবুক লাগানো উচিত। একমুখে চুণ আর একমুখে কালি মাখিয়ে—লোকের সামনে চোদ্দপোয়া দেওয়া উচিত।

শ্যামলী। মেয়েদের সম্বন্ধে আপনার সহৃদয়তার কথা আমি জানি সেন সাহেব, কিন্তু এক্ষেত্রে আপনি ভুল করেছেন! তাঁর কোন অপরাধ নেই। মৃত্যু-কালে রায়বাহাদুরের সেই কাতরতা আমার সব সময় মনে পড়তো। সন্ন্যাসীকে সংসারী করবার একটা আগ্রহ আমার

বুকে এমন ভাবে চেপে বসেছিল যে, আমি আত্মবিস্মৃত হয়ে পড়েছিলাম। মেয়েদের স্বাতন্ত্র্যরক্ষার দাবী যে কত বড় ছিল, তা' আমি আজ বেশ বুঝতে পারছি—পুরুষের সাহচর্য ছাড়া তারা বাঁচতেই পারে না।

সেন সাহেব। তোমার ওসব গবেষণা আমার ভাল লাগে না—যা' বললাম তাই করো। আমি এখন আসি।

শ্যামলী। একটু বসুন... (প্রস্থান)

সেন সাহেব। উঃ! অঞ্জলি—মেয়েটাকে মেয়ে ফেলবে জানলে কি আমি potassium এনে দিতাম? বদ্‌মাইস!... (মদ্যপান করিল)

(সুধাংশুর প্রবেশ)

সেন সাহেব। শ্যামলীর দাদা আপনি?

সুধাংশু। আজ্ঞে হ্যাঁ।

সেন সাহেব। আপনি কি মদ্যপান করেন?

সুধাংশু। না।

সেন সাহেব। Oh, then you are a good boy.

সুধাংশু। এ ভাবে একটি ভদ্রমহিলার ঘরে বসে মদ্যপান করা কি শিষ্টাচার?

সেন সাহেব। হ্যাঁ, আপনি চটেছেন দেখছি...

সুধাংশু। আপনার পরিচয়টা আমি জানতে চাই...

সেন সাহেব। What do you mean by পরিচয়? দেখতেই তো পাচ্ছেন—আমি 'মদ্যপানী'। এই কদভ্যাসের জন্তে, আমার দৈনিক দশটা টাকা চাইই। তা' যে উপায়েই হোক...

সুধাংশু। 'যে উপায়েই হোক' মানে?

সেন সাহেব। এই ধরুন—আমি নাম জাল করতে পারি, পকেট মারতে

পারি, নানা রকম ওয়ুধপস্তর আছে আমার কাছে। Criminal Procedure Actএ আমি অতি সুপণ্ডিত !

সুধাংশু। আপনি কি ডাক্তার না—প্লীডার ?

সেন সাহেব। A very peculiar combination of the two !

এক কথায় আমি—একজন—P. W. D. অর্থাৎ Public Works Department !

সুধাংশু। আপনি অতি ভয়ানক লোক !

সেন সাহেব। ছুল বুঝবেন না। পরোপকারই আমার জীবনের একমাত্র ব্রত ।

সুধাংশু ! আমার বোনের কি উপকার করতে এসেছেন এখানে ?

সেন সাহেব। উপস্থিত তাকে legal advice দিতে এসেছি—প্রয়োজন হ'লে ভবিষ্যতে medical helpও করবো। মাতাল ভেবে, আপনি আমাকে ঘৃণা করছেন। কিন্তু একটা Certificate আমার আছে...

সুধাংশু। কি ?

সেন সাহেব। স্ত্রী-জাতিতে আমি মা-বোন ছাড়া অন্য কিছু ভাবি না।
(শ্যামলীর প্রবেশ)

শ্যামলী। কি বলছেন ?

সেন সাহেব। তোমার দাদার সঙ্গে একটু আলাপ-পরিচয় করছি...

শ্যামলী। চলুন আমার গাড়ীতে আপনাকে পৌঁছে দেব...

বিরূপাক্ষ। না দিদিমণি—এতরাত্রে ওই মাতালের সঙ্গে তুমি কোথায়ও যেতে পাবে না।

সেন সাহেব। দেখো বিরূপাক্ষ ! বুড়ো রায়বাহাদুর—তার ন'লক্ষ পঁচাত্তর হাজার, যার কাঁধে চাপিয়ে গেছেন, তার দায়িত্ব-বোধ তোমাদের কারো চেয়েই কম নয়।

সুধাংসু । কিন্তু আপনি সৌমেনের বন্ধু ! শুধু মাতাল ননু...

সেন সাহেব । আঙ্কে না । আমার বন্ধুত্ব টাকার সঙ্গে ! যেহেতু মদের
জন্তে টাকার দরকার ।

বিরূপাক্ষ । আইবুড়ো মেয়ে তুমি ! একটা মিথ্যে কলঙ্কের ভয়ও তো
তোমার করা উচিত ?

শ্যামলী । কেন বাজে বকুছ বিরূপাক্ষদা ! মনে করো, বিয়েটা আমার
হ'য়ে গেছে ! সিন্দুর পরার অধিকার পাই, বেঁচে থাকবো—নইলে
মরবো । তোমাদের লজ্জা বা গ্লানির কোনো কারণ হবো না । চলুন...

(উভয়ের প্রস্থান)

বিরূপাক্ষ । উপায় কি সুধাংসুবাবু ?

সুধাংসু । জানি না । এখন গুর মৃত্যু হলেই আমি সুখী হই...

(প্রস্থান)

দ্বিতীয় দৃশ্য

স্থান—স্বামীজীর আশ্রম

কাল—রাত্রি

দৃশ্য—গেফুয়া পরিহিত সনৎ একটা কঞ্চল বিছানো খাটিয়ার উপর
বসিয়াছিল । মেঝের উপর একটা আসনে—বিহারী, বিপিন ও বিলাস ।

সনৎ । শুধু বিহারীবাবু, আমার ধারণা—যে-সত্যতার ভিত্তি
নাস্তিকতার উপর, ভোগবিলাসই যার চরম লক্ষ্য—তার ধ্বংস
অনিবার্য ।

বিহারী । আচ্ছা, আপনার তো কোনো অভাব নেই সার, আপনি কেন
সন্ন্যাস গ্রহণ করেছেন ?

সনৎ । সন্ন্যাস গ্রহণ করেছি বলেই, আজ আর আমার কোনো অভাব নেই । অভাব যার যত বেশী, সে তত বেশী সংসারী ।

(সৌমেনের প্রবেশ)

আমার বন্ধু এই সৌমেনকে বোধ হয় আপনারা চেনেন ? এর মত অভাব গ্রস্ত লোক এই বাংলাদেশে খুব কমই আছে ।

সৌমেন । তাতো বটেই । কুস্তকর্ণের কোনো অভাব ছিল না । কারণ সে দিনরাত কেবল ঘুমিয়েই কাটাতো । অভাবগ্রস্ত ছিল রাবণ । যেহেতু সে থাকতো চব্বিশ ঘণ্টাই জেগে, মাথা ছিল তার দশটা—হাত ছিল কুড়িখানা । ইন্দ্র চন্দ্র বায়ু বরুণ—সবাইকে কান ধরে টেনে এনে, নিজের কাজে লাগাবার মত শক্তিও ছিল তার হাতে । স্বয়ং ভগবানের পরিবারটিকে বেড়ে এনে, যে উচ্চাকাঙ্ক্ষার পরিচয় দিয়েছিল সে—তা' তোমাদের মত ক্লীবের দল কল্পনাও করতে পারে না ।

সনৎ । (হাসিল) ফলে তো হয়েছিল—সবংশে নির্বংশ ?

সৌমেন । সবাই তো নির্বংশ হয়েছে—সনৎ ! সে রামও নেই অযোধ্যাও নেই, রাবণও নেই, লঙ্কাও নেই । আছে, তোমাদের 'রামায়ণ'—যেহেতু 'রাবণায়ণ' লিখে কেউ সে সৎ-সাহসের পরিচয় দেয়নি ।

বিহারী । আপনি কি বলতে চান—রাবণের এমন কোনো গুণ ছিল, যা কীর্ত্তন করা—এই সভ্যজগতে সম্ভব ?

সৌমেন । সভ্যজগৎ ? What do you mean by সভ্যজগৎ ? ইটালী আজ হেইলে সেলাসীকে তাড়িয়ে দিয়ে আভিসিনিয়া অধিকার করেছে—জাপান চীনকে ধ্বংস করেছে—জার্মানী একোপ্লোভে-কিয়ার বুকে হাঁটু দিয়েছে—অষ্ট্রিয়ার টুঁটি কান্ড়ে ধরেছে—

পোলাগুকে গ্রাস ক'রে ফেলেছে। রাবণ আক্রমণ করেছিল সর্ব-
শক্তিমান ভগবানকে, আর এরা আক্রমণ করছে—অতি দুর্বল
প্রতিবেশীকে। এর নাম বুঝি সত্যতা ?

সনৎ। তাইতো বলছি সৌমেন—ভগবানের শরণাগত হও...

সৌমেন। অর্থাৎ কুস্তুকর্ণের মত নিদ্রা যাও, বা বিভীষণের মত ঘর
ভাঙাও। কখনই নিজের পৌরুষ—প্রচার করো না, এই তো
তোমার বক্তব্য ?

সনৎ। যে দেহাত্ম-বুদ্ধির ফলে—পাশ্চাত্য সত্যতা আজ ধ্বংস হতে
চলেছে, তাকে অস্বীকার করো, ভগবানকে বিশ্বাস করো, তাহলেই
শান্তির সন্ধান পাবে।

সৌমেন। থাক থাক—আর ভণ্ডামির প্রয়োজনই নেই। বাইরে চলো,
তোমার সঙ্গে গোটা কতো কথা আছে।

বিহারী। আমরা তা'হলে এখন আসি ?

সনৎ। আচ্ছা আসুন... (সকলের প্রস্থান)

সৌমেন। শ্রামলী কি এসেছিল—এখানে ?

সনৎ। না।

সৌমেন। দেখা করবে একবার ?

সনৎ। না।

সৌমেন। বার্মা থেকে তার দাদা এসেছে। সেই বদমাইস সেন
সাহেবও যাতায়াত শুরু করেছে। বাড়ীটা হ'য়ে উঠেছে একটা
আড্ডাখানা !

সনৎ। তাতে আমার কি ?

সৌমেন। কী আশ্চর্য্য ! অতোগুলো টাকা দেশের বা দেশের কোনো

কাজে লাগবে না? বেশ স্মৃতি করেই জীবন কাটাবে একটা উচ্ছ্বাল মেয়ে?

সনৎ। শোনো সৌমেন—ও সব filthy affairsএর ভেতর আমাকে আর টেনো না। I have washed off my hands clean!

সৌমেন। (হাসিয়া) কিন্তু শ্যামলী যে সস্তানের মা।

সনৎ। (চমকিয়া) Is it?

সৌমেন। Yes it is. সেন সাহেবের পরামর্শে—She is likely to accuse you in a Court of Justice—

সনৎ। বাবার শ্রদ্ধের পর সে আমাকে কিছুতেই আশ্রমে ফিরতে দেয়নি। সেবা করতো, যত্ন করতো, নির্জন-কক্ষে, আমার ঘুমন্ত বুকের উপর মাথাটা রেখে ঘুমিয়ে থাকতো। কত প্রতিবাদ করেছি কিছুতেই শুনতো না। কিন্তু আমি সন্ন্যাসী—আমার অপরাধকে তো অস্বীকার করতে পারছি না সৌমেন!

সৌমেন। সন্ন্যাসী হলেও, তুমি মানুষ। যে কুমারী মেয়ে তার আত্মসম্মানের দাবী বিস্মৃত হতে পারে—নিজের অভীষ্ট সিদ্ধির জন্তে চায়ের কাপে বিষ মেশাতে পারে—তাকে আজ শুধু ঘুগাই করতে পারো, ভালবাসতেও পারো না বা বিয়ে করতেও পারো না। কিন্তু সে পারে তোমাকে বিয়ের জন্তে বাধ্য করতে—সে কথাটাও ভুলে য়েয়ো না।

সনৎ। তা'হলে আমাকে এখন কি করতে বলো?

সৌমেন। সে আজ তোমার চেয়েও বেশী বিপন্ন। বিয়ের প্রলোভন দিয়ে—ব্যাঙ্কের টাকা আর বাড়ীটা নিজের নামে লিখে নাও।

সনৎ। কথখনো না। এ পাপের প্রায়শ্চিত্ত, আমাকে করতেই হবে সৌমেন—

সৌমেন। কি প্রায়শ্চিত্ত করবে ?

সনৎ। ভেবে দেখি। তুমি এখন যাও। আমার ভালো লাগছে না।

সৌমেন। একটা কথা বলে যাই সনৎ। Don't fall in her trap again, she is a very dangerous girl...ওই যে সে এসেছে আমি যাই... (প্রস্থান)

সনৎ। সত্যম্—শিবম্ স্তন্দরম্।

(অস্থির ভাবে পদচারণা করিতে লাগিল)

(ধীরে ধীরে অপরাধীর মত শ্যামলীর প্রবেশ)

সনৎ। (দেখিয়া ক্রুদ্ধভাবে) কেন এসেছ এখানে ?

শ্যামলী। আমি এখন কোথায় যাবো, কি করবো, তাই জানতে এসেছি...

সনৎ। মরতে পার ?

শ্যামলী। হ্যাঁ পারি। কিন্তু, আপনার বাবা, সেই বুড়ো রায়বাহাদুরের উপায় কি ? আপনি তাঁকে তিলে তিলে মেরে ফেলেছিলেন। আজ তিনি আবার আমারই বুকের রক্তে বেঁচে উঠেছেন। আমি নিজে মরতে পারি—কিন্তু—তাঁকে তো মারতে পারি না।

সনৎ। তুমি চরিত্রহীনা। তোমার সম্বানের পিতা যে কে, তা কেউ বলতে পারে না। তোমার মুখ দেখলেও পাপ হয়।

শ্যামলী। এই রিভলভারটাই নিন্ জা'হলে। এতে গুলি ভরা আছে। আমাকে হত্যা করুন। তারপর আমার বুকটা চিরে দেখুন—সে ছবি—কার ? কার চোখ-মুখের ছাপ্ আছে, তার চোখে ও মুখে।

সনৎ। আমাকে যথেষ্ট বিপন্ন করেছ শ্যামলী, আর কেন ? মুক্তি

যাও। তোমার কাছে করজোড়ে কমা প্রার্থনা করছি—আমাকে মুক্তি দাও...

শ্যামলী। বেশ, তা'হলে এই কাগজখানা রেখে দিন—আপনার বাড়ী আর ব্যাঙ্কের টাকা... (প্রণাম করিল)

(সনৎ কাগজখানা হাতে লইয়া টুকরা করিয়া ছিঁড়িল)

ছিঁড়ে ফেললেন?

সনৎ। হ্যাঁ, আমার সন্ন্যাসকে কলঙ্কিত করেছ তুমি। তোমার শাস্তি মৃত্যু—কিন্তু আমার প্রায়শ্চিত্ত—তুষানল! স্মৃতিস্বর্গ্য নয়। (প্রস্থান)
(শ্যামলী কিছুক্ষণ চূপ করিয়া রহিল। তারপর ধীরে ধীরে চলিয়া যাইতেছিল—বাধা দিয়া সেন সাহেবের প্রবেশ)

সেন সাহেব। যেমোনা, দাঁড়াও...

(খাটির একপার্শ্বে বসিয়া বাঁশী বাজাইতে লাগিলেন)

(সনতের প্রবেশ—তাহাকে দেখিয়াই—সেন সাহেব উঠিয়া দাঁড়াইলেন)

এই যে মহাপুরুষ! প্রণাম।

সনৎ। তুমি আবার, কেন এসেছ এখানে?

সেন সাহেব। মহাপুরুষ-দর্শনের পুণ্য-সঞ্চয় করতে।

সনৎ। আমি তোমার বিদ্রূপের পাত্র নই—বেরিয়ে যাও এখান থেকে...

সেন সাহেব। তাহলে শ্যামলী থাকবে এখানে?

সনৎ। না, তোমরা দুজনেই বেরিয়ে যাও।

সেন সাহেব। তা কি হয় স্বামীজী? হয়—আপনি এই শ্যামলীর সঙ্গে গাঁটছড়া বাঁধুন আর না হয় আমার সঙ্গে ব'সে একটু মস্তপান করুন—Choose either.

সনৎ। তুমি এখান থেকে যাবে কিনা, বলো?

সেন সাহেব। আছে না। আমি সন্ন্যাস-গ্রহণ করবো। গেরুয়া পরে

যদি কুমারী মেয়ের সর্কনাশ-করা চলে, তাহলে মদ্যপান-করাও চলবে। কি বলেন? চলবে না?

সনৎ। কুমারী মেয়ে, তার নিজের সর্কনাশ নিজেই করেছে, আমি করিনি।

সেন সাহেব। ভাতো বটেই—যেহেতু আপনি একজন সাধু মহাপুরুষ—আপনার বেলায় ওটা হচ্ছে লীলামাহাত্ম্য। শুধু স্বামীজী, আপনাকে একটা ঘটনা নিবেদন করি। এই শ্যামলী মেয়েটিকে ভালবাস্তাম আমরা দু'জন—আমি আর সৌমেনবাবু। আমি একটা ছদ্মছাড়া—কুৎসিত মাতাল! স্মরণ্য শ্যামলীর মত মেয়েকে বিয়ে করবার দু'রাকাজ্জ্বা আমার মনে কখনো জাগেনি। শ্যামলীর উপযুক্ত পাত্র সৌমেনবাবু—তার সঙ্গে ওর বিয়ে হলেই আমি খুব ধুসী হ'তাম। হঠাৎ একদিন দেখি—শ্যামলী ভালবাসে আপনাকে। আপনি যে কত বড় অপদার্থ তা' আমার জানা ছিল। তাই উৎকর্ষা বেড়ে গেল—কি করি?

সনৎ। কেন তুমি আমাকে অপদার্থ মনে করো?

সেন সাহেব। মাত্র দশটাকার জুতো ঝগড়াঝাটি ক'রে—যে তার দশ লাখ টাকার বাবাকে ত্যাগ করে—তাকে কি বলবো? পদার্থ?

সনৎ। হঁ, তারপর?

সেন সাহেব। তারপর ঠিক হলো আপনাকে খুন করা, শ্যামলীকে উদ্ধার করা। সৌমেনকে এনে দিলাম Potassium Cyanide! কিন্তু মৈব-প্রতিকূল—মরলো অঞ্জলি...

সনৎ। তুমি প্রমাণ করতে পারো যে সৌমেন আমাকেই খুন করতে চেয়েছিল।

সেন সাহেব। নিশ্চয়ই পারি, যদি আপনার মাথার ভেতর কিছু বস্তু থাকে। আচ্ছা—জিজ্ঞাসা করি—আপনি যে চীনে মাটির কাপে চা খান না—একথাটা সোমেন ছাড়া আর কে জানতো? খেত-পাথরের কাপটা নিশ্চয়ই আনা হয়েছিল—আপনার জন্তে। একথাগুলো কি ভেবে দেখেছেন একবার?

সনৎ। সেদিন সেই মডমস্ট্রের ভেতর তুমিও তো ছিলে?

সেন সাহেব। হ্যাঁ, ছিলাম বৈ কি? শ্যামলী যে সন্তানের মা তাতো জানতাম না। সেদিন আপনাকে মারতে চেয়েছিলাম—আজ আপনাকে বাঁচাতে চাই—এতেও কি বুঝতে পারছেন না—স্বামীজী, এই শ্যামলীকে আমি কত ভালবাসি?

সনৎ। তোমার কোনো কথাই আমি বিশ্বাস করি না।

সেন সাহেব। দয়া করে তাহলে সোমেনবাবুকেও বিশ্বাস করবেন না। We were sailing in the same boat—হঠাৎ আমি ডাঙায় উঠে দাঁড়িয়েছি। তিনি এখনো ভেসে বেড়াচ্ছেন—ন'লাখ টাকার মোহে! মেয়েটাকে না-ডুবিয়েই ছাড়বেন না...

সনৎ। না, না, আমি তোমাদের কাউকেই বিশ্বাস করবো না। তোমরা যাও, আমাকে ক্ষমা করো— (প্রস্থান)

সেন সাহেব। শ্যামলীকে বিশ্বাস করুন—স্বামীজী! আপনার স্বপ্ন হবে—হা-হা-হা-হা—এইবার একটু খাই... (মস্তপান)

শ্যামলী। সত্যিই কি আপনি আমাকে এত ভালবাসেন সেন সাহেব?

সেন সাহেব। মিছে কথা! বানিয়ে বানিয়ে বললাম একটা গল্প—যদি লেগে যায়। আমি এখন আসি—তুমি কিছুতেই চলে যেও না। ওঁকে একবার তোমার বাড়ীতে নিতেই হবে—সোমেনবাবুর স্বরূপটা

ওঁর কাছে প্রকাশ করতেই হবে—নতুবা স্ত্রিবিধে হবে না। ই্যা,
ভাল কথা...দশটা টাকা দাও তো—আছে সনে ?

শ্যামলী। ই্যা আছে। (ছাণ্ডব্যাগ হাতে দশটা টাকা দিল)

সেন সাহেব। যা বললাম—মনে থাকে যেন... (প্রস্থান)

(শ্যামলী আঁচল পাতিয়া মেঝের উপর শয়ন করিল)

(ধীরে ধীরে সনতের প্রবেশ)

সনৎ। শ্যামলী! (শ্যামলী উঠিয়া বসিল)

এখানে শুয়ে আছ কেন ?

শ্যামলী। আমার মাথা ঘুরছে—চোখে অন্ধকার দেখছি...

সনৎ। তবু তুমি এখানে থাকতে পারবে না শ্যামলী! তোমাকে
যেতেই হবে।

শ্যামলী। আপনি তো এতো নির্মম ছিলেন না, স্বামীজী!

সনৎ। ই্যা ছিলাম না, হয়েছি। তুমি এখুনি এ আশ্রম ছেড়ে চ'লে
যাও—নইলে আমাকেই যেতে হবে।

শ্যামলী। না, না, আমিই যাচ্ছি। তবে, আমার একটা অনুরোধ
রাখুন...

সনৎ। কি ?

শ্যামলী। কালই যাবেন একবার দয়া করে—আপনার বাড়ীতে।
সৌমেনবাবুকে আমিই চা-খেতে ডাকবো, সেন সাহেবও উপস্থিত
থাকবেন সেখানে। আপনি শুধু লুকিয়ে থেকে গুনবেন—আমাদের
আলোচনা।

সনৎ। সত্যিই কি তুমি প্রমাণ করতে পারবে যে সৌমেন আমাকে ধুন
করতে চেয়েছিল ?

শ্যামলী । হয় পারবো, আর না-হয় মরবো । তা'ছাড়া আমার আর কি

উপায় আছে...বলুন ?

সনৎ । আচ্ছা, অঞ্জলি কেন তোমার নামটা বলেছিল ?

শ্যামলী । সৌমেনবাবুকে সে অত্যন্ত ভালবাসতো । তাই সে তাঁকে

বিপন্ন করতে চায়নি ।

সনৎ । তা'কি সম্ভব ? মৃত্যুকালেও—কি মানুষের মিথ্যা বলবার

প্রবৃত্তি থাকে ?

শ্যামলী । মেয়ে-মানুষের থাকে । সে যাকে ভালবাসে, মৃত্যুর পরেও

ভালবাসে ।

সনৎ । বিশ্বাস হয় না ।

শ্যামলী । আপনি একে পুরুষ—তা'তে আবার সন্দেহ । মেয়েদের

ভালবাসা-সম্বন্ধে আনবার কোনো ধারণাই নেই । আচ্ছা স্বামীজী !

আপনি কি 'জন্মান্তর' বিশ্বাস করেন ?

সনৎ । কেন করবো না ? আত্মা অবিনশ্বর । কামনা—বাসনার ফলেই

তো এই বিশ্বসৃষ্টি !

শ্যামলী । আপনার বাবা আবার ফিরে আসতে পারেন ?

সনৎ । হ্যাঁ, বাবার বিষয়াসক্তি, যদি তাঁকে ফিরিয়ে আনে, আনতে

পারে । যাক সে-সব কথা । তোমার গাড়ী বোধ হয় বাইরে

দাঁড়িয়ে আছে...

শ্যামলী । একটা কথা বলে যাই—রায় বাহাদুর ফিরে এসেছেন...

সনৎ । তুমি এখন এসো—আর দেরী করো না ।

শ্যামলী । কাল আপনি যাবেন বলুন—

সনৎ । না ।

শ্যামলী । কেন ?

সনৎ । আমি তো তোমাকে বিবাহ ক'রে সংসারী হ'তে পারবো না
শ্যামলী ! যে কুমারী মেয়ে নিঃসঙ্কোচে আত্মসমর্পণ করেছে
আমার কাছে—আমি কি তাকে ঘৃণা না ক'রে পারি ?

শ্যামলী । আপনি বোধ হয় জানেন না—আমি আপনার 'বাকুদত্তা' ?

সনৎ । তার মানে ?

শ্যামলী । আমার বাবা ইচ্ছে করেছিলেন আপনার হাতেই আমাকে
সম্প্রদান করবেন । আর আপনার বাবাও তা'তে—সম্মতি দিয়েছিলেন ।
আজ তাঁরা দু'জনই স্বর্গে গেছেন । আমি যদি তাঁদের সেই
ইচ্ছাটুকু পূর্ণ করে থাকি—আমার অপরাধ কি ? কেন আপনি
আমাকে ঘৃণা করবেন ? শুনুন স্বামীজী ! এজগতে ধর্ম বলে যদি
কিছু থাকে—তাহলে আমার এ আত্মনিবেদন কখনই ব্যর্থ হবে না ।
আমার কুমারীজীবন কলঙ্কিত হয়নি । (কাঁদিল)

সনৎ । কে ওখানে ?

(বিরূপাক্ষের প্রবেশ)

বিরূপাক্ষ । আমি । চলো দিদিমণি, কেন তুমি এই—জানোয়ারটার
পায়ে মাথা ধুঁড়ে মরছো ? অমন দেবতার মতো বাবাকে যে কাঁদিয়ে
কাঁদিয়ে—মেরে ফেলতে পারে, তার কি কোনো ধর্মজ্ঞান আছে ?
চলো, চলো—রাস্তির অনেক হ'য়ে গেছে । সাধুর নিকুচি করেছে...
(উভয়ে চলিয়া গেলে সনৎ চিন্তিতভাবে দাঁড়াইয়া রহিল) .

তৃতীয় দৃশ্য

স্থান—সেবিকাসভ্য

কাল—অপরাহ্ন

দৃশ্য—একটা টেবিলের উপর গালে হাত দিয়া সৌমেন অতি চিন্তিতাবে বসিয়াছিল। ধীরে ধীরে সেন সাহেব প্রবেশ করিলেন। তাহার হাতে একটা খালি মদের বোতল।

সৌমেন। মিঃ সেন! তোমাকে আমি পাঁচশোবার নিবেদন করেছি—
কখনো একটা মদের বোতল হাতে ক'রে—এই সেবিকাসভ্যের
আপীষে ঢুকো না।

সেন সাহেব। (বোতলটা নাড়িয়া টেবিলের উপর রাখিল) Almost
empty !

(সৌমেন কলিংবেল টিপিল)

(গোবর্দ্ধনের প্রবেশ)

বোতলটা বাইরে ফেলে দিয়ো আয়তো।

সেন সাহেব। বাইরে ফেলে দিয়ো আসবে ?

সৌমেন। হ্যাঁ, তুমি শ্যামলীর ঘরে ব'সে মদ খাও তা' আমি জানি
কিন্তু তাই বলে কি মনে ভেবেছ—এই—সেবিকাসভ্য ব'সে
মদ খাবে ?

সেন সাহেব। যেখানে Potasium Cyanide চলে—সেখানে মদ
চলবে না কেন ?

সৌমেন। বোতলটা নিয়ে যা গোবর্দ্ধন !

সেন সাহেব। না। (বোতলটা তুলিয়া লইয়া উঠিয়া দাঁড়াইল) I can't

tolerate such an insult to a bottle !—Good bye !

(যাইতেছিল)

সৌমেন । যেও না মিঃ সেন—শোনো...

সেন সাহেব । বলুন ।

সৌমেন । শ্যামলীকে তুমি কি পরামর্শ দিয়েছ ?

সেন সাহেব । দশটা টাকা দিন্ ।

সৌমেন । শ্যামলী তোমাকে টাকা দিচ্ছে ?

সেন সাহেব । নিশ্চয়ই ! আপনি তো জানেন—I never advise gratis !

সৌমেন । শ্যামলীর ওখানে তুমি আর কতখনো যেতে পাবে না ।

সেন সাহেব । তাইতো বলছি—টাকা দিন্—যাবো না ।

সৌমেন । মিঃ সেন—শ্যামলী জাহান্নামে যাক্—কিন্তু—তার সেই
ন'লাখ টাকা আমি চাই—যে উপায়ে হোক—চাই...

সেন সাহেব । Then you require my help ? Thank you my
boss ! তা'হলে একটু বসি—বোতলটা টেবিলের উপরেই রাখি—
কি বলেন ?

(কাঁদিতে কাঁদিতে মালতীর প্রবেশ)

সৌমেন । কে ? মালতী ? তুমি আবার এখানে কেন ?

মালতী । ঘোষমশাই আমাকে মেরেছেন ।

সৌমেন । সে কি ? কেন বলোতো ? এত আদর, এত যত্ন, সে সব
কি হলো ?

মালতী । সব মিছে কথা । তার সে বোটা মরেনি । হৃদনের অন্তে
বাপের বাড়ীতে গিয়েছিল—আবার এসেছে ।

সৌমেন । (হাসিয়া) তাই নাকি ? কিন্তু তোমাদের সে মামলার

তারিখটা যে (ক্যালেন্ডারের দিকে চাহিয়া) 26th ! তাই
নয় কি ?

মালতী । আঙ্কে হ্যাঁ ।

সৌমেন । তুমি সাক্ষী দেবে না ?

মালতী । না ।

সৌমেন । তাই বুঝি মেরেছেন তোমাকে ?

মালতী । হ্যাঁ ।

সৌমেন । পরম গুরুর আদেশ অমান্য করবে ?

মালতী । আমাকে আর লজ্জা দেবেন না ।

সৌমেন । লজ্জা ? Good God ! তা'হলে আর দেরি ক'রো না

মালতী—ঘোমটা টেনে লজ্জাকে আড়াল ক'রে—ভিতরে চলে
যাও...

সৌমেন । না । তার আগে জানতে চাই তোমার সে agreement
কোথায় ?

সেন সাহেব । তার আর প্রয়োজন কি সৌমেনবাবু—নতুন ক'রে
একখানা লিখিয়ে নিলেই তো চলবে—? যাও, যাও, ভিতরে—
(মালতীর প্রস্থান)

তারপর কি বলছেন আপনি ? শ্যামলী জাহান্নামে যাবে ? কি—
কেন ? তার চেয়ে একটা কাজ করুন না...

সৌমেন । কি ?

সেন সাহেব । Shyamali plus nine lacs, and minus the child
she bears, is equal to—what you want. Is it not ?

সৌমেন । No, no, no, Mr. Sen, she is a rotten stuff !

I want the money only.

সেন সাহেব । Very well, then do the needful...

(গজেন্দ্র ঘোষের প্রবেশ)

গজেন্দ্র । আমার স্ত্রী এখানে এসেছেন ?

সৌমেন । আজ্ঞে হ্যাঁ, এসেছেন ।

গজেন্দ্র । আপনি তাকে আবার আশ্রয় দেবেন ?

সৌমেন । কেন দেব না ঘোষমশাই ? বিপন্ন স্ত্রীলোককে আশ্রয় দেবার জ্ঞেই তো আমাদের সেবিকাসজ্জ ! (যাইতেছিল)

সেন সাহেব । ও মশাই ! শুহুন্—শুহুন্...

গজেন্দ্র । কি, বলুন ?

সেন সাহেব । আপনিই কি বাগ্‌বাজারের স্বনামধন্য গজেন্দ্র ঘোষ ?

গজেন্দ্র । আজ্ঞে হ্যাঁ ।

সেন সাহেব । আপনার বয়স কত ?

গজেন্দ্র । Forty one !—না না, fifty...

সেন সাহেব । একটু সাবধানে থাকবেন ।

গজেন্দ্র । কেন বলুন তো ?

সেন সাহেব । হ্যাঁ, এখন একটা Seacoast এ গিয়ে থাকাই ভালো...

গজেন্দ্র । তার মানে ?

সেন সাহেব । Galloping কি না, তাই হঠাৎ যারা যেতেও পারেন ।

গজেন্দ্র । কি বলছেন আপনি ?

সেন সাহেব । যা দেখছি—তাই বলছি—খুলুন তো আপনার জামাটা ।

মানুষের বোতামগুলো খুললেই চলবে...

(সেন সাহেব একটা টেবিস্কোপ্‌ লাগাইলেন—বুক পরীক্ষা করিতে লাগিলেন—এবং সেই ফাঁকে ইন্সাইড্-পকেট হইতে একটা মাণিব্যাগ তুলিয়া লইলেন)

যতটা serious ভেবেছিলাম—ঠিক ততটা নয়। তা'হলেও একটু
সাধানে থাকবেন—ওষুধপত্র—খাবেন।

গজেন্দ্র। আপনি কি একজন ডাক্তার ?

সেন সাহেব। আজ্ঞে হ্যাঁ, T. B. Specialist ! উপাধি—
P. W. D.

গজেন্দ্র। তার মানে ?

সেন সাহেব। তার মানে—A Doctor of Public Works Depart-
ment !

গজেন্দ্র। আপনার ঠিকানাটা ?

সেন সাহেব। লক্ষ্মী ! উপস্থিত গঙ্গার ওপারে এসেছি, এক সাধু
মহাপুরুষকে চিকিৎসা করতে—দু'একদিনের মধ্যেই ফিরে যাবো।

গজেন্দ্র। তা'হলে আমার উপায় ? দয়া করে আমাকেও যদি...

সেন সাহেব। আচ্ছা, আচ্ছা, কালই আপনার গদিতে গিয়ে দেখা
করবো। আপনি তো একজন—মহাশয়-ব্যক্তি ! আপনাকে সবাই
চেনে।

গজেন্দ্র। যে আজ্ঞে, নমস্কার ! আমি—তা'হলে এখন আসি...(প্রস্থান)

সৌমেন। সত্যিই কি লোকটার Phthisis হয়েছে ?

সেন সাহেব। আজ্ঞে না। আপনার যতই Blood pressureএর
রোগী বলে মনে হলো...

সৌমেন। আমার Blood pressure ?

সেন সাহেব। নিশ্চয়ই। দেখি—আপনার ঘড়িটা টেবিলের উপর
রাখুন তো—

(ঘড়ি দেখিয়া pulse beat count করিলেন—ঘড়িটা নিজের
পকেটে রাখিলেন—সৌমেন হাসিয়া ঘড়িটা চাহিয়া লইল)

সৌমেন। শোনো মিঃ সেন, আজ আর আমার হাতে একটিও পয়সা নেই—ভোরে উঠেই গিয়েছিলাম শ্রামলীর কাছে, সে আর কিছুই দেবে না বলেছে।

সেন সাহেব। কিছুই দেবে না বলেছে ?

সৌমেন। হ্যাঁ।

সেন সাহেব। না, না, তা' সে বলতেই পারে না। এখনো যে আপনাকে তার প্রয়োজন আছে। যদি বলে থাকে কিছুই দেবে না, She is a fool !

সৌমেন। (হঠাৎ সেন সাহেবের জামা টানিয়া ধরিল) তুমি আর কখনো শ্রামলীর ওখানে যেয়ো না মিঃ সেন ! যদি যাও—তা'হলে আমি তোমাকে খুন করবো।

সেন সাহেব। শুভুন সৌমেনবাবু ! আপনি আমার গুরুদেব। আমি আপনার হাঁটুর সমান। আপনাকে আমি অত্যন্ত শ্রদ্ধা করি—যেহেতু আপনি মদ বা মেয়েমানুষ কোনোটাই স্পর্শ করেন না। আমি একটা মাতাল ! আমার অসুখ—শ্রামলীকে আপনি আর বিপন্ন করবেন না।

সৌমেন। কেন বলো তো ? হঠাৎ তোমার এতো সহানুভূতি জেগে উঠলো কেন তার উপর ?

সেন সাহেব। সে আজ সস্তানের মা। যে মার পেটে একদিন আমিও ছিলাম, আপনিও ছিলেন।

সৌমেন। আমি জানি মিঃ সেন—এরূপ বহু সস্তানের প্রাণ নষ্ট করেছ তুমি।

সেন সাহেব। হ্যাঁ। বহু মেয়ের লজ্জা-নিবারণ করেছি আমি। কিন্তু

সৌমেনবাবু! শ্যামলী আজ মেয়ে নয়, মা। তার ভেতর আজ শুধু মাতৃহৃৎ ছাড়া আর কিছু নেই। সে নিজে মরবে—তবু তার সন্তানের অকল্যাণ করবে না। কেন মিছেমিছি—আপনি তাকে এত বিপন্ন করছেন? আপনার উদ্দেশ্য কি?

সৌমেন। তুমি কি জানো না মিঃ সেন শ্যামলীকে আমি কত ভালবাসি? সে ছিল আমার জীবনের সব উত্তেজনা ও উদ্দীপনার উৎস! তার সঙ্গে সঙ্গে আমি হারিয়ে ফেলেছি—আমার সব আশা ও আকাঙ্ক্ষা! আজ আর তাকে পাবার উপায় নেই, তা' জানি—তবু আমি চাই—তাকে ধ্বংস করতে। আমার জীবন ব্যর্থ করে দিয়ে সে বুঝি সুখী হবে? তা' আমি সহ্য করবো কি করে?

সেন সাহেব। হা হা হা হা—

সৌমেন। হাসছে কেন?

সেন সাহেব। মানুষ যাকে ভালবাসে—তাকে কি ধ্বংস করতে পারে?

মিছে কথা। হা হা হা হা—

সৌমেন। শোনো, তুমি আর শ্যামলীর ওখানে যেও না। তাকে আর কোনো কুপরামর্শ দিও না। এই নাও—টাকা...

(দশটাকার একখানা নোট দিল)

সেন সাহেব। রাখুন দেখি, কত পেয়েছি!

(গজেন্দ্র ঘোষের মণিব্যাগ খুলিয়া গুলিয়া গুলিল)

Seventy—হা হা হা হা—

সৌমেন। কোথায় পেলে?

সেন সাহেব। ও, আপনিও বুঝি দেখেননি—I picked up the pocket of মহামান্ন গজেন্দ্র ঘোষ! এ থেকেই দশটা টাকা আমি

নিয়ে যাচ্ছি—বাকিটা আপনিই রেখে দিন—আপনার আর কতটাকা
চাই বলুন তো ?

সৌমেন । অস্তুতঃ পাঁচশো—

সেন সাহেব । Very well —দেখি চেষ্টা করে—Good bye... (প্রস্থান)

(সৌমেন চিন্তিতভাবে টেবিলের উপর মাথা রাখিল)

চতুর্থ দৃশ্য

স্থান—শ্যামলীর কক্ষ

কাল—অপরাহ্ন

(দৃশ্য—শ্যামলী গেরুয়াবসন পরিয়া বসিয়া ছিল । পার্শ্বে দাঁড়াইয়া
বিরূপাক্ষ চোখ মুছিতেছিল ।)

শ্যামলী । তুমি কান্দছ কেন বিরূপাক্ষদা ?

বিরূপাক্ষ । সত্যিই কি তুমি সন্ন্যাসিনী হবে দিদিমণি ?

শ্যামলী । তা'তে তোমার ক্ষতি কি ? সন্ন্যাসী যার স্বামী তাকে তো

সন্ন্যাসী সাজতেই হবে—উপায় নেই । দাদা কোথায় ?

বিরূপাক্ষ । রাগ করে চলে গেছেন—তিনি আর এ বাড়ীতে

আসবেন না ।

শ্যামলী । তাই নাকি ? আচ্ছা, তুমি এখন দেখো তো—বাইরে কে

বসে আছেন—আমার সঙ্গে দেখা করবেন ব'লে...

(বিরূপাক্ষের প্রস্থান)

(ফোনে রিং করিল)

Hallo—কে ? দাদা ? বর্ষা যাবে ? আজই ! না, না, তোমার

পায় পড়ি দাদা, ফিরে এসো। তুমি ছাড়া, আপন বলতে আমার তো আর কেউ নেই—হয়ত আজই আমার জীবনের শেষ-দিন! মরণ-কালে তুমিও কি থাকবে না কাছে? দাদা! অবাধ্য ছোট বোন-টিকে কমা করো—ফিরে এসো—ফিরে এসো! আসবে না? উঃ!

(কাঁদিতে লাগিল)

বিলাস। আপনি কাঁদছেন কেন—শ্যামলী দেবী?

শ্যামলী। (চোখ মুছিয়া) কই না। এই তো হাসছি...

বিলাস। আপনি গেকুয়া পরেছেন?

শ্যামলী। আজ্ঞে হ্যাঁ, দেখতেই তো পাচ্ছেন।

বিলাস। কেন বলুন তো?

শ্যামলী। যদি এই গেকুয়া দেখে আপনারা আমাকে রেহাই দেন।
আমার চা-সিগারেটের খরচা অত্যন্ত বেড়ে উঠেছে।

বিলাস। সে কি কথা! শ্যামলী দেবী? আপনি কি মনে করেন, আমরা
চা-সিগারেট খেতেই আপনার এখানে আসি?

শ্যামলী। তা' ছাড়া আর কি মনে করবো?

বিলাস। নিশ্চয়ই আপনি পরিহাস করছেন।

শ্যামলী। কোনটা পরিহাস আর কোনটা গালাগালি তা' বুঝবার ক্ষমতা
কি আপনাদের আছে?

বিলাস। সেদিন আপনার দাদা বলছিলেন...

শ্যামলী। থামুন আপনি। আমার দাদার কথা আমি জানি। মোটের
উপর কথা হচ্ছে—আমি এই গেকুয়া পরেছি দেখেই—আপনার ফিরে
যাওয়া উচিত ছিল! কিন্তু বসে থেকে যথেষ্ট নির্লজ্জতার পরিচয়
দিয়েছেন।

(বিপিনের প্রবেশ)

আসুন, আসুন, বিপিনবাবু! এই বিলাসবাবু একটা ফুলের তোড়া এনেছেন, কই আপনি তো কিছু আনেননি ?

বিপিন। আপনি যে ফুল ভালবাসেন—তা'তো আমি জানতাম না !
আচ্ছা, কালই মিউনিসিপাল মার্কেটে যাবো—দশটাকা দিয়ে একটা তোড়া কিনে আনবো...

শ্যামলী। আপনার বুদ্ধি অনেক টাকা আছে ?

বিপিন। আজে না, তবে—তবে...

শ্যামলী। ন'লাখ টাকার লটারীতে আপনি দশটাকার একখানা টিকিট কিনতে রাজী ! আপনি বেশ বুদ্ধিমান লোক তো ! দয়া করে এখন আসুন আপনারা, আমার অল্প কাজ আছে ।

বিপিন। সত্যিই কি আপনি ফুলের তোড়া...

শ্যামলী। Nonsense ! বেরিয়ে যান্ এখন থেকে—যান্...

(উভয়ের প্রস্থান)

(বিরূপাক্ষের প্রবেশ)

বিরূপাক্ষ। দিদিমণি ! সনৎ এসেছে ।

শ্যামলী। এখানেই নিয়ে এসো—হ্যাঁ, আর একটা কথা শোনো
বিরূপাক্ষ। কার্ড না পাঠিয়ে, এখন আর কেউ যেন আসে না আমার সঙ্গে দেখা করতে । দারওয়ানকে বলে দিও ।

বিরূপাক্ষ। আচ্ছা...

(স্থান)

(সনতের প্রবেশ)

শ্যামলী। আসুন স্বামীজী ?

সনৎ। তুমি গেকুয়া পরেছে কেন শ্যামলী ?

শ্যামলী। আজ আমার জীবন-মরণের সন্ধি ! মৃত্যুই যদি হয়—তাহলে

সবাইকে জানিয়ে যাবো—আমার স্বামী কে? বাঁচতে না-দেওয়া মালিক আপনি, কিন্তু আমার লজ্জা-নিবারণের উপায় এই সন্ন্যাসিনীর বেশ!

সনৎ। আজ সারাদিন, আমি তোমার কথাই ভাবছি—সত্যিই কি তুমি পারবে তোমার নির্দোষিতা প্রমাণ করতে?

শ্যামলী। না-পারি, মরবো। বেঁচে থাকার অধিকার তো আর আমার নেই?

(বেয়ারা চা দিয়া গেল)

সনৎ। এ কাপে বিষ নেই তো?

শ্যামলী। আমার এঁটো খেতে যদি কোন আপত্তি না থাকে, তা'হলে দিন না একটু খেয়েই প্রমাণ করি...

সনৎ। সোয়েন কখন আসবে?

শ্যামলী। এখুনি আসবেন।

(বেয়ারা কার্ড দিয়া গেল)

সেন সাহেব এসেছেন। সেলাম দাও। (বেয়ারার প্রস্থান)

সনৎ। আচ্ছা, ওই মাতালটার সঙ্গে তোমার এতো খাতির হ'লো কি ক'রে?

শ্যামলী। মানব-মনের বৈচিত্র্য যে কতো, তা' কেউ জানে না। একটা অন্ধকার ভূতের বাড়ীর মতো—এর বারো-আনাই না-দেখা পড়ে থাকে। যেটুকু দেখার দাবী আমরা করি, তাও অনেক সময় মিথ্যে হয়ে ওঠে! আশ্চর্য্য মানুষ এই সেন সাহেবকে, আজও আমি চিন্তে পারিনি...

(সেন সাহেবের প্রবেশ)

সেন সাহেব! সেন সাহেব নিজেই পারেনি। কখনো বা হাসি, কখনো

বা কাঁদি। কিন্তু কেন যে সেই হাসি-কান্না, তা' জানে শুধু আমার
এই মদের বোতল—আর কেউ জানে না। প্রণাম স্বামীজী! আজ
বুঝি তোমার এখানে মদ্যপান চলবে না শ্যামলী?

সনৎ। অন্তর্দিন চলে নাকি?

শ্যামলী। না সেন সাহেব! স্বামীজীর সামনে আজ আর আপনি মদ
খেতে পাবেন না।

সেন সাহেব। কেন? যে যা' খায়—তা'কে তা থেকে বঞ্চিত করা কি
ওঁর উচিত হবে?

সনৎ। কেন আপনি এত মদ খান সেন সাহেব?—একজন—অসাধারণ
পণ্ডিত আপনি। মদ্য-পানের এ কদভ্যাসটা ত্যাগ করতে
পারেন না?

সেন সাহেব। পারি। করি না। আমি একটা ছন্নছাড়া P. W. D.
কোন মেয়েই 'লাভে' পড়বে না, এ কথাটা নিশ্চয় জানি। তা'তে
আবার—কুমারী মেয়ের সর্বনাশ করবার মতো সংসাহসও নেই
মনে। তাই একটু মদ্যপানপূর্বক অন্তমনস্ক থাকি...

শ্যামলী। আচ্ছা, সে দিন Potasium Cyanideটা আপনি কাকে
দিয়েছিলেন বলুন তো?

সেন সাহেব। কেন বলবো? স্বামীজীকে শোনার জন্তে? উনি কি
এই মাতালের কথা বিশ্বাস করবেন? তোমাকে যা বললাম—তা
ভুলি করতে পারলে না...

শ্যামলী। তাইতো করেছি...

সেন সাহেব। সৌমেনবাবু আজ সকালে এসেছিলেন তোমার কাছে?

শ্যামলী। হ্যাঁ।

সেন সাহেব। টাকা চেয়েছিলেন?

। হ্যাঁ ।

সেন সাহেব । দাঁওনি ?

শ্যামলী । না ।

সেন সাহেব । এই বুদ্ধি নিয়ে তুমি সৌমেনবাবুর কাছ থেকে Confession আদায় করবে ? যাক্‌গে—তোমার সে ছুলটা আমিই মেরে দিয়ে এসেছি...

শ্যামলী । কি ক'রে সারলেন ?

সেন সাহেব । এই কিছু-আগে একটা মেড়োর পকেট মেরে পেলাম— পাঁচশো টাকা ! তাই দিয়ে এলাম সৌমেনবাবুকে—আর বলে এলাম শ্যামলী পাঠিয়েছে...

সনৎ । (বিস্মিতভাবে) আপনি পকেট মারেন ?

সেন সাহেব । আজ্ঞে হ্যাঁ । কিন্তু তা'তে আর আপনার ভয়টা কি ? সন্ন্যাসী মানুষের পকেটে তো শুধু বকেয়া শেলাই !

(বেয়ারা কার্ড দিয়া গেল)

শ্যামলী । (দেখিয়া) সৌমেনবাবু এসেছেন । আসুন স্বামীজী, আপনাকে লুকিয়ে রাখি... (শ্যামলীর সঙ্গে সনতের প্রশ্ন)

(সেন সাহেব বাঁশী বাজাইতে লাগিলেন—শ্যামলী ফিরিয়া আসিল)

যাও—সেলাম দাঁও (বেয়ারার প্রশ্ন)

সেন সাহেব । আলোচনাটা আমিই conduct করবো । তবে, প্রয়োজন হলে তুমি কথা বলবে...

শ্যামলী । আচ্ছা ।

(সৌমেনের প্রবেশ)

সৌমেন । আজ তোমার বাড়ীতে চুকবার এত বড়া ব্যবস্থা কেন শ্যামলী ?

সেন সাহেব। ভয়ানক কড়া সৌমেনবাবু! অগুদিন একটু মদ খেতে পারি—আজ সে অনুমতিও নেই—স্বয়ং গৃহকর্তীও সন্ন্যাসিনী সেজে বসে আছেন।

সৌমেন। কারণ?

সেন সাহেব। তিতিক্কা! সংসারধর্মের বীতশ্রদ্ধা। বোধ হয় ব্যাঙ্কের টাকাগুলো—আমাদের পাঁচজনকে বিলিয়ে দিয়ে—কোনো তীর্থস্থানে গিয়ে পড়ে থাকুবার আকাঙ্ক্ষা! তাই নয় কি শ্যামলী?

সৌমেন। হাঁ, তুমি কতক্ষণ এসেছ এখানে?

সেন সাহেব। এই তো কেবল আসছি। আমার সঙ্গে সেই পাঁচশো

টাকা পাঠিয়ে দেবার পর থেকেই নাকি ওর মনের এই পরিবর্তন...

সৌমেন। তুমি একটু চুপ করো সেন সাহেব। ওর মনের এই পরিবর্তন কথাটা আমি ওর মুখেই শুন্বো।

সেন সাহেব। হ্যাঁ, হ্যাঁ, তাই শুনুন—আমি এখন উঠি তা'হলে—

এখানে এমন এক কোঁটা মদ নেই যে—একটু গন্ধ শুকবো...

শ্যামলী। বসুন সেন সাহেব! যাবেন না। হ্যাঁ, হ্যাঁ, আপনার

সামনেই আজ আমি সৌমেনবাবুকে একটা কথা জিজ্ঞাসা করবো।

সৌমেন। কি?

শ্যামলী। ব্যাঙ্কের টাকাগুলো পেলেই কি আপনি আমাকে মুক্তি দেবেন?

সৌমেন। তার মানে?

সেন সাহেব। আমিই আপনাকে বুঝিয়ে দিচ্ছি—কারণ এই নাটকের

মূলে রয়েছে আমি। আমি যদি সেদিন আপনাকে সেই Potassium-

টুকু এনে না-দিতাম, তাহলে তো এই নাটকীয় পরিণতিটা ঘটতো

না, শ্যামলীও মিছেমিছি এত বিপন্ন হতো না।

সৌমেন । সনৎকে কোথায় লুকিয়ে রেখেছ শ্যামলী ?

শ্যামলী । আপনি আমাকে মিছেমিছি বিপন্ন করেছেন কিনা বলুন ?

সৌমেন । না ।

শ্যামলী । না ? না ? (অস্থির হইল)

সৌমেন । দেখো শ্যামলী, সেন সাহেবকে বসিয়ে রেখে, এ আলোচনার উদ্দেশ্য বুঝবার মতো যগজ্ঞ আমার আছে ।

সেন সাহেব । গুরুদেব ! পায়ের ধুলো দিন—এ প্লান ফেল করেছে—
আর স্ত্রীবিধে হবে না শ্যামলী ! (সনৎ বাহিরে আসিল)

সৌমেন । এই যে সনৎ ! You are again in the trap ? ছিছিছি,
শ্যামলী ! ওই বদমাইস্ মাতালটার সাহায্য নিয়ে—একদিন তুমি
আমাকে বিষ খাওয়াতে চেষ্টা করেছিলে, আজ আবার বন্ধু-বিচ্ছেদ
ঘটাতে চেষ্টা করছ ?

সেন সাহেব । এই বদমাইস্ মাতালটার সাহায্য কি আপনি কখনো
নেন্ না ?

সৌমেন । চূপ করো মিঃ সেন ! আজই তোমাকে আমি prosecute
করাবো ।

সেন সাহেব । বেশতো । গুরুশিষ্য ছ'জনেই গালাগালি ধরে জেলে
যাবো—আপত্তি কি ? কিন্তু দোহাই আপনার সৌমেনবাবু,
শ্যামলীকে মুক্তি দিন !

সৌমেন । Nonsense ! আমি এখন উঠি সনৎ !

সনৎ । চলো সৌমেন, আমিও এখানে আর অপেক্ষা করবো না ! একরূপ
কুৎসিত জীলোকের মুখ দেখাও মহাপাপ !

শ্যামলী । (কাঁদিয়া উঠিল) পাপ নেই, পুণ্য নেই, ভগবান
নেই—

সনৎ । সবই আছে শ্যামলী, কেউ সন্ধান রাখে, কেউ রাখে না ।

শ্যামলী । পাপ-পুণ্য যদি থাকতো তা'হলে সৌমেনবাবুর মুখ দিয়ে—
এখুনি ঝলকে ঝলকে রক্ত উঠতো ! এতো মিথ্যার জয় কিছুতেই
হতো না ।

সেন সাহেব । Yes, that's a very good suggestion—hands up
সৌমেনবাবু ।

(সেন সাহেব সকলের অজ্ঞাতে শ্যামলীর ড্রয়ার হইতে
রিভলভার লইয়াছিল)

সৌমেন । তুমি আমাকে খুন করবে ?

সেন সাহেব । Yes, just two minutes—for your confession.

বলো সে Potasium আমি কাকে দিয়েছিলাম ?

সৌমেন । রিভলভারের ভয়ে, আমি যে কথা বলবো, তাকি সনৎ বিশ্বাস
করবে ?

সেন সাহেব । কে কি বিশ্বাস করবে—তা' জ্ঞানবার প্রয়োজন আমার
নেই । শ্যামলীর এ অবস্থা না হ'লে—আজ আমি ওই স্বামীকেই
গুলি করতাম । ওর চেয়ে তোমাকে আমি বেশী শ্রদ্ধা করি,
ভালবাসি ! তবু আজ তুমি মরবে ! তার আগে বলো—শ্যামলী
নিষ্পাপ কিনা, নিষ্কলঙ্ক কিনা ? বলো, বলো, বলবে না ?—one
two, three... (রিভলভার ছুঁড়িল)

সৌমেন । উঃ মিঃ সেন—

শ্যামলী । কি করলেন সেন সাহেব ? (সৌমেনকে ধবিল)

সৌমেন । বেশ করেছ সেন সাহেব, আর একটা গুলি করো এই
মাথায়—জুলিয়ে দাও আমি কে, শ্যামলী কে ?

সেন সাহেব । না, না, না—তোমার মাথাটাকে আমি বহুক্ষণ বাঁচিয়ে

রাখবো। হাতে মেরেছি—পায়ে মারবো, ছটা গুলি ভরা আছে
এই রিভলভারে! বলো বলো, শ্যামলী—নিষ্পাপ কিনা, নিষ্কলঙ্ক
কিনা?

সৌমেন। বলবো না, কিছুই বলবো না—গুলি করো, যত পারো গুলি
করো, আমি সহ্য করবো...

সেন সাহেব। সরে যাও শ্যামলী—তোমার গায়ে লাগবে...

শ্যামলী। না, না, আপনি আর গুলি করবেন না!

সৌমেন। কেন? কেন? তুমি কি আমাকে বাঁচিয়ে রাখতে চাও
শ্যামলী! (তাসিল) তাহলে আমাকে এখনো ভালবাসো? সনৎ!
এদিকে এসো—শোনো—এই শ্যামলীকে আমি ভালবাসি? অত্যন্ত
ভালবাসি—পাঁচ বছর সে ছিল আমার কাছে—কথখনো তার
মুখের দিকে কুভাবে তাকাইনি—ছোট বোনটির মতই দেখেছি।
তোমার কাছে সে ছিল মাত্র পনের দিন। তাতেই আজ তার
কুমারীজীবন কলঙ্কিত হয়ে উঠেছে! শ্যামলী আজ তোমাকেই
ভালবাসে—আর আমাকে করে ঘৃণা! মেয়েদের সম্বন্ধে আমার মনে
যে কত-বড়-একটা ভুল ধারণা ছিল, তা' আজ আমি বুঝতে
পারছি।

সনৎ। সৌমেন! সে কাপে বিষ মিশিয়ে দিয়েছিল তুমি?

সৌমেন। হ্যাঁ, হ্যাঁ, আমার উদ্দেশ্য ছিল তোমাকেই হত্যা করা—উঃ!

শ্যামলী আমাকে ক্ষমা করো—আমি জানি—তুমি নিষ্পাপ, নিষ্কলঙ্ক,
সব ফোটা ফুলটার মতই পবিত্র!

সেন সাহেব। তবে? আর কি চাও স্বামীজী! এখন শ্যামলীকে
তুমি বিয়ে করবে কিনা বলো? হাতে আমার রিভলভার
আছে এখনো! একটাতে যে কাঁসি ছুটোতেও সেই কাঁসি—ছুটো

ধুন আমি করতে পার—কিন্তু ছুটো গলা তো নেই আমার! হা হা
হা হা—দু'বার তো কঁসি হবে না? হা হা হা হা...

শ্যামলী। রিভলভার দিন... (হাত চাপিয়া ধরিল)

(এই সময় একটা ভুল হইয়া গেল। অভিনেতা ও অভিনেত্রীগণ মনে
করিলেন নাটক শেষ হইয়া গিয়াছে—সকলেই নিজের পোষাক
খুলিয়া ফেলিলেন। কেহ বা গুণগুণ করিয়া গান গাহিতে-
ছিলেন—কেহ বা অভিনয়ের সমালোচনা করিতেছিলেন।

একটা বিশৃঙ্খলা আরম্ভ হইল। হঠাৎ প্রমটার
খাতা, বাঁশী ও টর্চ লইয়া ঢুকিলেন)

প্রমটার। আপনারা করছেন কি? এখনো ড্রপ পড়েনি!

সেন সাহেব। অ্যা ড্রপ্ পড়েনি! কেন?

প্রমটার। আপনার পাঁচ বাকি আছে যে...

সেন সাহেব। তাই নাকি? দশটা টাকা দাও! নেই? হা হা হা

then, my P. W. D. work is over. Good night ladies
and gentlemen, good night!

সকলে একসঙ্গে গাহিল)

“মায়া-প্রপঞ্চময় আমাদের এই মঞ্চ-মাবো—

নটবর শ্রীকলধর যারে সাজান সে তাই সাজে!”

—দুর্গাদাস

যবমিকা

যে কোন সৌখীন সম্প্রদায় এই নাটক অভিনয় করিতে পারেন।

তৎপূর্বে নিম্ন ঠিকানায় পাঁচ টাকা ‘নাট্য-দক্ষিণা’ প্রেরিতব্য।

শ্রীঅসীমকুমার চট্টোপাধ্যায়

১৪৩, কর্ণওয়ালিস ষ্ট্রীট, কলি—

